

# Perioche des

sept premiers liures de la  
Methode therapeutique de  
Galien : Traduiete par Mai-  
stre Guillaume Cristian,  
Medecin, Docteur, lisant à  
Orleans.


AGATHOS LISTIS.

AVEC PRIVILEGE.

On les vend à Paris par Denys Janot, demou-  
rant en la rue neuue nostre Dame, à l'en-  
seigne saint Jehan Baptiste, pres sainte Ge-  
neuue des Ardens.



A Monsieur le Preuost de Paris,  
ou son Lieutenant Ciuil.

 Vpplie humblemēt De-  
nys lanot libraire & im-  
primeur demourāt à Pa-  
ris : Comme ainsi soit que ledict  
suppliāt ayt recouuert vne petite  
coppie, intitulée Perioche des  
sept premiers liures de la Metho-  
de therapeutique de Galien :  
Traduiete de Latin en Francoys  
par maistre Guillaume Cristian,  
Medecin, Docteur, lisant à Or-  
leans, laquelle il feroit voluntiers  
imprimer : ce qu'il ne veult faire  
sans vostre congé. Ce considéré,  
il vous plaise permettre audict  
suppliant imprimer ledict liure,  
& iceluy vendre & distribuer, &  
deffenses faictes à tous aultres

libraires & imprimeurs de ne im-  
primer ou faire imprimer, vèdre  
ne faire vendre desdictz liures  
autres que ceulx que ledict sup-  
pliant aura imprimez, & ce ius-  
ques à troys ans finis & accom-  
plis, sur peine de confiscatiõ des  
liures qu'ilz auroient imprimez,  
& d'amende arbitraire. Et vous  
ferez bien.

Soit faict ainsi qu'il est requis.  
Faict le xix. iour de Feburier,  
Mil cinq cens quarante.

I. I. de Mesmes. A ii

# Perioche ou

brief argument de ce qui est  
contenu au premier liure  
& commentaire de la  
methode therapeutique de  
Galien.

Pourquoy Galien a voulu  
descripre, & faire inuection  
contre Theſſalus.



Es professeurs & maistres des  
bonnes sciences & ars, ont de  
coustume des le commencement  
rendre raison de leurs labeurs,  
affin qu'ilz ne soient veuz legerement &  
sans consideratiō (ce que plusieurs de nostre  
temps font) mettre hors & en lumiere ce  
qu'ilz ont conceu en leur esprit, n'aussi iuger  
par césures les prodigieuses & magnifiques

opinions d'aucuns qui souuent retiennēt & amusent les studieux, de peur qu'en enseignant il ne suruiēne quelque chose qui puisse nuire à la discipline & science qu'on veut enseigner, de laquelle industrie Galiē véritablement principal ouurier premierement expurge & efface la macule des cueurs pour (apres auoir tous les vices des aultres) instituer & à soy rendre, & l'auditeur pur & net, & du tout addōné seulemēt à verité, affin que l'insatiable couuoitise des richesses & vaine gloire: ce qui n'est plus que nulle aultre chose contraire aux amateurs des bonnes sciences, ne resiste & face empeschement quand les preceptz & institutions sont tressainctement baillez & enseignez, & ainsi finablement il faict inuectiue & parle contre les meurs corrompuz des hommes: pource que dialectique negligée & mise arriere, pareillemēt Rethorique, Musicque, Astronomie, Medecine, & briefuemēt toutes les meilleures sciences, on se rendoit serf seulement aux voluptez mondaines, & à gaigner ou amasser or & argent: Parquoy quand il eut entendu que Thessalus methodique en saluant tous les iours, & vilainement blandissant & flatant les grans & riches personnaiges, auoit amassé vne grande multitude de disciples, ausquelz il promettoit qu'en brief temps, voire en six

Couuoitise  
des richesses.

mois, il leur'enseigneroit toute la science &  
 art de medecine, il commenca lors à s'adres-  
 ser, & aigrement parler contre luy, tousiours  
 gardant toutesfois telle grauité & facunder  
 de parler, qu'a grand peine scaurois tu iugité  
 en laquelle des deux, il aye esté plus excellēt,  
 ou en l'art de medecine, ou d'oratoire : Mais  
 l'occasion opportune qu'il a prise de reprou-  
 uer Thessalus & dire contre luy, est principa-  
 lement, pource qu'au liure qu'il auoit escript  
 de communitatibus, & aussi in syncreticis, &  
 en l'epistre qu'il auoit escripte à Neron: il di-  
 soit iniurieusement que Hipocrates auoit dō-  
 né & enseigné preceptz friuoles & domma-  
 geables, afin que pareillement il donnast à  
 entendre qu'il ne falloir point que le mede-  
 cin eust cognoissance de la nature, ou com-  
 plexion de l'homme. Neantmoins toutesfois  
 que mesmes Plato tesmoigne qu'on ne scau-  
 roit traicter ne dire aucune chose de mede-  
 cine, ne commodement guarir maladie quel-  
 cōque sans entiere cognoissance d'icelle ma-  
 ladie. Mais il ne se fault pas esmerueiller si  
 aussi bien que plusieurs autres choses tres-  
 bien dictes il a calumnié cecy, qui se faisant  
 iuge de soy mesmes, & s'attribuant louenge  
 de ses beaulx faictz, & se ventant impudem-  
 ment, a de bonne fortune, bien conclud par  
 cest argument qu'il seroit le premier de tous

Pourquoi  
 galié a fait  
 inuectiō cō-  
 tre thessalus

les hommes, si de toutes les sciences medecine est la plus excellente, & entre tous les autres Theſſalus est seul excellent & eminent. en icelle doncques il excède & surmôte tous les grandz Autheurs & maistres des aultres disciplines, de laquelle chose pour vray la premiere supposition d'icelluy, soubdainement monstre le contraire, en laquelle il dict, & temerairement afferme qu'en tout il n'ya que deux especes de maladies, c'est ou assauoir ouuert & clos, veu qu'ilz ne doibuent estre appellées maladies: mais plustost differences de maladies, ainsi que plus au long, & par logicques speculations de Gallien le demonstre bien.

La methode des choses  
qui sont traictées en ces  
liures.

A iiii



Alien pourfuyuant son oraison & delaisant pour quelque peu de tēps à parler des choses de Thesalus, enseigne qu'enquerir & trouuer quelque chose par raison & methode est contraire à ce qui est trouué par fortune & sans consideration: car trouuer par methode est avecques certaine voye & bon ordre, telement qu'en disquisition, l'une chose doit estre premiere, l'autre seconde, l'autre tierce, & quarte: Et ainsi desaultres en procedāt par ordre iusques à tant qu'on soit par uenu à la chose qu'on a au commencement proposée. Puis doncques que l'intention & cause finale de ceste methode curatiue, est trouuer la curation de toutes maladies & reduire en santé les corps malades, & aussi corriger les naturelles actions des parties, si aucunes sont viciées, il est besoing de trouuer quelle chose doit estre premiere, ou seconde, ou tierce, ou quarte iusques à ce qu'on soit paruenū à la disposition & maladie, à laquelle nous tendons donner secours: laquelle chose (à vray dire) sera biē commodément faicte si le medecin naturel enquierit & trouue diligemment le nombre & les differences de toutes les maladies, ce que nul ne pourra trouuer non plus qu'aucune autre chose si premierement il n'a par diligent examen

que ce si que  
trouuer par  
methode.

Propositiō  
de cest œu-  
pre

Methode  
pour la cu-  
ration des  
maladies

cogneu la chose dequoy on traite . Par-  
 quoy (comme dict Plato) il fault commencer  
 à l'essence d'icelle chose , & s'enquerir que  
 c'est que maladie, ou santé: Et puis à la fin il  
 fault venir à ses espèces & differences. Mala-  
 die doncques est quand l'operation de tout  
 le corps , ou de quelques parties d'iceluy  
 est blessée , ou perie : mais santé est quand  
 toutes les parties font deuement & sans  
 vice leurs operations naturel es, ce qui est  
 facilement entendu par le seul exemple de  
 l'operation des yeulx , lequel est en ceste  
 maniere . Vision est l'operation de l'œil, &  
 l'œil est instrument composé de plusieurs  
 parties simples (car instrument est partie de  
 l'animant faisant parfaite action , & ope-  
 ration comme l'œil.) L'humeur cristallin est  
 le principal instrument de la veue , lequel  
 doit estre premierement alteré de la cou-  
 leur extérieure : mais il ne pourroit estre  
 alteré s'il n'estoit pur & clair, & si ne peut  
 estre tel sans la temperature qu'il a pre-  
 sentement : car vne chascune chose est telle  
 qu'elle est par la température de chauld, froid,  
 humide & sec, laquelle quand est muée, c'est  
 le nuysement , ou vice, de l'operation, du-  
 quel d'aduantaige nous fault chercher la  
 cause , affin que icelle finablement trou-  
 uée , la curation se puisse facilement infi-

Diffinition  
 de santé &  
 maladie.

Exemple de  
 l'œil instru-  
 ment.

nuer & offrir: Mais icelle n'est aultre chose que maladie, ou disposition qui blesse l'operation naturelle, pour laquelle seule guarir, a esté institué ce traicté de la methode.

**Cōtre Thessalus & Olimpicus, qui ont mal diffini santé & maladie.**

Vis doncques que desia a esté de mōstré que pour chercher le nombre, & les differences des maladies, on doibt premierement commencer à l'essēce de ce qu'on cherche, il fault cōclurre que Thessalus & Olimpicus n'ont peu recueillir par aulcune Methode les especes & nombre des maladies, pource que des le commencement, & à l'entrée ilz ont failly, quand en voulant diffinir santé ou maladie, ilz n'ont du tout rien entendu que c'est, ne de l'ung, ne de l'autre: Car Thessalus constitue santé & maladie soubz genre contraire, duquel les sectateurs & disciples ont deffendu santé estre ferme action, & maladie estre nō pas infirmité & lesion de l'action: Mais certains

disposition du corps, desquelz vng chascun & mesmes, les idiotz cognoissent incontinct la folle, pource qu'ilz scauent bien que ces choses sont entre soy contraires, lesquelles (pour Que c'est' que contraires. veu qu'elles ne soient gères) Aristote a mises soubz vng mesme gère. Mais Olympicus dif- finist santé, estre vne disposition qui est absence de maladie, & que maladie est vne mutation stable de chose naturelle en celle qui est cõtre nature, duquel l'erreur est semblablement cogneu cõme es aultres choses: ou aussi maladie sera vne disposition de corps en absence de santé: ce que pareillement sera absurde & sans raison veu que des deux parties est enseigné non que c'est qu'on cherche, mais que ce n'est point. Parquoy si quelqu'vng doit iamais acquerir le moyẽ & la fin de remedier & curer, nous l'admonestõs qu'en l'art il examine premierement comme element & commencement que c'est que santé & que c'est que maladie, desquelz l'ung & l'autre est disposition & cause maladie, ou disposition est cause d'action blessée & viciée, santé d'etiẽre & parfaite action.

**Que quatre choses doibuent estre par ordre constituẽes en ceste methode.**

**P**ource doncques que desia nous auons par cy deuãt assez claiřemẽt demonstřẽ

combien s'esloignent de la verité ces Theſſa-  
liques quand ilz eſperent & veulent curer  
par methode. Il eſt maintenant temps d'en-  
ſeigner que en ceſte methodique diſputatiõ  
il ya quatre choſes qui de fort pres & par bõ  
ordre ſ'entrefuyent. La premiere de toutes  
eſt la diſpoſition du corps, de laquelle pro-  
cedent les actions qui pour vray ſont perfai-  
ctes pendant que icelle eſt naturelle. Mais ſi  
elle eſt contre nature changée, lors ou elle  
ne faiet point du tout ſes actions ou elles  
ſont vities. La ſeconde pareillement eſt l'a-  
ction qui procede des diſpoſitions, La tierce  
en apres eſt le genre des cauſes qui ſembla-  
blement engendrent & produiſent les diſ-  
poſitions, deſquelles naiſſoient les actions,  
Car tout telle raiſon ha la cauſe eũers la diſ-  
poſition que la diſpoſition ha enũers l'a-  
ction, toutesfois ilz different en ce que la  
diſpoſition neceſſairement demeure avec l'a-  
ction Mais les cauſes de la diſpoſition qui  
empesche & nuyſt à l'action, aulcunesfois  
peuuent bien n'y eſtre point, comme en fie-  
bure ephemere cauſée de l'ardeur du Soleil  
& au contraire y peuuent bien encores de-  
mourer, comme en fiebure putride cauſée de  
obſtruction ou (comme le vulgaire diët) de  
oppilation. La quatrieſme apres ces trois eſt  
eſt le genre des accidentz leſquelz neceſſaire

Cauſe, diſ-  
poſition &  
accidēt ſont  
par ordre.

Plusieurs  
accidents.

ment accompagnent diuerſes paſſions & diſpoſitions du corps. Soit qu'elles ſoient naturelles ou contre nature. Car le vice de l'operation eſt le grand accident de maladie. Mais ceulx qui aduiennent autrement comme couleurs, dureté reſiſtente & tumeur en inflammation ſont appelez accidentz gene- ralement pris, & peuuet auſſi eſtre dictz propres & familiers. D'aduantage à ceulx cy doit eſtre adiouſté vng tiers genre d'accidentz, lequel par aduenture on a accouſtumé d'appeller incident comme ſont trop grande retention & trop grande expulſion d'excrement. Mais des cauſes inſalubres ou (comme l'o dict) maladiues les aulcunes cōſiſtent au corps de l'animât qui ſont appellees interieures ou antecedentes, ou elle viennent exterieurement, & nous les nommōs primitiues. Toutes leſquelles choſes nous pourrōs par ce ſeul exemple enſeigner aux rudes. Prenōs le cas (dira quelqu'vng) que inflammation es yeulx ce ſoit vne diſpoſition cōtre nature, & que la veue bleſſée & vitiée ce ſoit le grād accident de maladie, mais la rougeur, tumeur, tēſion & durté reſiſtente ce ſoit le propre & familier accident, finalement la redōdāce du ſang ſoit la cauſe antecedente de l'inflā- tion, & la primitiue ſoit l'abondance des viādes, par leſquelles choſes j'eſpere que toutes

Cauſes inſa-  
lubres.

Exemple  
pour les acci-  
dens.

non on  
ed en  
200 900  
200 900  
200 900  
200 900

celles qui par ordre entre soy se suyuent sont  
clairement cogneues à vng chascun.

Que Olympicus a mal distinct  
Pathos (c'est à dire passion) d'auec accidēt,

**P**Athos ou passion, ce dict Olimpi-  
cus, est vne disposition contre  
nature permanēte. Mais accident  
c'est ce qui luy succede: parquoy  
est manifestemēt cogueue la legeretē & incō-  
sideration de l'homme, auquel il faudroit  
conceder atrophie, & cacochymie, estre mala-  
dies, si on adioustē permanēce, ce que toutes  
fois il ne cōfesse pas, & ce certes à bō droit:  
car il faudroit adioustier, pourueu que de la  
fust l'actiō blessée ou vitiée: car tādīs que les  
actions sont entieres & non blessées (encores  
que le corps fust mille fois alteré) toutesfois  
mille de telles dispositions, ne doit estre  
dictē maladie: car aussi on ne guarist riē que  
la dispositiō qui vitie & blesse les actiōs, & ce  
que grandement sur toutes choses desirons.  
Premieremēt c'est l'action naturelle, & pour  
elle la constitution & dispositiō naturelle:  
Car nous auons besoing d'ouyr, de parler &  
de cheminer, & non pas besoing d'oreilles,  
de langue, & de iābes: car s'il nous estoit per-  
mis de ce faire par vne aultre partye, dequoy

Que nous  
auons be-  
soing des  
actions &  
non des par-  
ties.

nous seruiroit la langue: Nous auons bõ argument de ce, que quand vne partie est morte & peult estre couppée, comme vng doigt, le pied ou la main: nous ne la portõs pas lõg temps ainsi oyseuse & sans action: mais cõme fardeau pesant & estrange, la couppõs & deiection, en monstrant claiement par cela que nous auõs besoing non pas des parties, mais de leurs actions: Et pareillement (aussi comme ie pense) des naturelles dispositions & constitutions des parties, dont (cõme cy deuant est demonstré) prouiennent les actiõs, mais il fault reuenir à Olympicus, qui en la definition de Pathos ou passiõ, a adiousté permanence: affin qu'il puisse entendre cõbien iolimet & bien il aye descript ceste dispositiõ, Celuy qui par tout les corps souffre conuulsion ou spasme, voire seulement par l'espace de demie heure, n'a il pas aussi bien souffert maladie, comme si plusieurs heures il eust soustenu telle disposition, Apoplexie, Fiebre, Epilepsie, ou telle maniere de noms sont ilz pas indices & signes de la nature de la chose, & & non pas du temps: aultremẽt sans doute seroit merueille si l'eau n'estoit point dicte chaulde, qu'elle n'eust ainsi demouré chaulde vng iour étier, ou celuy qui par six heures auroit eu la fieb. ne fust dit l'auoir soufferte pource que lõguement n'auroit eduré le mal:

Reditiõ  
la permanẽce de maladie selõ Olympicus,

Laquelle chose comme pour certain elle est de extreme follye à dire, pareillement aussi elle est moleste & fascheuse à ouyr aux gens doctes & delicatz en ouye. Parquoy nous finirons icy ceste premiere perioche de la methode curatiue de Galien, en laquelle auons traicté sommairement, pourquoy c'est que Galien aye faicte inuectiue cōtre Thessalus, Et d'aduantaige que c'est que trouuer par methode & aussi que l'intentiō & fin proposée de la methode, est chercher & trouuer la curation de toutes maladies: A laquelle certes auons dict quatre choses estre necessaires, lesquelles gardent ordre entre soy, c'est assauoir causes, dispositions, actions & accidentz. Et finalement nous auons declairé la rudesse & enfance de Olympicus, quant à distinguer maladie, d'avecques accident.

Enumera-  
tiō des cho-  
ses dessus-  
dictes.

En nombrant  
les causes  
dispositions  
actions  
accidentz

**Fin de la premiere Perioche.**

Perioche du second liure de la  
methode therapeutique  
de Galien.

**A**V premier liure cy dessus nous auons  
declairé que des choses qui aduiennent  
aux corps malades, il ya quatre diffe-  
réces:lesquelles nous fault icy repeter  
de rechef, afin que les choses que nous deb-  
uons dire & traicter en ceste œuvre d'exer-  
cice s'entretiennent & suyuent, telement que  
l'une soit veue naistre de l'autre. Or icelles  
sont disposition, action, cause & accident,  
entre lesquelles toutes en ya vne qui est dicté  
maladie: mais ce n'est pas accident propre,  
n'aussi ce n'est pas cause, parquoy c'est ou a-  
ction ou disposition. Mais à la verité on ne  
guarist point l'action, mais la maladie: car  
iamais homme n'a guarý claudication, par-  
quoy dispositiõ doit estre appellée maladie,  
à laquelle seule est du tout adressé le conseil  
& institution de curation: car comme elle est  
variable & diuerse, ainsi elle est appellée par  
diuers & dissemblables noms. Aulcunes fois  
elle prent son nō de la partie blessée & vitiée  
comme pleuritis (qui est douleur pungitive  
du costé) Ischias mal des hanches, Arthritis,

douleur des ioinctures, Podagra, douleur des piedz: aulcunesfoys elle prent son nom de l'accident cōme Tinelmus c'est continuelle affellation, difficulté de respiration, & resue-mentz, & bien souuent elle le prent de tous les deux, comme Cephalagia, douleur de teste, odontagia douleur des dentz, histeralgia, douleur de matrice: & le plus souuent aussi elle le prent de la cause estimée comme melancolia, & l'espece de hidropisie dicte l'encophlematia, aulcunesfoys de la similitude de quelque chose cōe elephātia sis, ladre-rie, cancer, chancre, meliceris, vlcere qui hafanye semblable à miel, & Staphile, infla-mation de vnule. Mais de les nombrer tou-tes ce seroit chose superflue: car plusieurs d'i-celles prennent aussi leurs noms des propres differences, comme pareillement des exte-rieurs accidentz: lesquelles ie delaisse, me contentant d'aduertir & admonester que nul ne doibt entreprendre à lire & estudier les li-ures de la Methode de Galien, que premiere-ment il n'aye, veu, leu, & entendu les diffe-rences & causes des maladies & accidentz: lesquels à la verité te seront bonne guide & conducteur pour paruenir à la curation de toutes maladies, qui est la principale cause & fin de ceste nostre intention & institution.

Icy est enseigné que cest que  
passiō ou maladie, à laquelle  
seule on prepare remedes.

Nous concluons selon Galiē que  
aux troys choses cōtre nature, il  
en fault en ceste Methode adiou  
ster deux aultres, l'une demōstre  
qu'elle difference il ya entre pas  
sion & maladie: l'autre que sans cōgnoistre  
les elementz des corps, on ne pourroit trou  
uer les maladies, pour la premiere on doit  
fidelemēt retenir en memoire que de rechef  
il ya troys choses hors nature: C'est assauoir  
les maladies comme phlegmō, vlcere & fieb  
ure, puis les accidentz comme rougeur, ca  
uité, & resuēment: mais à iceulx sont diffe  
rentz trop grande retention & expulsion des  
excrementz, & les vices des actions: lesquels  
tous en nom commun sont appelez acci  
dentz: mais non subiectz à vng mesme & seul  
genre, desquelz auons plus amplement parlé  
au premier liure: Et puis finablement aussi il  
ya les causes, comme redundance, & corru  
ptiō de sang: car vne chascune d'icelle troys,  
est du nombre des choses qui sont absolu  
ment dictes estre. Mais action n'est pas dictē  
absolument estre, ou à tout le moins ce n'est

Motiō dou-  
ble.

Maladie est  
ia faicte pa  
chosse faict  
encores.

pas ainsi comme les choses susdictes: Car ces parties ne demeurent pas vng seul petit de temps non plus pour vray que de la parolle ou de quelque motion, mais plustost vne chascune de ces choses obtient son estre seulement quand elle se faict: car consideré qu'il ya deux manieres de motiō, l'une d'ung lieu, & l'autre qui est dicte delatiō. L'autre en qualité qui est appellée alteration. Toute actiō est motiō actiue, & alteratiō est motion passiue de la chose alterée: car ce qui est alteré seuffre doncques les dispositions quand elles s'alterent, elles se meuuent, & quand elles ont cessé leur motion: lors elles sont desia alterées, & ne s'alterēt plus: parquoy alteration est vne generation de qualité, cōbiē que absolument generatiō se faict en substāce: Mais cecy semble plustost appartenir à la doctrine phisicque, neantmoins qu'elle a dōné à entendre la plus part de ce que nous pretendiōs: c'est assauoir qu'aucunes choses ont leur propre essence, en generatiō, mutation, alteration, & à brief dire en motion: les autres en la cōstance de leur substance, cōme a esté dict de maladie, santé, accidētz, & des causes qui sont du nombre des choses permanētes & constantes: mais les actions & alterations en quelques choses qu'elles soient ont & possèdent leur essence quand elles se font,

& le corps, en quelque chose qu'il se meue, en icelle mesme il seuffre, & la motion de luy est appellée pathos ou passion: mais ces choses sont traictées & dictes affin que nous puissions exactement curer & guair les maladies, pour lesquelles est preparé ceste methode: car avec elles non seulement le vice & l'action s'en va & s'esuanouist: mais aussi tous les accidens sont pareillemēt ostez & mis hors: car pour certain nous auons tous grand besoing sur toutes choses de l'action qui se faict deument, & selon nature, & aussi pour elle auons besoing de santé: Mais au contraire nous desirons chasser le vice & nuyfance de l'action, & pour ce faire mettre hors la maladie, & n'appliquons pas les remedes à l'action, mais à la disposition contre nature qui luy nuyt. Parquoy il fault aussi distinguer les choses qui naturellement sont aux parties & celles qui par fortune y aduiennent, & finablement celles qui sont cause de l'action: car aultrement on ne pourroit trouuer la disposition qui premierement blesse l'action, ce que nous auons dict estre le principal, & tenir le premier lieu en curation, mais l'action n'est pas blessée tandis que toutes les choses dōt elle procede conseruent leur nature entiere.

Que lon ne peult trouuer le  
nombre des maladies  
sans cognoistre les cau-  
ses des actions.



Si doncques nous desirons tous-  
iour & auoir l'ay de d'une chascu-  
ne action, certes il nous fault cō-  
seruer & garder sa cause entiere  
& saine. Mais si il aduient quelque mauuaise  
occasion qui la nous face perir, ou estre grief-  
uement blessée, il fault plus tost oster la cau-  
se de cela: laquelle si quelqu'vng ignore, il ne  
pourra donner remedes ydoines & conue-  
nables ne aucunement deschasser la mala-  
die. Parquoy pour la cognoissance de ceste  
cause contre nature seruira tresbien cognoi-  
stre la cause de l'action entiere & saine. Car  
nous estimons que la chose oblique peult  
estre cogneue par la droicte & ainsi nous co-  
gnoissons facillemēt la cause de l'action vi-  
tiée par celle qui est authour, & cōmécemēt  
de l'action entiere & non vitiée: laquelle  
quād est mal disposée, elle sollicite le medeci  
pour la restituer en sa premiere integrité:  
mais il vault mieulx pour les lecteurs qui se-

roient encores rudes mettre icy l'exēple de  
 Galiē. Prenōs dōcques le cas que quelqu'vng  
 aye par long temps esté nourry de laict seu-  
 lement, dont il luy soit advenu vne crudité  
 destomach, & la couleur blanche, & puis in-  
 terrogeōs, celuy qui ne cognoist point la cau-  
 se des actions naturelles & qu'il responde  
 que pour la crudité est muée la couleur de  
 l'estomach ne mettra il pas peine lors de  
 restituer la premiere couleur: car s'il attribue  
 la cause de l'actiō à la coulleur, il fauldra ne-  
 cessairemēt aussi qu'a celle mesme il attribue  
 le vice de l'actiō. mais ceulx qui diēt que la  
 cause de l'actiō est la moderatiō des petis pe- pose  
 res & cōduictz, il fault qu'ilz confessent que  
 quād ilz perdēt leur iuste moderatiō, lors ilz  
 vitient l'actiō d'auātaige celuy qui assigne la  
 cause de l'actiō à la temperature des quatre  
 qualitez. Il doibt aussi assigner le vice de l'a-  
 ctiō à l'itéperature dicelles Il test dōcques ne-  
 cessaire apres que premieremēt tu auras co-  
 gneu ce qui est selō nature chercher sembla-  
 blement ce qui est contre nature. Car il est  
 impossible de cognoistre ce qui est contre  
 nature sans auoir premierement cogneu ce  
 qui est selon nature, il fault doncques veoir  
 de rechef à la téperature de quelle partie de  
 lestomach est attribuée son actiō qui est cō-  
 cōctiō. Car en premiere raisō on ne l'attribue

pas à tout l'instrument ne aussi à sa situation, quantité, figure ou compositiō: combien que vne chascune aye son vtilité, parquoy elle est attribuée ou aux nerfz ou aux arteres ou aux veines ou finalement à l'une des membranes qui le cōposent: mais les nerfz, artētes & veines & finalement sa membrane exterieure luy font seulement seruice & vtilité, dont il reste que nous referions la cause de l'actiō dudit estomach à la tēperature de sa mēbrane interieure & ainsi qu'en tous aultres instrumentz, Galien au liure de facultatibus naturalibus a demonstré pareillement qu'il ya vne partie simple de laquelle procede l'actiō: pour laquelle seule conseruer & garder saine, ou la restituer quand elle est blessée, il est besoin d'y adresser tout nostre conseil en intention. Et ne fault pas, que comme font plusieurs, nous cuydions que tumeur scirrhus phlegmō ou apostēme & aultres qu'on peut veoir, & cognoistre à l'œil soient les maladies seules de l'estomach: car aucunes sont qui premierement peuuent estre entendues par raison seulement, lesquelles puis apres sont demonstrées & cogneues par le vice de l'action, Car les maladies que maintenant auons dictes blessent & vitient l'action, soit qu'elles aduiennēt au vētre, au foye, à la poitrine, ou enquelque aultre lieu: car incōtinēt

elles rendent la partie , en laquelle sont plus imbecilles à faire sa propre actiō: de laquelle imbecillité, la cause qu'on appelle cōioincte est intemperature froide, chaulde, humide ou seiche: laquelle doit estre curée par ses cō-  
 trairez selō l'auctorité de Hypocrates, la simple soit curée par simple & la composée par vert<sup>9</sup> cōposée, car ainsi qu'ilz sont huit intē-  
 peratures: pareillement aussi seront huit rai-  
 sons de remedier, Il apparoiſt dōcques desia-  
 cleremēt par ce qui est demonstré, qu'il fault  
 cognoistre le nombre & les differences des  
 maladies si tu veulx deuement vser & co-  
 gnoistre la multitude des remedes qui y sont  
 conuenables: Ce qui est de rechef approuué  
 par le tesmoignage de Hypocrates, Platon,  
 Aristote, Thēophraste, zenon, Chrisippe &  
 de tous les aultres philosophes, qui par raisō  
 confermēt qu'il ya autant de varietez & rai-  
 sons de remedier, qu'il ya d'especes de mala-  
 dies.

Cause ap-  
 pellée con-  
 ioincte.

Que les parties simples sont  
 souuent vitiées par intem-  
 perature cōtre Erasistratus,



Nous auons nagueres demon-  
 stré que la temperature de la  
 partie simple est la cause des  
 actions naturelles, la ou nous  
 monstriens aussi que les instrumentz sont  
 composez de diuerses parties. Mais que d'i-  
 celles toutes en y a vne de laquelle princi-  
 palement procede l'action, & que les autres  
 luy sont comme seruantes: Lesquelles tou-  
 tesfois ont particuliere action pour soy  
 comme en l'œil qui moyénant la tempera-  
 ture de l'humeur cry stallin parfaict la vision  
 laquelle est lors blessée quand il excède sa  
 nature, Mais l'artere, la veine & le nerf luy  
 donnent ayde neantmoins que aussi ilz ont  
 actiō cōmune à tout le corps, oultre plus les  
 petites mābranes ou tays, veu quelles parti-  
 cipēt du nourrissemēt, qui les nourrist sōt en-  
 tieremēt dōnées & garnies de vertuz naturel-  
 les & par cōsequēce aussi des actiōs qui pro-  
 cedent dicelles vertus dōcques toutes & quā-  
 tesfois que l'humeur cristallin est vitiée par  
 intēperature. Lors pour certain l'action des  
 yeulx est vitiée: neantmoins ce ne leur est pas  
 maladie cōme entant qu'ilz sont instrumētz  
 Mais ce qu'on appelle Hypochima cest suffu-  
 siō dhumeur épēsçhâte: la visiō n'est pas mala-  
 die de partie sēblable, Mais de tout l'œil cō-  
 entāt qu'il est instrumēt, mais si veines ou ar-  
 tēres estoient blessées par intemperature, ce

seroit voirement maladie premierement d'icelles:mais aussi seroit elle de l'œil par accident, ce qu'il fault pareillement estimer en toutes aultres parties: Mais Erasistratus a erré en traictant de la substance d'inflammation, veu qu'on ne veoit necessairement aucune impactiō d'humeur arresté en l'extremité des arteres qui sōt es parties souffrātes inflammation, & que les arteres ne cōtiennent pas tant d'esperit cōe quand elles sont naturellement disposées: car si inflammatiō ou scirrhus est maladie de telle espeece que luy & plusieurs des aultres pēsēt cōme luy mesme le dict obscuremēt & plusieurs des sectateurs s'efforcent plus cleremēt exposer, certes il faict que les parties cōsēblables seroiēt quasi exēptes, & nō subiectes à maladies, sinō d'autāt qu'elles pourroiēt estre vulcerées, rōpues, & incisées, & souffrir quelque aultre semblable chose: mais il a teu & omys (tāt est temeraire) qu'elles peuvent estre vexées de huit jntēperatures que nous auons predictes: Car si les choses qui difficilement souffrēt cōe aërain, fer, & pierre, sont veues: à tout le moīs estre eschauffées, refroidies, seichées, & humectées, certesce seroit merueille si l'artete seulemēt avec la veine & le nerf ne pourroiēt riēs sētir de telle passiō: & si seroit chose beaucoup plus admirable si voirement

Erreur de  
erastistratus,

elles la sentoient & souffroient, & neantmoins qu'elles feissent iustement leur action entiere, Comme au cueur, il ya vne certaine vertu, moyénant laquelle il se lasche & se retraict. Mais si quelque foys on arrache le cueur à quelque beste, toute viue, comme souuent nous voyons qu'on faict es sacrifices, il fault pour certain que ceste vertu soit blessée & viciée: car si elle n'estoit blessée. le cueur se mouueroit tousiours, & non seulement iusques à quelque temps, comme maintenant on peult veoir qu'il faict. C'est doncques chose manifeste que la vertu est blessée, & puis par cōséquence elle cesse de mouuoir. Mais puis que ceste vertu peult estre blessée sans que le cueur soit arraché hors, il fault bien dire. la cause de ce vice est intemperature, veu que sa figure, cavité, orifice, ou ligament ne sont point muez: mais seulement la naturelle temperature. Car quand le sang arresté & impacté en l'extremité des catterres blesse l'action, cela pareillement blesse les catterres, d'autant qu'elles sont instrumentz: mais d'autant qu'elles sont parties simples, elles ont certes huiët intemperatures, selō les qualitez muez & huiët aultres avecques fluxion d'humeurs: Parquoy il fault que celuy qui avecques certaine science voudra commencer les demonsttrations de çes choses, com-

La cause du  
poult alteré  
est intempe-  
rature.

mence premièrement aux liures de Elementis, & puis qu'il lise plusieurs fois les aultres chascun à part soy: Mais les liures de temperamentis sont prochains de ceulx de Elementis. Puis s'ensuit celuy d'inequali Intéperie, puis ceulx de naturalibus facultatibus, les aultres de Animæ affectibus, & cōsequémēt à ceulx cy succedent les commentaires de Vsu partiū: apres lesquelz il fault lire par bō ordre ceulx de Causis & differētiis morborū & simpthomatu. Et puis apres fault en toute diligence lire & entendre les liures de Simplicium medicaminum viribus. Puis ceulx cy de Methodo medendi. Apres lesquelz finalement viennent promptemēt ceulx qui ont le tiltre de Pharmacorum compositione. Et si tu tiens tel ordre à lire & apprendre les liures de Galien, Certes tu te pourras facilement tant bien porter à curer & guarir vne chascune espee de maladie, que tu te cognoistras à la fin n'auoir pas petitement profité.

Quelz li-  
ures il fault  
prēdre pour  
entēdre ce-  
ste Metho-  
de.

Que c'est que indication,  
& combien elle peult en  
la Methode de curer.

**D**oncques apres toutes ces choses bié  
 goustées & entêdues, il fault à la fin  
 venir à indication apres que i'auray  
 faict mêtion de ce que Galie a ample-  
 mêt enseigné aux liures: de causis & diffé-  
 rentiis morborum & symptomatū. C'est assauoir  
 qu'il ya vne maladie des parties cōseblables  
 qui est intēperature: mais des parties instru-  
 mētales, il en ya quatre: desquelles la premie-  
 re est encōformatiō. La secōde en nōbre des  
 parties. La tierce en quantité d'icelles. Et la  
 quarte en situatiō: Mais solutiō de cōtinuité  
 est cōme maladie des deux parties, tant con-  
 semblables qu'instrumētales, ilz sōt dōcques  
 en tout six genres de maladies d'ung chascū,  
 desquelz les différences sont traictées iusques  
 aux extremes especes au liure de differentiis  
 morborum. Parquoy nous fault desia traictier  
 des indicatiōs curatiues: mais que premiere-  
 ment ayōs exposé ce mot indicatiō, car indi-  
 catiō est la significatiō & demōstratiō des cho-  
 ses qui se suiuent, ou que par consequence on  
 doibt faire: car par experiēce mesme on trou-  
 ue bié ce qui doibt suiure, ou ce qu'on doibt  
 faire: mais ce n'est pas cōe s'il auoit esté signi-  
 fié en quelque chose precedēte: Parquoy il  
 n'ya aulcū des Empiricques qui die que ceste  
 chose icy soit demonstreé & signifiée par ce-  
 ste la, & que ceste la precede ceste cy: & aussi

Que c'est  
 l'indicatiō.

que ceste cy cōsiste avec ceste la. Finablement ilz dient que tout l'art gist en l'observation & memoire de ces choses, c'est assauoir quelle chose on voit souuentefois avecques vne aultre, quelle chose est faicte d'une aultre, & qu'elle fuyt, ou est faicte apres aultre doncques commencer à la nature de la chose, & d'icelle sans experience trouuer ce qui doit suiure, cela est trouué par indication: Car pour certain tout ce qui est seioinct & hors d'experience est appellé indication.

Qui voudra doncques constituer vne vraye Methode de remedier, il luy conuient commencer aux premieres indications, & puis d'icelles venir à celles qui par ordre s'en suivent, & de rechef de ceste cy aux plus prochaines. Et ainsi ne fault cesser de poursuiure iusques à ce qu'on ait trouué la fin: Mais la fin que nous pretendons de ce present traité est trouuer les remedes d'une chascune maladie: Pour laquelle chose acquerir, nous est certainement necessaire la cognoissance de la maladie: C'est assauoir cognoistre qu'elle est sa nature, ainsi qu'auons predit: Car puis que c'est la maladie qu'on cure, il fault doncques, à bon droit, cōmencer à elle l'indication curatiue. Il est doncques besoing de premieremēt chercher, qui est la generale, & cōmune indication des

Quelle chose soit necessaire a ce luy qui constitue Methode.

La fin de ce traité.

maladies, & puis dela venir par bõ ordre aux aultres especes de indication.

Que toute maladie est  
vne espece : mais diffe-  
rente en multitude.

**Q**ue toutes maladies soient necessai-  
remēt appellées maladies, par la par-  
ticipation d'une mesme chose: ceste  
raison cy le demonstre, par laquelle  
nous disons que les hommes sont appelez  
hõmes: pareillemēt par la participation d'u-  
ne mesme chose, les chiés & les boeufz, aussi  
sans y entendre equiuoque, & finablement  
toutes choses que nous appellõs par nō spe-  
cifique sont ainsi appelez, non pour aultre  
raison que pource qu'ilz ont vne certaine e-  
spece & proprieté qui est à toutes telles qui  
sont d'une mesme raison, & qui n'est point à  
aultres choses qui sont en eulx. Car ilz sont  
tous deux animaulx, ilz ont chascun deux  
piedz, ilz sont rationnelz & si sont mortelz,  
dont nous pouuons conclure ceste maxime  
& reigle generale, qu'a nul des singuliers qui  
sont de mesme espece, voire d'autant qu'il ap-  
partient à icelle espece, on ne trouue riē estre

d'auantaige qui ne soit pareillement aux autres qui sont de semblable & mesme participation: comme à tous chiës terrestres est vne mesme nature d'autant qu'ilz sont chiës, Lesquelz neantmoins qu'ilz ne sont point differétz en nom d'auec le chien de mer: toutesfois l'espece dont toutes choses sont, & premierement distinctes est beaucoup differente d'iceulx: mais ce n'est pas merueille que cela soit aux substāces, veu que pareillement on le veoit aux accidentz: Car l'homme qui chemine n'est point different selon le cheminement d'auecques vng aultre qui chemine: ne aussi vng aduste ou bruslé d'auecques vng aultre aduste, ne vng blanc d'auecques vng aultre blanc, & ainsi le fault doncques deuement entendre d'estre malade, & estre sain: Car estre malade est en tous pacientz, Et estre sain est en tous ceulx qui sont sains, & ainsi que par nom d'hōme, est signifié vne chose. Il est doncques aisé à cognoistre combien sont hebetez de sens, ceulx qui concedent bien que estre phreneticque est vne chose, & estre empirique est vne chose, lesquelz pour vray n'ont pas bien entendu la sentence de Platon, qui afferme qu'une chose sont plusieurs, & plusieurs sont vne. Ceulx doncques qui n'entendent pas qu'une chose est, & est dicté en gēre en espe

Axiome de  
Platon.

ce & en nombre, ilz me semblent veritablement plus ineptes qu'un asne, qui est la plus hebetée beste qu'on puisse trouuer: car l'asne à vne cognoissance des especes communes, & encores vne aultre des priuées, veu que communement il cognoist vng chameau & priuéement ce certain chameau, Et cognoist pareillement vng homme: Mais aussi il scait distinguer, l'homme qui le pense & cognoist d'auantaige le chemin commun & cestuy cy qu'il à accoustumé. Si doncques l'asne entend ceste communite dont les hommes sont, vng en espece. Ce sera certes grand erreur de cuider que toutes maladies qui ont la participation d'une, & mesme chose ne doibuent estre appellées maladies.

Que maladie de re-  
chef, est vng en gère:  
& que c'est quelque  
chose que maladie.

**V**Eu que de toute essence ilz sont certains accidentz, cōe blancheur, gresse & am-

bulation, & aussi certains autres sont des parties d'icelle essence, comme des yeulx, priuation de la veue, & des piedz claudicatiō & que d'auantaige ilz sont certains signes de l'ame, ou couraige, comme bonté, iustice en force. C'est doncques à bon droict, que franchement on confesse qu'il y ait vne certaine maladie, qui par vniuerselle cognoissance soit vne chose en genre, ou espee dont les autres maladies doibuent estre ainsi appelées, & qu'elles peuuent aussi bien aduenir au corps que les choses predictes. Car vng medecin est appellé medecin: Pource qu'il a ce parquoy les autres sont appelez medecins. Et pareillement vng malade est dict malade, pource qu'il souffre la chose dont on dict que semblablement tous autres sont malades. Le m'esmerueille doncques de ceulx qui concedent bien estre vng phreneticque, & vng homme: Mais ilz nyent estre maladie, & anymant: Car c'est tout ainsi que si tu concedoys, qu'il y eust des choses composées, & que tu fusses en doute des simples, comme si naturellement les simples ne feussent premieres que les composées. Car de nature, l'estre des hommes, & de phrenaisie est premier que l'homme phreneticque. Mais escoute icy encores plus grande desraison d'aulcunes qui

nyent estre maladie, pource qu'elle ne fut  
 iamais à part soy. Vrayement cest vng beau  
 dict, car comment est il possible que blan-  
 cheur, ou course, ou finablement quelque aul-  
 tre accident, puisse estre à part soy & non en  
 aultre substance. Sens est il pas vne certaine  
 chose qui aduient aux corps? & le corps qui  
 sent n'est il pas vne chose? Ainsi certes mala-  
 die aduient aux corps: lesquelz par icel-  
 les sont dictz estre malades, dont il s'ensuyt  
 que c'est chose absurde de nyer que maladie  
 soit quelque chose: car si dispositiō n'est riē,  
 doncques maladie n'est rien: mais si on con-  
 cede que disposition soit quelque chose, ce  
 sera doncques quelque chose que maladie: &  
 ie veulx que pareillement on l'entende d'ac-  
 cidēt, & de passion: & d'aduantage aussi de  
 santé, de pureté, de force, & de puissance, &  
 generally de toutes aultres choses, dont  
 les noms & cognoissances sont dictes de  
 quelques subiectz: car toutes telles choses  
 sont aux corps, en partie comme dispositiōs,  
 en partie comme actiōs, & en partie comme  
 passiōs: desquelles les vnes sont naturelles, &  
 les aultres cōtre nature. Mais affin que ceste  
 nostre perioche ne s'entēde trop amplement,  
 ie plieray mes voies, & ensemble ie conclu-  
 ray que maladie est vne des choses qui sont  
 dictes contre nature: laquelle auons demon-

stré estre differente à passion par mouuement  
seul, & adioustons d'aduantage que personne  
ne peult auoir cognoissance du nombre des  
maladies, si premierement il n'entend que  
temperature est la cause de toutes actiōs na-  
turelles: lesquelles se font du tout entiere-  
ment quād elle est disposée selō nature: mais  
si elle est contre nature, lors elles se font vi-  
tiées & corumpues. Nous conseruōs donc-  
ques & asseurons contre Erasistratus que les  
parties simples se vitient, non seulement par  
inflammation scirrhus ou tumeur: mais aussi  
que plus tost, & le plus souuent leurs actions  
sont ēpeschées par intēperature. Pour la cura-  
tiō de toutes lesquelles choses, l'effect nous  
enseignoit qu'il a besoing d'indication, &  
ainsi finablement nous auōs en brief declairé  
quelle chose est signifiée par le nom d'indi-  
cation, & combien elle peult seruir en l'art  
de medecine. Et pour faire fin, à ceste dispu-  
tation a succedé la demonstration: parquoy  
Galien entreiectant plusieurs speculatiōs &  
generales sentences de logicque a ample-  
ment approuué & confirmé que maladie est  
vne chose en genre, mais differente en nom-  
bre.

Fin de la seconde perioche.

Perioche du tiers liure de la methode therapeutique de Galié.

De quelle chose se prent principalement indication à guarir les maladies.



Source que par cy deuât à esté démontré que indication, laquelle prouient & naist premieremēt de la nature de la chose trouué ce qu'on y doibt faire. Il est necessaire prendre l'inuentiō des aydes selon la nature des maladies: toutesfoys l'indicatiō prise de la maladie (combien que pour la curation elle est la premiere & plus grande de toutes) ne suffist pas, comme cuidoit Thessalus: mais d'aduantage il fault diligemmēt obseruer la temperature de tout le corps, & de la partie la maniere de viure les choses accoustumées, le temps, & finablement toutes choses que escript Hypocrates: car celle que premiere-ment auons dicté demōstre qu'il fault oster les choses qui cōtre nature sont au corps, cōme la pierre en la vecye: mais celles qui sont selon nature, il les fault conseruer, & celles qui sont hors leur lieu naturel, comme l'intestin en la bourse des genitoires demōstrēt quelles doibuent estre remises en leur premier

Les choses  
à obseruer  
en curatiō.

lieu: mais certes cela est cōmun aux rustiques & vulgaires qui aduertissent & commandent qu'ō leur oste les verrues, les ongles en l'œil, & toutes les tumeurs contre nature, & que le mēbre disloqué soit reduict en son lieu: mais par quelz remedes & aide on doibue faire cela, celuy seulmēt le cognoist qui par raison & experiēce acquiert la fin de l'art. Parquoy solutiō de continuyté (qui en diuerſes parties acquiert noms differentz) demāde reunitiō: mais tous n'entēdēt pas quelle partie la peult recepuoir, & quelle nō, de laquelle toutes fois ya double cognoissance, l'une par experience qui à besoing de lōgvsaige, & l'autre par la nature de la partie mesme, laquelle certes est enseignée par sa substance nerueuse charnue ou osseuse. Oultreplus l'action scituation & vtilité seruēt beaucoup à cela, & quād quelqu'vng aura commencé à ces choses, non seulement il entēdra celles qui peuuēt recouurer santé: mais aussi il cognoistra fort bien par quelz aydes cela ce peult faire. Commençons doncques la chose à simple plage, & quelque fois selō le fil de l'oraison à plage composée en proposant exemple de plage caue, en laquelle est besoing d'engendrer chair, affin que tout à vne fois nous rendions Theſſalus confus, & que nous rendions nostre auditeur rationel parfaict en l'art.

Les choses  
qu'on doibt  
cognoistre  
en reunitiō.

De simple plage & caue: pour  
laquelle curer, l'épiricque prêt  
& applique sans diffe-  
rence tout medicament  
farcoticque.



Ng chascun cognoist doncques  
qu'il ya vlcere simple, laquelle  
pour mieulx & clairement enten-  
dre, cy apres appellerons plage,  
ou composée de plusieurs aultres dispositiōs,  
comme de cauité, pourriture, inflammation,  
intemperature de la partie & aultres, de qui  
nous parlerōs biē tost: desquelles en ce tiers,  
quart, quint & sixiesme liure, nous ensei-  
gnerons & traicterons avecques Galien, cō-  
menceant aux choses simples, tant en cestuy  
cy qu'au cinquiesme: car il fault premiere-  
ment traicter les choses plus manifestes,  
neantmoins que personne ne peult enten-  
dre la raison des composez, si premierement  
il n'a entierement cogneu tous les simples.  
Plage doncques. (ain si qu'est desia dict) de-  
monstre qu'il luy fault seule reunion, &  
s'il ya cauité luy fault impletion, & finable-  
ment induction de cicatrice: Mais la cauité  
ne peult iamaïs estre remplie, si l'os qui est  
desloubz la chair est pery, neātmoins qu'elle

peult estre cicatrizée, ce qui peult seulement estre trouué par raison & experience. Les medicamētz qui remplissent les cauitez, sont appelez *sarcotiques*, dont souuent a vſé *Theſſalus*: desquelz toutesfois il n'a cogneu l'inuention, né com me dogmaticque, ne cōme empiricque. Or ceulx sont comme *Iris*, *Panax*, thus, *Aristolochia*, *Eruy* *farma* & plusieurs aultres cōposez d'eulx, lesquelz *Galiē* enseigne aux liures de *pbarmacorū cōpositione*: desquelz nous en auons ainsi recuilly vng qu'il a appellé au cinquiesme liure *dia Silphui*, & l'auōs preparé à la forme cōmune des praticiens, comme pour vray nous auons deliberé faire la ou l'ocasiō opportune s'of-  
frira: car il est de ceste maniere.

Rec. *Rhesinæ* vnc. & d'. *punicis* torrefacti & cum vino restincti *Iris*, *aristolochiæ* lōge an. 3. ii. f'. *asæ fetidæ* .3. *quinque*. *squamæ aris thuris*, an .3. i. f'. Soit faicte pouldre de cela, laquelle soit receue en miel cuyt pour vſer: car pour certain tous *Sarcotiques*, c'est à dire generatifz de chair, soient simples ou composez, si on les applique deuemēt & biē, ilz sortiront tousiours leur effect. Mais bien souuent ilz sont frustrez de leur fin & effect, pource qu'vng empiricque sans difference ne sans esgard aulcū, les applique à toutes natu-  
res: mais le medecin rationel qui cognoist

qu'a vne chascune nature sont ses remedes, comme nous monstons apres, il entend qu'a l'une est vtile Aristolochia, & à l'autre nuyfible: & ce pour la diuersité & difference des temperatures humaines, parquoy bien souuēt quād il voit ceulx qui sont cōtraires à la plage, incontīnēt il les tempere & corrige, tellement que d'ung contraire il en faict vng bon & tresconuenable. Ce que n'entendant point vng empiricque, il commāde que plusieurs d'une mesme puissance soient meslez affin que d'iceulx il y en ayt parauanture quelqu'vng qui puisse ayder à son propos & intention: Il ne meslera doncques pas verd de gris & huylle ensemble, cē que sans craincte fera vng medecin rationel, non ignorāt que de deux contraires excessifz en faict vng bon & temperé, Ce que Galien a enseigne aux liures de Pharmacorū cōpositione, & à clerement monstre quelle mesure & quantité doibt estre en la cōpositiō d'ung chascun.

Qu'il ya double cause d'engendrer chair, à laquelle sert le médicament sarcoticque, mūdifiant & desseichant enuiron le premier degré.

**M**Ais pource que en la plage caue est proposée regeneration de la chair perie. Il fault entendre que la matiere pour ce faire est bon sang, mais l'ouurier & l'auteur est la nature ou temperature de la partie vulnérée il fault doncques tousiours considerer ces deux choses, c'est assauoir si le subiect est de bonne temperature, & si le sang qui y infuse est bon ou de deue quantité, ausquelles choses si elles sont ainsi il n'ya rien qui nuise ou empesche, que la premiere generation de chair n'adiène tresbié, & cesans ayded'aucun exterieur medicamēt mais pource que à toutes mutatiō de la qualité du nourrissement S'ensuit double excrement: il est necessaire que en engendrant la chair il prouienne, aussi double excrement dont l'vng est gros & visqueux qu'on appelle ordu-  
re. Mais l'autre est subtil & aquelux, que nous appellons saue, Le premier demande estre essuyé, & mondifié, & l'autre estre desseiché. Veu doncques que nature na cessé ne repos en temps quelconque ces deux excrementz s'engendront tousiours en plage caue, Parquoy sera tousiours besoing de deulx genres de medicamentz: qui sont celuy qui desseichent,

& celuy qui nestoye & expurge, desquelz tu as amplement la matiere aux liures de Simplicium medicamentorum viribus, la ou Galien enseigne par genres & especes que les aucuns eschauffent, les aultres reffrigerent, les aultres desseichent & les aultres humectent. Et pareillement au cinquiesme liure au dernier chapitre de cedit traicté, il demontre que souuent ilz sont composez en leurs vertuz. Et toutesfois que cela se faict par certaines limitations ou degrez, mais pource que les medicamentz tant ceulx qui desseichent puissamment que ceulx qui nettoient, consomment non seulement la superfluité del'humour insluent, mais aussi ilz rauissent & desseichent le sang qui y afflue, ilz fault necessairement qu'ilz soient desiccatifz & absterfifx au premier degre ou enuiron cōme sont, Thus, Hordeacea, Fabeacea eruique farina, Iris, Aristolochia, Cademia, Phututia, Pompholix, Mirra, Aloé & finablement plusieurs aultres qui different seulement par raison de plus ou moins, donc il s'ensuit que d'iceulx les vngs sont cōuenables à ceste nature & les aultres contraires à vne aultre nature.

Qu'il fault cōseruer la tem-  
perature de la partie, & tou-  
tesfois que la plage doibt  
toufiours estre seichée & que  
en curatiō on ne peult entē-  
dre ne ordonner quantité.



A nature du subiect demonstre  
que en plage caué on doibt pro-  
duire chair semblable à celle qui  
y estoit parauant, dōt il nous viēt  
icy double indicatiō: l'une de la plage qui de-  
māde estre toufiours desseichée, l'autre de la  
temperature de la partie qui demande estre  
conseruée. Car les choses qui sont oultre na-  
ture demandent estre ostées: mais celles qui  
sont naturelles demonstrent qu'on les doibt  
conseruer. La partie doncq plus humide de-  
mande vng médicament plus humyde, la pl<sup>9</sup>  
seiche vng plus sec & ainsi des aultres: dōt  
il s'ensuit qu'une chascune nature a sa raison  
d'estre remediée. C'est dōcques à bōne cau-  
se que thus engendre suppuration ou aulcu-  
nes natures & plages & ny produiēt point de  
chair. Aristolochia & panax desseichent pl<sup>9</sup>  
fort & plus puissamment qu'il n'est besoing  
aux natures plus humides & finablemēt aux

aultres. Lesquelles ceste nostre briefue pe-  
 rioche ne permet que nous nombrions ne  
 racontions, Mais à enquerir & examiner  
 toutes ces choses, les empiricques sur-  
 montent les methodicque, neantmoins  
 qu'ilz ont cogneu par longue obseruation:  
 & vſaige que to<sup>9</sup> medicamētz ne conuienne  
 pas a toutes natures. Parquoy ilz approchent  
 plus pres qu'ilz peuuent a la propriete de la  
 nature qu'il fault curer escriuant en leurs  
 commentaires, en ceste maniere. medicamēt  
 pour ceux qui ont le corps mol pour les en-  
 fans & pour les femmes. Puis de rechef vng  
 aultre emplastre, pour les corps des vieilles  
 gens, Ilz en composent vng aultre pour les  
 plage difficilles a recepuoir cicatrices, & qui  
 ont les bors ou leures fort enſiez. Et toutes-  
 fois ilz ne confessent pas, comme ne font  
 tous dogmatiques, que nature puisse estre di-  
 ligenment cogneue. Parquoy on nen peut  
 exactement escrire la curation, car combié  
 qu'en lart il nya chose ne remede qu'on ne  
 puisse bien dire en son espeece, toutesfois il  
 ya quantite seule, laquelle ne peut estre  
 escripte, ne certainement ordonner ou limi-  
 tée. Car en plage on dict bien ordure: &  
 fauye. Mais toutesfois leur quantite n'est  
 point dicté. Neantmoins que nous me-  
 ritans peine dy acceder bien fort pres di-

sons qu'elle est petite ou grande, grosse ou subtilité, mais à ce faire coniecture, nous peult ayder beaucoup. Car voyant que le médicament n'a produit ne engendré chair, Il nous fault considerer ces deulx choses: assauoir s'il a trop peu ou trop fort desseiché, Et pour les signes & cognoissance de cela, nous aurons l'ordure & sauye, Car s'il ya vng peu trop d'ordure & de sauye le médicament à trop peu desseiché. Mais si la plage est trop exhallée & sans humidité. Lors elle a trop desseiché. Incontinent doncques nous entendrons aussi la mesure de l'exces ou de ce qui deffault par le moyen & quantité des signes & par ainsi le médicament que puis apres on apprestera fera d'autant ou plus sec ou plus humyde applicque sur la plage.

## De curer simple plage.



LA curation de plage est parfaite par vne mesme methode cest assauoir celle qui est prise tant de la température du membre blessé que de la vertu des medicamentz. Lesquelles deux choses dependent du traité des elementz. Car en ceste simple plage ya solution

Pourquoy  
le cuyr ne  
peult estre  
reparé.

de cōtinuité seulement qui demande medicamentz conglutinatifz, ce qui n'est ainsi en plage caue. Car en plage caue ou plaine, il fault engendrer chair & cuyr. Mais en ceste cy sont tant seulement proposées deux choses qui sont regeneration du cuyr superieur dict des grecz. Epidermis, car le premier ne peult estre réparé. Pource que c'est partie faite du sperme, & l'autre est reunion de la solution de cōtinuité. Mais en plage ya vne intention seulement qui est vñition de laquelle auons proposé de traicter icy. Pour laquelle chose faire, il fault certes que les leures des parties diuísées & distantes soient conioinctes ensemble & qu'elles demeurent ensemble conioinctes, Mais les aucunes demeurent ensemble par soy mesmes, les autres par aultre ayde. Celles demeurent par soy mesmes quiconques se concrèent par soy & s'entretiennent ensemble, comme la chair & toutes celles qui ont leur substance charnue. Mais celles qui demeurent vnies ensemble, par aultre ayde sont dures & seichet. Car les molles s'vñient & s'entretiennent facilement, comme les oz, nerfz & cartillages: Lesquelz tous requierent quelque chose glutineuse ou quelque ligature pour les faire demeurer ensemble. Mais de ceulx cy nous en traicteros apres, Mais maintenāt nous dirōs

de celles qui facilement se vnyent par soy mesmes, Aufquelles nature est cause de leur vnyon. Parquoy si tu assembles & ramenes conuenablement en vng les lebures distantes elles cōsoliderōt sans aultre ayde se sont assēblées & ramenées envng ou par ligature faicte alétour ou par bouclettes, ou par future adioustée. Ce qu'on met al'étour pour faire ligature, & vnyon doit auoir moyen entre dur & mol. Si tu fais ces choses, Et que la plage soit ( ainsi que auons proposé) simple, & sans aucune aultre disposition. Il est certain que elle se renira & consolidera. Mais si pour la grandeur d'icelle, les parties desioinctes & séparées, iusques au profond ne se peuuent reioindre ne par bouclettes ne par futures qui y peussent atteindre, ou aussi que desia y soit acuilly sanye, ou qu'elque douleur. D'auantaige telle maniere de plage, ne se peult totalement conglutiner en assemblant seulement, & ioygnant les parties en vng, Car douleur y prouoque Fluxion des humeurs Laquelle ne peuuent endurer ne porter les parties affoiblies, & rendues inbecilles par douleur. Mais sanye ou air encloz au dedans empesche que les frōtz des costes interieurs se puissent atoucher

La differēce  
du medica-  
mēt sarco-  
tif d'avec le  
glutinatif.

l'vng l'autre parquoy affin qu'a tout le moigs  
telles parties de la plage soient vnies elles  
demandent estre premierement remplies de  
chair par œuvre de nature, & fauldra preparē  
vng médicament sarcoticque qui puisse de-  
seicher la plage. Et s'il ya ia sanie qu'il la cō-  
sume, & qu'il engarde les choses qui y pour-  
roient decouler Toutesfois il differe d'ad-  
uecques le glutinatif. Pource que cestuy la  
premier desseiche & mondifie par abstertiō  
& cestuy cy desseiche aussi. Mais plus puissam-  
ment. Et si abstrinēt comme sont tous au-  
steres & acerbes. Mais ceste raison demon-  
stre que le sarcoticque ne doibt point estre  
astrictif, pource qu'aux plages Il afficheroit  
l'ordure, & luy feroit plus fort tenir que facil-  
lemēt elle en peult estre ostée, & nectoiée le  
vin doncques est tresbon médicament a tou-  
tes plages entant qu'elle est plage. Il fault  
toutesfois en ceste vnition de plage obser-  
uer pareillement & garder vne chose c'est  
que la temperature de la partie soit bien  
conseruée. Car c'elle qui est seche requier  
ses medicamentz glutinatifz plus secz. Et  
c'elle qui est humide les requiert plus hu-  
mides. Dont il s'ensuit vng aultre certai-  
ne methode qui appartient a la preparatiō  
& composition d'iceulx, Car aux plages  
profondes on n'applique pas facilement

vng médicament 'sec. Parquoy le fault  
meller avec liqueurs & gressés pour le re-  
duyre a la forme des emplastres. Affin  
que puis apres ilz decoullent au profond  
Et que plus facilement ilz penetrent,  
Mais il me semble que cecy appartient à  
la speculation & traicté de la composition  
des medicamentz. Nous auons doncques  
sommairement, & en brief dict ces cho-  
ses cy dessus des medicamentz glutinatifz.

### D'induire cicatrice.

Ar cy deuant vng suyuant  
l'ordre de noz parolles, &  
P trictant de plage caue auons  
en brief quelque peu parlé  
d'induire cicatrice ce que  
nous voulons icy paracheuer, Car a ce faire  
la chair obtient le lieu de la matiere comme  
faict le sang à remplir vne cauité, Mais le  
médicament qui desseiche plus fort que le  
glutinatif faict l'office de la cause effici-  
ente: car quant la plage est plaine & esgallée  
Il fault couvrir la chair de naturelle

Couuerture ( Car cela est induyre cicatrice ) Parquoy ou il nous fault engendrer cuyr ou rendre la chair superficielle semblable au cuyr, Mais ( comme nous auons predict, ) Le cuyr ne peut estre regeneré. Dont il s'ensuit qu'il se fault efforcer de prodhuyre quelque chose qui luy soit semblable, Et qui fuisse à faire & excercer son office. Or il fault doncques alterer & muer la chair à seicheresse, toutesfois ce cuyr n'est aultre chose que chair plus desseichée, dont le cuyr doibt estre fait plus massif, & plus sec quelle mesme, ce que plainement pourra faire le medicament dessicatif & astringent ensemble, tel comme estoit le glutinatif: Mais ilz different en ce que le cicatrifatif doibt consumer non seulement l'humour qui y influe: Mais aussi celuy qui est cōtenu en la chair. Mais il fault que le glutinatif consumé senllement ce qui y influe, C'est assauoir que la partie n'aye aucune superfluité, ne chose qu'il ny nuyse, Parquoy nous auons desia clairement dict que ceulx cy desseichent moins, Et les autres qui sont cicatrizatifz, desseichent plus: Comme moderement desseichent ceulx cy qui sont Galla, Balauſtion, Sumach. Mais chalcitis, ſtes vſtum, Aeris, Scama, Miſi, & Fiſſum

à lumen, Sont beaucoup plus puissant que ceulx la, lesquelz s'on laue, relachent vne grande partie de leur puissance & vertu : D'aduantage nous en auons icy transferé, vng composé pris du sixiesme liure de Pharmacorum compositione. Lequel Galie à appellé Aeride, ainsi que les aultres poudres. ꝑ xcorticis, Puni, Sicati. 3. vi. Cornu, Cerui, cōbusti, Cerusse, Corticis, Thuris. an. vnc ſ. cadune. vnc. i. æruginis Ra'e. 3. i. ſ. vſe de cela broyé ensemble .i. Galien en ce mesme liure en escript vng aultre pris de hypocrates, qui cicatrize la chair sans erosion, & est en ceste maniere. Rec. Sandarache, Chrisocollé, Arenisci, an. partes equales, fiat puluis : laquelle si tu veulx, soit Incorporée, & receue avec huile ou cire quant tu en vſeras : mais de ses choses auons assez dict iusques icy, Car c'elles doibuēt estre refferées au traicté de la composition des medicamentz Lequel (certes) s'ensuit par bon ordre, Apres les commentaires de la methode, ainsi qu'a tresbonne & iuste raison, nous estimons que la cognoissance des simples, precede ladicte methode, & deuant les simples, precede pareillement la speculation des elementz & des temperatures : Car veu qu'il ya vne aultre science des simp'les, & vne aultre des

composez, vrayement c'est bien raison que la cognoissance des simples precede par ordre celle des composez. Mais icy prédra fin nostre disputation d'induire cicatrice.

## De trop grãde excroissance de chair.

**Q** V and la plage habonde en chair superflue, ou trop excroissante, comme en plage caue: lors est proposée double disposition, c'est aſſauoir, instrumentaire, & cõmune instrumentaire est excessive quantité, & commune est ce que nous appellons solution de continuité, ceste cy demonstre qu'il la fault cõioindre: Mais la premiere demonstre qu'il fault oster ce qui est superflu la chair est engendrée par operation de nature: Mais la superflue & trop excessive est ostée par la vertu du medicament qui puifſe grandement desseicher, & fault qu'il soit presque aussi puissant que ceulx qui fort nettoient & mundifient, & aussi que les cicatri-

zatifz. Mais ie desire qu'en tout & par tout on obserue tousiours en fidelle memoire vne chose, c'est que pour la diuerse & differente tēperature des parties, il fault diuersifier les remedes, veu que les vngs (en aulcunes natures) consummant bien la chair surcroissante: mais en aultre, ilz la cicatrissent, comme en aulcunes ilz font seulement l'office de glutinatif: car la partie seiche requiert medicamentz plus secz, comme l'humide plus humides, & ainsi es aultres. Or à ce faire profitent bien ces simples icy. Calx viua arsenicum, erugo aeris squania chalchantum vtraque aristolochia. Mais des composez nous en auons mis icy vng pris en Scribonius largius, duquel meges chirurgien vsoit. Rec. calcis viuæ .vnci.ii. thuris squamæ aeris eclauis decusse. an. vnci.i. Adioustes y si tu veulx eruginis & argenti spumæ. an. 3. ii. soient receuz en huile de mirtilles pour en vser.

Medicamēt  
qui consum  
me la chair  
superflue.

Oultre plus ayez ceste aultre cy de Galien, au cinquiesme liure de la composition des medicamentz. Rec. sandarache arsenici. an. 3. iii. Calcis viuæ thuris. an. vnc. i. s'. Vse de cela broyé, d'aduantage, il en ya cy vng aultre que Galien appelle nard, duquel il a faict mētiō aux liures de la methode. Rec. eruginis chrysocolle. an. vnc. i. Thereb. thme vnc. i. s'.

cere .3. i. aceti modicum : Certes nous en mettriōs icy beaucoup d'aultres, & de largius & de Galien & de prince & aultres practiciens: Mais ie crains que c'est nostre Perioche ne perdift le nom d'abreuiatiō. Parquoy veu que nous auons desia paracheuē à traiter de la curation de plage simple caue plaine & surcroissante, adioustons y maintenant es dispositions qui bien souuent sont meslées avec plage, & commencerons à l'interpretation des parties qui souffrent solution de continuité.

### Des dispositions meslées avecques solutiō de continuité,

**L**A chose requiert & nous admoneste maintenāt qu'apres auoir traicté de plage nous adioustions les aultres dispositions qui bien souuent ont de coustume luy aduenir ensemble, & que nous commencions à l'intemperature de la mesme partie: Car quand icelle est rendue plus chaulde, ou plus froide que de raison, certes elle de-

mande vng médicament , qui non seulement desseiche , ou humecte : mais aussi qu'il soit proportionné à la disposition , Car il est impossible qu'en place se puisse iamais bien & deuement faire regeneration de chair ou repletion de cauité , ou conglutination , ou finablement induction de cicatrice si la chair subiecte n'est en sa naturelle temperature . Parquoy tu doibz auoir plus grand soing de la deue & legitime temperature des parties plagées , toutes & quantes foys que tu les veulx remplir de chair , ou les cicatrizer , ou les conglutiner : Car s'il y auoit inflammation avecque place telles choses ne se pourroient faire par l'operation de nature , si premiere-ment n'estoit ostée l'inflammation de la partie & l'intēperature quand elle y est d'aduantage , il fault considerer & entendre que les medicamentz , tāt chaulx que froidz doibuent auoir certain ordre & degré à corriger l'intemperature des parties . Car mandragora , & hyoscyamus refrigerent trop : Mais resina pix & asphaltus sōt trop chaulx , neantmoins qu'ilz ne sont pas trop secz , Il fault aussi qu'en la curation des places soit proportionnée la temperature de l'air ambiant , de laquelle on doit corriger l'exces par médicament . Pour ceste cause Hip-

pocrates quand le temps de l'année est trop chauld, vse de medicamentz qui ayent vertu de le refrigerer, & en tout temps froid, il ense de ceulx qui le peuuent reschauffer, ce theoreme, ou speculation generale sera doncques vraye qu'une chascune chose recoipt conseruation de soy par semblables, & recoipt ablation par contraires, & que celuy aussi qui s'efforce de bien & commodément guarir les plages, doibt considerer la temperature du corps, les saisons de l'année, & la nature des parties.

Qu'en la curation de plage, & d'autres dispositiōs sont souuēt indicatiōs contraires & qu'il fault cōmencer à la chose sans laquelle l'autre ne peult estre curée.



Ar les choses qui seront plus amplement declarées, cy apres on cognoistra facilement que bien souuent en vne curation naissent indications contraires, & pareillement y sera dicte en brief combien cela peult seruir: car aulcunesfoys le corps est trop humide, & la partie trop seiche, ou au contraire: Et pareillement on le treuve souuent en froideur & chaleur. En quelle chose il fault d'autant fortifier & accroistre la vertu du medicament comme le corps est tourné à temperature naturelle, Prends doncques le cas que toute la temperature du corps souffrant soit humide en deux degrez, & que les parties souffrantes soient seiches en ce mesme nombre, certes le medicament doibt estre moyen en ceste opposition: mais si la partie est plus seiche en ce quelle doibt que le corps n'est humide, il fault à lors d'autant accroistre la vertu ficcative du medicament comme la temperature de la partie excède la temperature de tout le corps, Comme si la partie plagée de quatre degrez plus seiche que moyenne temperature, & que la nature du pascient est plus humide de tous degrez: il est certain qui fault que le medicament soit chauld en vng degré, pour ce que la ficcite de la

Les choses  
qui sont Par  
ordre en cu  
ration de  
plages.

Troys intē  
tions en cu  
ration de  
plages.

partie surmonte seulement d'un degré l'humidité de corps. Mais ainsi que ces choses peuvent estre cogneues par seule coniecture, pareillement aussi elles requierent longue exercitation, & n'est besoing d'aduantage de parler des indications prises de chaleur & froideur: car elles peuvent biē estre entendues par la propotion des choses predictes, car ces indications se font en vng mesme temps: mais il en ya d'autres qui se font en diuers temps, car inflammatio doit estre premierement ostée, & puis l'ordure doit estre nettoyée. La cavitē, quand'elley est remplie, & finablement la cicatrice induite. Doncques en toutes plages ainsi composées nous sont proposées troys fins & intentions: l'une est prise des causes de ce qui aduiendra, puis apres comme est la deue & iuste temperature de la chair subiecte, qui est cause de la repletion & vnion. La seconde est celle qui obtient raison de fine quanon comme est la pureté & netteté de la plage, & la repletion de cavitē: car sans ces deux la plage ne sera point guarie. La tierce est des choses qui quasi nous hastent & sollicitent, comme sont les dispositions dont premierement & sur toute autre chose il ya peril eminēt à l'homme, lesquelles on doit curer les premieres, & aulcunesfoys seules,

comme quand le sang flux trop fort de la veine ou artere, tu couperas tout le naissant par le trauers, affin que tu ostes le peril qui est eminent par ce flux de sang: toutesfoys tu rendras la plage incurable, d'aduantage quand il ya dislocation avecque plage, certes elle ne doibt point estre curée: car si elle est aux grandes articulations quand on la cure, elle amene conuulsions, resuementz ou alienation d'entendement & aultres fort griez accidents, toutesfoys on peut guarir la plage: mais nous dirons de ces choses plus amplement cy apres, car nous voulons reuenir aux propres differences des plages, & expedier en brief ce que nous auons proposé, affin que nous ne puissions ne delaissons aucune chose qu'on puisse desirer en l'art de curer.

Des propres differences des  
plages simples & compo-  
sées, lesquelles ont leur  
indication à estre  
curées.

Nous declarerons tost cy apres que les propres differences des plages demonstrent leur curation, Car aultre est la difference de simple plage, & aultre de celle qui à quelque aultre disposition conioincte. Oultreplus quand à la simple lune difference est prise à la nature de la chose mesme cōme est la plage oblique, & droicte, grande & petite, profonde & superficulle. L'aultre d'aduantage aduient des choses extrinsecques, qui à raison de sine qui a non, ainsi que celle qui est prise du temps, comme la plage recente & vieille, occulte & apparente. L'aultre aussi est prise du lieu où elle est comme quand le chef du musele est vulneré, ou la queue, ou le millieu & pareillement l'estomach ou le foye : mais ceste difference n'est pas prise de la propre nature des plages : mais des lieux où elles sont : Parquoy on prent aussi de ceulx la indication curatiue, & toutesfoys non pas esgallément : car en la quinte perioche nous prouuerons contre Thessalus que la vieille ou nouuelle n'ont point indication : Gar d'autant que cest seulement plage (dequoy principalement nous traictōs icy) elle requiert seulement ou vnion ou

aglutination, consolidation, ou finable-  
ment continuation. C'est doncques chose  
claire & certaine que plage soit vieille ou  
nouuelle, demande du tout semblable cu-  
ration, sans que la difference qui est prise  
du temps y puisse riens remonstrier ou don-  
ner aucune indication: Mais en la cura-  
tion il fault considerer la cavitè, assavoir  
si elle est en partie superieure, telement que  
la sanye si elle y vient, puisse decouler en  
bas, ou si elle est en partie inferieure, te-  
lement que la sanye y demeure: car cest vne  
mesme curation de celle qui a flux appa-  
rent de s'escouler, & des aultres: mais celle  
qui ne la apparent, il luy fault toute tren-  
cher la cavitè, ou il fault seulement ouvrir  
la partie ou fons: Mais la nature des lieux  
& la quantité de la plage enseignera quand  
il fault faire l'ung ou l'autre: car si le  
lieu faict la section doubteuse, & que la  
plage soit grande, il est meilleur de l'ou-  
vrir au fond: mais s'il aduient au contrai-  
re, cest beaucoup le meilleur la trancher. Sa  
ligature doit commencer en hault & finir  
en bas ou le flux est apparent: outre plus  
cest bien raison de paracheuer les pro-  
pres differences des plages & de monstrier  
quelque puissance, elles ont en la maniere  
& raison de curer, car les plages qui sont

Que peuuet  
en curation  
les propres  
différences  
des plages.

de trauers, pource que leurs lebuers sont fort distantes & separées, doibuent plus diligemment & songneusement estre conioinctes. Les longues plages des museles si tu les lies à double cheffz au commencement tu n'auras besoing de bouclettes, crochetz ne futures. Or voyla ia la curation des grandes & petites plages ordonnée & exposée par puissance: mais celles qui sont profondes & larges doibuent estre fort desseichées, & ne fault que les lebuers soient trop tard conioinctes, & fault qu'elles soient liées à deux cheffz au commencement & cousues avecques profondes futures. Semblablement aussi si plusieurs différences aduient ensemble qui ayent chascune leur indication: certes si elles ne sont point contraires entre soy, il est fort bon vser de toutes: mais si elles sont aucunement contraires, il fault auoir esgard à celle qui surmonte en puissance & dignité, ainsi que plus amplement sera cy apres declairé: il reste toutefois que nous traictions en brief quelque chose des plages, auxquelles est adioustée quelque autre disposition: car celuy qui pense que phlegmon, brysipelas, gangrena, ou autre quelque disposition soient différentes des plages, il est pour vray bien deceu ce qui est apparent à tous, & cogneu par ceste seule

demonstration, qui est en ceste maniere, ce qui peult consister & estre à part soy iamais n'est differēce d'aucūe aultre chose: mais ce qui aduiēt à vne aultre chose & ne cōsiste pas à part soy, cela est difference: mais phlegmō Erisipelas gāgrena & pourriture peuuēt consister à part soy & n'aduiennent necessairement à aultre chose: mais à toutes plages il aduiēt necessairement qu'elles soient grandes ou petites, esgalles, ou inegalles: & finalement vieilles ou nouuelles, lesquelles vng peu cy deuant ont esté dictes estre differences des plages simples, d'aduātaige en aultre maniere plage doloieuse, & plage orde sont dictes comme aucunes differences de plage: Mais icy pareillement est demonstree quelque chose composée, combien que c'est aultrement que quāt on dict plage avecques inflammation: Car icy inflammation est male disposition, & en la plage doloieuse & orde douleur & ordure sont dictz estre du gēre des accidētz: Pareillement aussi quand on dict plage cacochune, ou vexée & inquietée par fluxion ou corrosée & rongée, la cause est conioincte avecques la disposition. Mais il faut icy en ce lieu finir nostre perioche: car le traité cy apres suiuant, & la disputatiō prise du quatriesme liure de la Methode de Galie, declarera beaucoup plus āplement ceste chose:

car en ce que nous auons compris en ce traité, nostre principale intention estoit de simple plage & de sa curation. Et pareillement aussi que la curation de plage caüée est faicte par sarcotiques qui mundifient & desseichent ensemble enuiron le premier degré: affin que la chair y soit à la fin engendrée, de laquelle a esté monstré que le sang est la matiere, & nature est la cause efficiente, dont il failloit cōclure que la temperature de la partie doit estre conseruée, & la plage desseichée, combien qu'il est fort difficile de cognoistre ou enseigner la quantité de la chose: Parquoy auons demonstré que bien souuent naissent indications contraires, lesquelles celuy pourra facilement entendre qui aura quelque tēps conuersé en ceste methode, finablement nous auons à part traité la curation des simples plages, & d'induire cicatrice & cōsummer la chair surcroissant & superflue: Et y auons à la fin adiousté vne briefue doctrine des dispositions meslée avecques plage. Apres laquelle s'est ensuiuy des propres differences des plages simples & cōposées à la fin de ceste Perioche, laquelle fin i'eusse volontiers accelerée & faicte plustost: mais i'ay pēsé que ce seroit prouidemment faict si nous declarions exactemēt, & enseignions diligemmēt la discipline des simples plages, & des dispo-

sitions qui y sont souuent meslées, afin que plus facilement nous curions & guarissions les composées.

Fin de la troysiesme perioche.

Perioche du quatriesme li-  
ure de la Methode thera-  
péuticque de Galien.

Qu'il fault premieremēt corri-  
ger les vices qui empesche la cu-  
ration de plage.

**N** Agueres auons demonstré que la cu-  
ration de solution de continuité, est  
reunion: mais pource que les di-  
positions qui ensemble y sont ad-  
ioustées bien souuēt l'empeschent, il est tēps  
maintenant de commencer à traicter d'elles.  
Premierement toutes fois nous reduirons en  
memoire que solution de continuité est vng  
gēre de maladie, lequel s'acquiert diuers nōs,  
& est excité & faict de plusieurs causes.  
Car aulcune chymosis, ou effusion est dictē  
qui souuent est faicte auecques ruption &

diuerses cau-  
ses de solu-  
tion de con-  
tinuité.

cōfusiō aulcune est faicte par l'ouuerture de  
 L'orifice des vaisseaulx, & est dicte Anasto-  
 mosis, & l'autre par transsudation, qui est ap-  
 pellée Diapedesis, l'autre par erosio, qui est  
 dicte Anabrosis, laquelle si elle prouient du  
 dedens est causée de mauuais & vitieux hu-  
 meur: mais si elle vient du dehors elle est cau-  
 sée, ou du medicamētz fort & puissant, ou de  
 feu. Mais Galien à traicté de cecy ailleurs: car  
 (pour retourner à nostre propos) plage ne  
 peult iamais par aulcune raison estre curée  
 s'il ya poil, arene, ordure, huile ou quelque  
 aultre telle chose estrange, d'aduātaige la té-  
 perature de la chair subiecte qui à la raisō de  
 cause efficiente, pendāt qu'elle est mal dispo-  
 sée, la plage ne peult aucunement estre con-  
 glutinée, ou consolidée. Oultre plus il ya esté  
 cy deuant monstre que le sang doibt estre de  
 mediocre quantité, & de bonne qualité. Et  
 ce sont icy les trois manieres de plages qui  
 sont difficiles à guarir. La premiere vient de  
 l'intemperature de la chair subiecte. La se-  
 conde est faicte du vice de sang qui y afflue.  
 Et la tierce finablement naist de la quantité  
 d'humeur qui y afflue: Certes l'intemperatu-  
 re de chair est, ou pure & simple, ou avecques  
 humeur duquel prouiet l'enfleure & tumeur  
 qui premieremēt, ainsi que les aultres dispo-  
 sitions, doibt estre curé: mais si la partie est

Trois ma-  
 nieres de  
 plages diffi-  
 ciles à curer

tellement exhalée & rendue seiche que les leures de la plage ne puissent estre cōioindres & vnies il la fauldra humecter avecques fomentations, & si elle est trop humide elle sera desseichée, & fault ainsi faire en l'autre opposition: mais icy est traicté principalemēt de la fluxiō d'humeur en la partie plagée, lequel s'il n'est beaucoup trop habōdāt, & beaucoup trop mauuais & vitieux doit estre reprimé & diuertý, c'est assauoir en estraignāt les prochaines parties avec liens deduiēt & menez de la partie malade à la saine, cōe on à accoustumé de faire aux fractures des oz, & aussi aux parties refrigerées qui sont deuāt la partie plagée: mais il fault que les medicamētz qu'on applique à cela desseichēt plus fort que ceulx qu'on prepare à simple plage, mais biē souuēt le flux ne peult pas estre arresté & retenu avec ces choses, ou pour la foiblesse de la partie, ou pour l'habōdāce du sīg, ou pour lh'humeur vitieux de tout le corps, ou des parties susposées, & qui sont au dessus toutes lesquelles choses doibuent estre premieremēt corrigées, c'est assauoir l'ibecilité & foiblesse qui viēt de grande intēperature, si elle est par trop vehemēt froid doit estre corrigée par chose chauldes, & aīsi du cōtraire, & finablemēt ce faict aīsi aux autres qualitez, en oppugnant & contrariant à la disposition

Les choses qui eschēt. que le flux ne soit en garde de venir en la partie.

car il est entierement necessaire que des choses qui par quelque intēperature se sont esloignées de leur naturelle disposition soit faicte la curation par medicamentz qui sont de vertuz contraires. Semblablement si par le vice de quelque partie ou de tout le corps, quand le sang ou mauuais humeur redonde en luy, se faict influxion en la partie, il fault remedier premierement ou à ce qui est cause de l'influxion, ou aussi à tout le corps: & qui plus est ceulx qui ont maladie ou ratelle, ou de quelque aultre partie notable, apres que icelle partie sera bien curée, incontīnēt nous viendrons à la curation de leur plage: Mais il fault entendre que nulle de ses curations n'est de la plage mesme, mais de quelque aultre disposition qui engendre plage ou vlcere comme l'intemperature de la partie, & le vice d'humour corrosif, ou à tout le moins elle entretient & faict durer comme la malle disposition de la ratelle, ou de foye, ou de quelque aultre partie notable, ainsi que par cy deuant a esté dict.

Que la cause externe ou primitive ne profite rien à la curation, mais à la cognoissance de la disposition,

**L**est maintenāt tēps de mōstrer que nule cause exterieure & primitiue n'est indicatrice de curatiō: mais que l'indication prent son commencement à la mesme disposition, & que les choses qu'on doit faire par ordre & particulieres sont trouuées de ce que l'indication demōstre, & de la nature de la partie blessée, & de la temperature de l'air ambient, & ainsi finablement sont les autres qui à icelles sont semblables: car nous curons la disposition presente, & empeschons la future: mais ce qui s'en est ia allé cōe est la cause exterieure nous ne le pouons curer encores que nous le voulussions: Parquoy ne peult estre prise indication d'elle, neantmoins que l'empericque pense quelle soit vne partie de toute la concurance. Mais si la disposition est en partie infieri, comme on dict communement, c'est à dire quelle se face encores, & en partie infactō esse, cest quelle soit desia faicte: Lors est proposée double intentiō, c'est assauoir qu'il faut curer ce qui est desia faict & parachéué, & empeschier ce qui est futur, & ainsi voirement la cause externe peult demonstrier precaution, mais celle qui s'en est ia allée ne le peult, ce que tu cognoistras manifestement par vng seul ou par deux exemples. Prends dōcques le cas que plage ou vlcere soit née ou yssue de l'humeur

Double œu-  
re du me-  
decin.

Curatiō est  
pour la cho-  
se presente,  
& prouidē-  
ce pour la  
future.

aduenu & tumbé sur le bras: car cest chose certaine qu'il est vitieux: car nature à accoustumé d'ainfi faire en maladies quand elle expurge le corps, elle pousse tout l'excrement au cuyr, dont il aduient qu'il en est vlcéré, & tout le corps purgé. Or telle maniere de plage doibt estre curée en semblable & mesme sorte, que les aultres plages qui n'ont aucune maligne disposition cōioincte. Cest dōcques chose toute claire que pour la curatiō il n'ya point d'indication prise de la cause qui a excité la plage: mais certes si l'homme vicieux, dont auoit esté excité la plage, demouroit en continuant, on prendroit aussi voyrement quelque indication de luy: car (affin que ie ne forte de mon propos) ceulx qui administrent l'art par raison & methode curent & guarissent les plages faictes par le vice des humeurs, & en les purgeant & en ostant ce qui empesche l'œuvre de nature: lesquelles deux choses celuy appelle prophylacque & preseruatiues qui faict exactement parler: Mais affin que tu ne cuides qu'on doibue du tout negliger la cognoissance de cause externe, certes elle ne faict pas peu à cognoistre la disposition qui est occulte à sens & à raison, ce que souuent aduient en fiebure ephemere: laquelle n'est pas tousiours du premier coup distinguée ou cogneue d'ung chascun.

Parquoy se fault enquerir au patient s'il à point dormy au soleil, ou s'il a point trop beu & mengé: pareillement s'il a point plus veillé que de coustume, ou s'il a point souffert quelque telle chose qui à coustume d'exciter fiebure: Et s'il afferme ou confesse cela, lors de ceste cause cogneue tu concludz facilement & entendz la disposition qui t'estoit au parauant incogneue.

De plage ou vlcere maligne  
dicté des grecz cacohetes que  
Thessalus na pas bien  
comodement  
curée.

**T** Hessalus a appellé les plages d'iuturnes, qui aultrement seroient, mieulx nommées contumaces, desquelles aulcunes ne se guarissent point: mais les aulcunes desia cicatrizées retournent de nouueau. Or parlons maintenant & traictons des premieres, lesquelles Thessalus guarist en ceste maniere. Oste les choses, dict il, qui empeschent l'union d'estre faicte & renou-

uelle le lieu blessé, apres que tu l'auras fait  
semblable à nouvelle plage, cure le comme  
s'il estoit frays & sanguinolent: mais si cela  
ne peult bien aduenir, tu mitigeras le phleg-  
mon, & adiousteras toute aultre diligence.  
Cestes sont les parolles de ce fort excellent  
methodique, lesquelles Galié au quatriesme  
liure de la methode à part longue orai-  
son enseigne combien elles sont ineptement  
mises, de laquelle methode auons cuilly ces  
briefues qui s'ensuyuent ainsi qu'auons fait  
les aultres: car des le commencement celuy  
erre qui estime que du téps on doibue pren-  
dre indication curatiue: car quand la plage  
est corrosée de mauuaises humeurs, nous ne  
prendrons pas d'elle quatre moys apres indi-  
cation aultre & diuerse à celle que des le pre-  
mier commencement auons prise. Or des le  
premier commencement il fault oster la cau-  
se de la plage, & ne fault point attendre  
qu'elle soit inueterée, affin de renoueller  
puis apres le lieu blessé, & puis à la fin de cu-  
rer frais & sanguinolent le temps profite  
bien (comme nous auons dict de cause ex-  
terne) pour la cognoissance de la disposition:  
mais non pas pour l'indication curatiue, car  
si quelque plage est inueterée que profite à la  
chose d'oster ce qui empesche l'union & re-  
noueller le lieu deuant que pourueoir à

arrester la fluxion si pour la fluxion maligne sont malignes sont mal disposées les leures de la plage. Car tandis que la cause qui les à rendues aspres & dures demourra: certes il aduiedra aultre chose de les trécher que amplification de la plage, car soudainement elles souffriront telle dispositions qu'au' parauant. Parquoy en toute curation cecy doit estre gardé comme vng dict ancien, C'est auoir que des le commencement, il fault oster les causes qui créent les malles dispositions: Toutesfois il est possible que la seule dreté des leures soit cause qu'elles ne se puissent vnyr comme ainsi est, la seule intemperature de la partie. Ce que peut faire aussi Varix qui est veine dilatée sus gisante ou le vice de quelque partie notable, & d'aduantage la foyblese de quelque pattie patiente, & principalement les mauuais & vitieulx humeurs de tout le corps ne aussi Plethora (qui est abandance de tous les humeurs esgallemēt augmentez) ne nuyt pas moins aux plages & vlceres. Toutes lesquelles causes quand elles sont conioinctes à la plage, soit ou quelles soient appart foy, ou aulcunesfoys meslées ensemble, elles doivent estre ostées deuant que tu puisses

en cecy paruenir a ton intétion, d'aduātaigē a ce qu'il a dict qu'il fault guarir la vielle plage comme la, freche & nouuelle, il est bien deceu. Car au tiers liure, nous auōs par ceulx astrictifz & dessicatifz cure la nouuelle plage qui est sans aultre dispositiō. Mais ceste plage maligne est necessairement cauée, dont, la cavitē doibt estre premierement remplie. Et par ceste raison elle differe beaucoup de la curation des plages fresches & sanguinolentes. Mais il suffist de ce qu'auons traitté iusques icy de celles qui sont difficiles à curer. Maintenant nous dirons de c'elles qui reuiennent de nouveau en adioustant le reste des parolles de Thessalus..

## De plage ou vlcere ia cicatrisée, & retournante de nouveau.

**Q**uant la plage se ouuroit de rechef Thessalus disoit qu'il la falloir curer ainsi comme les aultres qui sont nouuellement vexées de Phlegmō, puis qu'il falloir exciter rougeur au x parties pro-

chaines avecques emplastre faict de seneue,  
 Et finalement que tout le corps debuioit  
 estre purgé avecques haultes clameurs, & ge-  
 stations en prouoquant aussi le vomissement  
 par raue ou reffort, & comme pour le dernier  
 avecques helebore, Mais il est assez cogneu  
 a soy combien Ineptement, Thessalus aye  
 inuenté ces choses. Car souuent ce qui afflue  
 est ardent, & fort de sa nature, & ne deman-  
 de point estre rubrifié par medicamēt, aultre-  
 ment toute la partie sera corrodée, & vlcérée  
 Mais si elle estoit foyble par grant & vehé-  
 mēt froit ou par humeur abondant sa vehemē-  
 te chaleur la curation se feroit bien par rubri-  
 ficatifz. Parquoy failloit premierement distin-  
 guer si la plage estoit maligne par l'intempe-  
 rature de la partie, ou par la malice de la flu-  
 xion ou finalement par le vice de tout le  
 corps ou de partie de luy. Car apres que tu  
 auras ainsi rubrifié la partie par seneue Thef-  
 salus commande venir, puis apres la cura-  
 tion de tout le corps, ce qui est certes au cō-  
 traire de tout l'ordre. Car veu que seneue:  
 (ainsi que telz aultres) tire comme faict vē-  
 tose, Certainement se premierement tu ne  
 purges bien tout le corps, tu laisseras a ce  
 medicament ardent & fort, cause & mati-  
 ere de Fluxion. Mais nous mettrons icy. Le  
 cas deuant les yeulx par ce seul. Exemple

Exemple de  
 curer plage  
 maligne.

Prenons que quelqu'vng soit sain. Mais qu'en se grattant le bras il y ayt excité vne pustule, & que de rechef, & encores il luy demange vexe de pourrit, & qu'a la fin apres la pustule rompue soit engendrée vlcere de mauuaise couleur, & inegallement corrodée, que ce soit aduenu en troys ou quatre iours, depuis le commencement le dictz qu'indubitablement c'este vlcere est cacoethe & maligne, & pource, il fault contempler la disposition du corps, Car elle sera trouuée par les accidentz de l'ulcere, & par les signes du corps, comme sont couleur, tumeur, disposition, & plusieurs aultres dont Galien a faict mention au liure de plenitudine. Et fault aussi considerer de quel genre est l'humeur qui redonde, & soudainement le purger & mettre hors par médicament. Et ne fault pas entendre iusques à ce que tout le bras, de l'homme ayt attrait & acquis disposition coustumace, & rebelle à curation ce que souuent feroit Thessalus qui ne peut entendre la malice de l'ulcere, s'il ne prolonge iusques à beaucoup de iours, Mais il ne se fault point esmeruëiller de cela, veu qu'il erre aussi p<sup>9</sup> griefuement en fiebres quand il attend iusques au troisieme iour pour scauoir si l'acces

viendra ce iour. Et ce pendant il commande le diatriton que luy premier à inuētē & admene, c'est à dire le ieusne & abstinēce de menger par l'espace de trois iours, dont il amaigrift, & miserablement consume le pauvre patient en son liēt, & luy qui des le premier iour pouoit bien estre deliure & guarý à grāde peine retourne il le septiesme iour à ces affaires & œuures accoustumées. Mais le commencement de c'est erreur est. Pource qu'il ne cognoist la disposition de la quelle, cōc, auōs predict est prise toute l'indicatiō curatiue, qui pour certain est la voye la quelle en toutes particulieres curations est tousiours sēblable, depuis le cōmēcemēt iusques à la fin, parquoy neātmoins qu'en toutes maladies y ait certaīe methode de guarir appart: toutesfois il ya gente cōmūga toutes, car il fault tousiours cōmēcer à l'indication prise de la disposition à qui on remedie. Et si fault considerer & enquerir si la cause qui a crée la dispositiō est desiacessée ou si encores presētēmēt elle l'augmente & faict: Si elle est cessée, Lors il fault venir à la methode qui a esté dictē au tiers liure. Mais si elle faict & be soigne encores, il fault venir à celle que nous voullons icy traicter. Puis que nous auons desia monstřé que le temps ne sert riens pour la curation, Mais que nous

pouuons conclurre en ce que la partie est vicerée qu'elle est mal disposée, apres cela treuue la maniere de curer sera facile & claire. C'est assauoir si tu guaris les parties quand seulement elles sont mal disposées si tu euacues les mauuais humeurs quand le corps en abonde: mais la diurnité de l'ulcere est le vray signe des mauuais & vicieux humeurs, combien que l'iuention de ce qu'il fault, & est expedient faire ne prouient pas de la diurnité, mais du vice des humeurs. Par quoy ces troys choses s'entresuiuent par ordre, signe disposition & curation, le signe de malice est la diurnité, la disposition est le vice de l'humeur sa curation est euacuation, lesquelles choses pour faire fin sont approuuées par tesmoignage de Hippocrates.

Trois choses  
se suiuent par  
ordre.

Hippocrates à tousiours pris indication à l'essence de la chose mesme, & la diurnité non pas du téps. Et aduise qu'il fault tousiours seicher la plage, finó qu'il fust besoing de soudainement engendrer supputation.



Aliē auoit desia par plusieurs raisons affermé & approuué que la premiere indicatiō curatiue doibt estre prise de la disposition: mais il à pensé de fortifier son propos par le tesmoignaige de Hypocrates, qui des le commencement du liure qu'il a escript des plaiges & vlcères dict en ceste maniere: Il ne fault point moiller les vlcères quelzconques soient, sinon de vin. Puis en adioustant la cause il dict: Car ce qui est sec, est plus proche & semblable à santé, mais ce qui est humide ny est pas plus proche, & puis incontinent apres: car vlcere est humide, & ce qui est sain est sec, car la curation d'ulcere est mediocre dessication, laquelle ne peult aucunement estre si premierement n'est curée, quelconque disposition qui ensemble y soit adioincte: Parquoy en tout son liure quand il establist & constitue la fin de curation des vlcères estre dessication, incontinent apres il treuve les choses particulieres, nous aduertissant encores de celle mesme fin, quand il dict, que toute plage diuisée par taille, ou espre ou contusion de quelque instrument ou ferrement agu doibt estre curée par medicamentz cōstrictifz de sang & dessicatifz: mais si quelque chair est taillée ou contuse, il luy fault remedier en sorte que

soudainement elle vienne à suppuration ;  
 Veu qu'il est nécessaire que les chairs  
 ainsi contuses se pourrissent pour à la  
 fin en engendrer d'autre nouvelle. Par  
 ces parolles Hippocrates demonstre que  
 seulement ne doibuent estre desseichée  
 Les dispositions des parties plagées es-  
 quelles nous voulons que bien tost soit  
 engendrée suppuration Laquelle ce pen-  
 dant il enseigne estre faicte avecques  
 aucune pourriture ; d'aduantage toutes  
 choses qui se pourrissent sont ainsi dis-  
 posées par chaleur & humidité ainsi qu'a  
 enseigné Aristote doncques les tataplas-  
 mes qui sont composez de farine d'orge  
 comme chose qui eschauffent & hume-  
 tent sont tres aptes , & conuenables  
 à mouuoit suppuration desquelz pareil-  
 lement tu as la matiere copieuse , au cin-  
 quiesme liure des simples , comme sont  
 Galbanum, Mirra, Ficus, Lingues, Althea  
 Chamemelum, desquelz tu pourras com-  
 poser vng medicamēt en ceste maniere Rec.  
 radicis altee cucūeris agrestis singulorū. vnc  
 i. f. origani agrestis, hyfopi an. manipulū. se-  
 mis florū camemeli feminis lini. an. pugilum  
 vnum, Ficuū. pingniū, Passularū, Mundatarū  
 an. numero sex. Soit le tout bouilly ensemble  
 & puis cela pressé & diligēmēt pillé ou broié

Mathratifz

adionstez y galbani, mirrhé, stiracis, liqui, & si-  
 fipi an. 3. i. f. Sanguinis, draconis, adipis porci,  
 an, vnc. f. cōponatur malagma Tu as d'aduā-  
 taige de Galien ce medicament composé  
 pour suppuration au septiesme liure de com-  
 positioe pharmacorum Lequel il appelle dia-  
 meliloti. Rec meliloti manipulos tres spice  
 celtice ciperi cardamomi yreos mirrhe ana-  
 drachmās duas gutte ammonici drach-  
 mām vnam semis terebinthine drahmas  
 tres croci drahnam semis cere lote quā-  
 tum sufficit pro ēplastro mais si quelqu'vng  
 en desire d'aduantaige qu'il lise Galien en  
 ce lieu la & Scribonius largus & le prin-  
 ce, Car icy peult suffire d'auoir escript  
 vng des deux exemples, Parquoy ie re-  
 uiens a mon propos: nous auons doncques  
 monstré de Hypocrates que toutes plages  
 doibuent estre seichées fors celles qui em-  
 semble auroient chair contuse esquelles il  
 fault eschauffer & humecter & non pas  
 cōme quād il y a phlegmō ou inflammation  
 qui à raison de soy requiert choses desseichā-  
 tes cōme sōt Verbascū cuyt trifoliū epipetrū  
 & poliū, mais nous luy preparōs souuēt cho-  
 ses tiedement chaudes & humides non pas  
 pour la curation, mais pour mitiger l'ac-  
 cident, Car la briefue curation des parties ve-  
 nées de phlegmon est faicte par remedes qui

Emplastrū  
diameliloti

du tout entierement ostent la disposition ou s'ilz ont delaissé quelque petite chose est requis vng aultre fort & acre médicament qui puisse tirer hors la sanye suppurée, ou s'il le cuyr est subtil fault faire incision.

Que l'indication est prinse à la quantité de la disposition, la quelle est rendue vehemète par la noblesse, & dignité de la partie par la grâdeur des accidétz & par la malignité d'icelle disposition.

**G** Alien au tiers liure à eſeigné que les propres differances des maladies demōstrent quelque chose en curatiō: Parquoy veu que necessairemēt la plage est ou grande ou petite il en fauldra prendre indicatiō. Car la grâdeur de la maladie à besoing de grands remedes cōme sont saignée & purgation traictōs dōcques maintenant de seigner, puis peu apres de purgatiō

Car par l'auctorité de Galien il ya deux Intē-  
 tions & esgard s de Phlebothomie ou sei-  
 gnée qui sont la vehemence de la maladie, &  
 la force des vertuz, lesquelles quant sont pre-  
 sentes tu pourras hardiment ouurir la veine  
 voire de quelque heure que ce soit, sans attē-  
 dre la sindrome ou concurance des empiric-  
 ques comme a esté dict & demonstré au li-  
 ure de Phlebotomie. Car il aduient souuent  
 encores que quelqu'vng aye le corps sain, &  
 sans abondance de sang que toutesfois nous  
 somme contrainctz luy diminuer comme on  
 à acoustumé de faire en ceulx qui sont tom-  
 bez de hault lieu ou qui ont eu contusion de  
 quelque coup, Affin que le sang ne s'espande  
 au profond du corps. Et que par multitude  
 ou congelation de luy, qu'on appelle sang  
 glacé il n'admene a la fin l'homme en perir  
 de sa vie. Et ne fault pas croire legierement à  
 ces triobolaires & vulgaires, medecins qui  
 soudainnemēt quand le sang habonde, com-  
 mandent que la seignée soit faicte Conside-  
 re qu'il suffist à aucuns vser d'abstinence de  
 boire & méger aux aultres, suffist excercice,  
 frotmēt ou baings. Semblablemēt aussi pur-  
 gation est bien & deuement prinse non pas  
 seulement pour l'abondance d'humur vi-  
 cieulx. Mais aussi pour l'abondance de quel-  
 que aultre humeur & pour la grendeur de la

deux intē-  
 tiōs en phle-  
 bothomie.

maladie: Quand dōcques le sang habonde, il doibt estre euacuē: mais si l'humeur cholericque, ou melancolicque, ou finablement phlegmaticque est trop abundant: lors il doibt estre expurgé par medicamentz, & cela doibt estre entendu tant des plages que d'aultres quelzconques dispositions, ainsi qu'a esté recouilly de Hypocrates, quand il dict: à toute plage nouvellement faicte (sinon qu'elle fust au ventre) il est expedient qu'incontinent il en sorte sang plus ou moins. Parquoy si naturellement il n'en est assez fort, il fault que tu adioustes ce qui deffault: mais affin qu'on ne pense que cela soit dict seulement pour les plages nouvellement faictes, tost incontinent apres il adiouste ce qui s'ensuyt: & est profitable de faire & mettre peine que le sang flue & sorte souuent des plages inueterées, ou aussi des parties circonuoisines. Et ainsi finalement fault reduire en memoire ce qu'en aultres lieux a esté souuent demonsté, que la fluxion commencante doibt estre attirée par reuulsion aux parties contraires, & que celle qui est ia incunée & fermée en la partie travaillante & malade, doibt estre euacuée, ou de la mesme partie, ou de celle qui est en plus pres: Parquoy reuulsion se faict aux parties de plus loing & deriuatiō, aux parties de plus pres. Il est doncques manifesté & clairement?

conclu, qu'aux grandes plages soient nouvelles ou inueterées. Il fault faire seignée si les deux intentions ou esgardz predictz le permettent, & qu'il faille aucunesfoys purger: il est approuué par le tesmoignaige de Hypocrates, quand il dict: Purgation par le ventre proffite à plusieurs plages, & mesmes aux plages de la teste, pareillement du ventre & des ioinctures, & d'aduantage à celles dont ya suspicion de la corrosion des os. Oultreplus celles qui sont cousues & rongées, & qui s'augmentent & s'espandent par corrosion, & autres choses qui rendent les vlcères d'iurnes & de long temps, & toutes celles qu'on doibt lier doibuent estre purgées par le ventre. Par celles parolles & autres, il enseigne clairement que l'indication doibt estre prise de la grandeur des dispositions: lesquelles sont rendues plus vehementes, tant par l'excellence de la partie, que par la grandeur des accidentz, & par la malignité d'elles mesmes.

Que l'indication doibt estre prise à la facilité & difficulté du setimét de la partie, & aussi de la figure & positió d'icelle,



Nous dirons & traicterons plus exactement cy apres de l'indication qui est prise de l'aage, & aussi de curer les humeurs: car iusques icy auons parlé & traicté de celle qui est prise, tant de la nature des parties que de l'essence & grâdeur de la maladie: mais nous montrons d'autant qu'il est vtile à la curation des plagues, quelle indication peult estre prise de la situation de la partie, & de sa forme, pareillement de son vtilité, & aussi de sa facilité ou difficulté de sentir: Car les parties qui ont agu & facile sentiment doibuent estre curées par plus doux & facile médicament: & celles qui l'ont plus hebeté & difficile le doibuēt estre par plus fort & puissant; neantmoins que ce soit vne mesme methode en toutes maladies. Et fault certes que la force du mēbre principal soit gardée, mais celuy qui n'est pas tel le fault mitiger par relaxation & remission: mais nous traicterons de cecy plus amplement cy apres. De la situatiō doncques à esté excogité que l'estomach vlcere & blessé doibt estre guarý par les choses qui sont beues & mengées: mais le Eso-phagus est curé par choses qui sont de grosse substance & tenace, qui la estant applicquées y demeurent longuement. Car veu que la est la voye de ce qu'on boit & mēge, il a besoing

de remedes qui puissent adherer, & comme de chascun costé se figer & agglutiner, & non pas de ceulx qui sont promptz à couler & tōber: mais les plages & vlceres des gros intestines sont curées par clisteres & celles qui sont en menuz intestins: pource qu'ilz sont plus loing & situez au meillieu, requierent tous les deux, tant les remedes qui sont pris par la bouche, que qui sont infuz & iectez au dedans par abas. C'est pour vray chose commune à toutes les parties interieures que les remedes soient esteuz, qui principalement sont familiers à la nature de l'anymant, & que les contraires soient euitez: car aucuns sont commodes & conuenables aux plages exterieures: mais ilz nuysent & sont contraires aux interieures, comme sont, erugo, aes, vstum, aeris, sqama, cadmia, pompholix, lithargirus, & cerussa. Mais pour curer les plages interieures sont tresconuenables, les austeres glutineux, & ceulx qui ne sont point corrosifz: mais s'il nous fault mondifier & nettoyer par abstertion le myel non cuyt y sera fort bon, & pour conglutiner seruent tresbiē hypocistis, balauftium, cytini punicorum, gala, malicorū, bolus, armenus, sumach, rosarum, succus & acacia, & aultres de telle sorte, & ne fassent aucun nuysement ou dommage, lesquelz doibuent estre baillez &

applicquez avecques la decoctiō de quelque  
 astrictif en la forme qui s'enluyt. Rec. sum-  
 mitatū rubi mirti cœnanches an. manipulum  
 vnum rosarum rubearum rhois id est sumach  
 ana pugillum ſ. balauſti vnciam ſemis, ſoit  
 faicte decoctiō en vin rouge aūſtere, pourueu  
 qu'il ny aye ſuſpection d'inflammation, iuf-  
 ques à demie liure, en laquelle ſoit adiouſté  
 hypociftidos drachmam vnam ſemis boliar-  
 meniaci drachma dua mūmie ſanguinis dra-  
 conis an. drachma vna ſirupi cidoniorū vn-  
 cia vna ſemis miſce & ſeruetur in vſum: mais  
 il fault auſſi peſer que telle & ſemblable in-  
 dication eſt priſe de la diſpoſition de trachia  
 arteria: C'eſtaſſauoir afin que l'on tranſcou-  
 le quelque choſe dedans, & que la liqueur  
 decoule peu à peu. Iouſte les tunicques de  
 l'artere cōme l'eauē iouſte vng apparoy d'ad-  
 uantaige, pource que le poulmon & les reins,  
 & aultres parties auſſi ſont loing diſtantes  
 de l'eſtomach, il eſt beſoing de medicamentz  
 plus puiſſantz, afin qu'en la voye il ne per-  
 dent quelque choſe de leur vertu: parquoy  
 fault vng medicament ſubtil & chault, qui  
 ſerue de profondement conduire & porter  
 telles medecines iuſques à ces parties là.

Pour vomif  
 ſement de  
 ſang.

precepte de  
 cōpoſer me-  
 dicamentz.

Curation des effusions,  
dictes Ecchumoses in-  
dication estant prise de  
la situation de la par-  
tie.

**E**st doncques chose desia toute  
claire, & manifeste que de la si-  
gure & situation est prise indi-  
cation: Car nul ne peult bien &  
deuement lier la partie, si premierement  
n'est prise indication, ou de la figure, ou  
de la situation, ou des deux ensemble.  
Et aussi il ne pourroit bien mettre la fluste  
du clistere dedens le siege, ne par la ver-  
ge mettre la syringne, ou gargarie dedens  
la vecie. D'aduantaige aux ruptures qui  
sont appellées Rhegmata, plusieurs indica-  
tions concurrent en vne mesme chose.  
Car pource qu'elles sont au profond du  
corps, & qu'elles n'apparoissent, elles re-  
quierent aultre & diuerse curation que cel-  
les qui apparoissent: Et d'aduantaige aus-  
si veu que souuent elles sont avecques ef-  
fusiō, elles demonstrent plusieurs curationes:  
car tousiours les indications de cure & remede  
sont proportionnées & respondent au nōbre

des dispositions. Mais de toutes ces choses icy sera plus amplement enseigné & traité quand nous disputerons de phlegmon, ou inflammation: Et pareillement sera démontré que les dispositions & maladies des profondes parties requierent plus puissantz médicamentz que celles qui sont apparentes sur le corps: Echimosi doncques, c'est à dire effusion donc nagueres auons parlé, demonstre qu'il fault euacuer le sang congelé & glacé soubz le cuyr, & aussi la chair cōtuse, ou meurtrie: Mais la curation se faict encores par le rapport de Paulus ægineta, quand au commencement on mesle quelques astringentz avecques les digestifz, pource que les tunicques des petites veines sont contuses & demandēt estre restrainctes: mais il ne fault pas vser de fort puissant digestif, de peur que la subtile substance ne ysse dehors, & la grosse demeure qui est commode à engendrer les dures dispositions de Scirrhus: Mais il fault icy faire fin du traité des plages, ou vlceres, & finir tout ensemble le quatriesme liure: car desia a esté assez monstré que premierement doibuent estre corrigez les vices qui empeschent la curation de plage à quoy ne sert rien, & ne profite la cause exterieure, sinon que par aduanture elle peult ayder à cognoistre les dispositions. Parquoy Thessalus à lourde-

ment failly en la cure de plage, ou vlcere maligne, dicté cachoetes: Pource qu'il pensoit & disoit qu'indication curatiue debuioit estre prise du temps, ce que pour vray auons par le tesmoignage d'Hippocrates approuue estre faulx, quand nous disions qu'en curation la premiere indication vient de l'essence de la maladie, & qu'apres elle à lieu, la grâdeur de la maladie. Puis le sentimēt agu, ou hebeté de la partie, & puis finablement sa position & figure, comme à esté mon-  
stré seulement en la cure  
de Echimosiſ , ou  
effusion .

Fin de la quarte perioche.

Perioche du cinquiesme  
liure de la Methode  
Therapeuticque  
de Galien.

Des causes du flux de sang,  
procedant des plages des  
veines.

**V**is que nous auons iusques icy  
traicté des plages, qui principa-  
lement aduiennét es parties char-  
nues: Nous dirons maintenant  
de la solution de continuité des veines & ar-  
teres d'une chascune partie. Et premierement  
de la veine, puis finablement de l'artere: Car  
souuentes fois d'elles vient si grand flux de  
sang, qu'a peine la plage se peult consolider  
en la veine: mais en l'artere n'est quasi iamais  
consolidée. Parquoy fault traicter des deux  
ensemble: mais premieremēt du flux de sang,  
secondement de la consolidation des deux.  
Or le sang flue de la veine, ou de l'artere,

quand leur tunicque est diuifée, ou leur orifice ouuert, ou finablement quand le fang (cōe l'on dict) est transcoulé, la tunicque est diuifée par plage conuifion rupture & corrofiō, l'orifice est ouuert par l'imbecilité, ou foibleffe du vaiſſeau par l'impetuoſité du fang abondant, & par la cuyte & forte qualité de l'humeur, le fang transcoule quand la tunicque est rarifiée, & le fang subtilié, & quand l'orifice des vaiſſeaulx gracies est ouuert : Mais il fault parler à part d'ung chaſcun d'iceulx. Et premieremēt de la cauſe des tunicques diuifées par plage qui est faicte de corps, ou instrument agu, & ydoine à trancher: mais conuifion ſe faict de corps dur & peſant contre choſe molle, comme est la chair, de rupture ſont pluſieurs cauſes, tenſion habondance d'humeurs, eſtre cheut de quelque hault lieu vehemence de quelconque operation, comme haulte clameur ſaulter, tirer, & auſſi fardeau peſant, & ventofitez. Doncques après ces choſes ainſi eſcriptes par ordre, il fault finablement venir à la particuliere curation d'une chaſcune, & principalement au flux de fang, faict par quelconque diuifion des tunicques.

De restraindre le sang  
procedant de la diuision  
de ses vaisseaulx en la su  
perficie du corps.

Nous auons desia souuent mon  
stré qu'en la curation de toutes  
maladies est ceste methode qu'il  
fault oster la cause presente &  
negliger la passée, sinon que par  
aduenture (comme nous auons dict) elle ay  
dast à la cognoissance de la disposition. Par  
quoy fault considerer si la cause du flux de  
sang est presente quand il flue par trop d'ha  
bondance. Parquoy le fault diminuer: Mais  
elle est passée quand le vaisseau est diuisé &  
rompu par plage, cōtusion, clameur, & cheu  
te. Parquoy il faudra curer ceste seule di  
sposition: Et par ainsi fault premierement  
restraindre le sang, & puis guarir la plage:  
mais la plage se guarist par reclorre & bou  
scher ce qui est deuisé ou rompu, & le sang  
est restrainct en le diuertissant & transserant  
par ailleurs on le diuertist par deriuation es  
prochaines parties, & par reuultion es par  
ties contraires, comme quand on applique

Il fault pre  
mierement  
supprimer le  
sang, puis se  
condement  
guarir la pla  
ge.

une ventose aux hyppocondres, c'est soubz les faulces costes, elle reuocque l'impetuositè du sang coulant par les narilles, comme aussi le trop grand flux de la matrice: Et en somme il fault faire reuulsion en bas quand les humeurs fluent en hault, & au cōtraire quand ilz fluent en bas, la fault faire en hault, & quand ilz declinent au dedens du corps, la fault faire dehors, & au contraire quand ilz se ruent dehors la fault faire au dedens: mais silz declinēt à senestre, la fault faire à destre: & quand ilz vont à destre la faire à la partie contraire, & ainsi finablement fault faire aux aultres parties. Ce qui est approuué par le tesmoignage d'Hippocrates, au cinquieme liure des Aphorismes. chap. 32. où il est escript à la fême qui vomist le sang, si les mois suruiennent c'est le remede: Parquoy l'artifice du medecin doit imiter nature, mais il fault icy noter opportunément qu'il ya reuulsion euacuatoire, ou deriuatoire, euacuatoire quand la maladie est presente, ou quand elle est pres & imminente. Si la maladie est presente lors ou l'humeur est ia du tout decoulé, ou il flue écotes. Ce qui est decoulé & incuné, ou adherent, il le fault euacuer, ou deriuier, & ce qui flue encotes il le fault reuocquer & retirer par Phlebotomie, ou mediquement. Mais euacuation quand l'humeur

est incunée, & adherent se fait le plus souvent par digestifz, & ainsi finablement tu reuocueras toutes les fluxions; car nous parlons en commun aux parties contraires, & les deriueras par les parties prochaines: Car certes les choses qui fluent par le ventre requierent estre deriuées par les vrines, ou par la matrice: mais les fluxions qui aduiennent aux yeulx, aux oreilles, ou au palais veulent estre deriuées par les narilles: Mais experiēce à des long tēps approuué que les frictions & ligatures ont ceste mesme raison & maniere de reuulsion & deriuatiō, & aussi ont les ouuertes des cōduietz naturelz qui sont scituez à l'opposite: mais iusques icy a esté traité du diuertissement du sang. Maintenant venons à traicter de reclorre les plages, ce qui est fait en ramenant ensemble les lebares separez & en bouschant l'orifice de la plage.

Or i'z sont ramenez, vostre, par l'opperation de noz mains quant ainsi la plage se exhibe facile à manier, & aussi par ligature; & medicamentz astrictifz & refrigeratifz: car il n'est pas loisible de coudre la veine, ou artere: mais l'orifice du vaisseau est bouché & cloz par sang figé, ou par les choses qu'on y applique au'dehors. Or on peult appliquer & mettre sur la plage, les parties prochaines & en aulcunes plages le cuyr mes-

mes, & d'aduantraige les linamentz) que les Francoys appellent tentes) & les medicamentz que par leur tenacité bouschent & empeschét les cōduictz. Et oultreplus ceulx qu'on appelle cautisques soient ou potentiaux, comme erugo chalchantum, vitriolum, & plusieurs aultres desquelz Galien a traicté, la matiere aux liures des simples, ou soient actuelz comme le fer chauld & ardentz de tous lesquelz est faict excarre qui a esté excogitée & inuentée aux plages en lieu de couuercle ou bouschoir, finablement les liens & bandes qui par ligature sont applicquez aux vaisseaulx qui descoulent sont aucunement de genre des obstructifz. Et mesmes noz doigtz quand ilz les remettent & ioignent ensemble, & qu'ilz les estraignent.

Mais de ces ligatures parlōs en main

tenant en brief, puis apres en

viendrons aux me-

dicamentz em-

plastiques &

escarrotic-

ques.

Gij

# De la ligature des veines, & atreres, & du médicament emplasticque.

N ne donne pas secours à toutes plagues par ligatures : mais seulement à celles qui sont es grandes veines , lesquelles de rechef doibuent estre aucunes-fois tranchées , comme les aterres , principalement quand elles s'eslieuent droictement de quelque profond lieu , & mesmement par parties estroictes & principales : Car ainsi de chascun costé se retraict l'une & l'autre partie , & la plage se couure , & se celle par les corps subgisans. Toutesfoys c'est le plus seur de iecter & mener la ligature vers la racyne du vaisseau , i'entendz de la veine & artere & ce qui reste puis apres le trencher . Neantmoins c'est chose certaine que le flux de sang & de l'artere est restrainct ou par ligature induicte , ou en trenchant le vaisseau mesme : Et ne fault pas icy que nous craignons, ou doubtions si l'artere se peult reprendre & consolider , veu que Galien

à souuentesfois guarir tresprieux douleurs  
 pulsatoires, par l'incision de l'artere, en  
 laquelle estoit encloz vng esperit flatueux,  
 & qu'il à restrainct le flux. C'est assauoir  
 en faisant coniecture par induction de chair  
 à l'orifice de l'artere, de laquelle nous par-  
 lerons plus amplement peu apres. Mais ie  
 reuiens à la veine de laquelle si le sang flue  
 en si grande habondance qu'il ne puisse estre  
 facilement restrainct. Lors certes il fault  
 essayer à la supprimer sans ligature par quel-  
 qu'vng des medicamentz qu'on appelle ene-  
 ma, c'est à dire restrictifz de sang. Cer-  
 tainement les meilleures sont les empla-  
 stiques qui sont faictz de Resiné de pin  
 cuite, & de la plus subtile partie de fa-  
 rine de fourment & de plaistre, & aul-  
 tres semblables, & fault plustost vser de  
 telz genre de medicamentz restrictifz de  
 sang que de ceulx de qui induisent escar-  
 re, ou crouste: Car de ceulx cy ya dan-  
 ger que si lescharre tombe, ne soit de re-  
 chef excité & esmeu le flux de sang: mais  
 le meilleur medicament de tous pour re-  
 straindre le sang, & que Galien recom-  
 mande deuant tous autres en ce cinquies-  
 me liure, & à la fin du liure de Phlebo-  
 tomie est cestuy cy. *Rec. thuris candidi mol-*

Pour l'inci-  
 sion de l'ar-  
 tere voy la  
 fin du liure  
 de curation  
 par phlebo-  
 tomie.

lis & gummofi. vnc. ii. Aloes lote. vnc. i. avec le blanc dung ocuf & puis broyé & meſlé en ſemble, & finalement recoy les en poilz de lieure fort molz pour en vſer, Mais puis apres que tu en auras aſſez appliqué & mis ſur la plage & vaiſſeau tu y allieras par le de hors bandé de linge ſubtil, & toutesſoys la conduyras vers la racine du vaiſſeau comme nous auons dict & commadé es ligatures de preſque tous les aultres vaiſſeaulx, le dictz preſque tous pour les membranes ou rayes du cerueau, car quant le ſang ſtue d'elles il fault plus toſt faire la ligature tirant vers elles de paour que le ſang y ſſant en trop grâde habondâce ne delaſſaſt rien de matiere pour engendrer les eſperitz anymaulx. Mais ſi au troiſieſme iour le medicament adhere & tient encores a la plage tu y en adiouſteras de rechef vng aultre deſſus & le humecter as comme eſt le linament faiet de poilz de lieure, & le allieras de nouueau ainſi que le premier, mais ſi tombe de ſoy meſme, tu y applicueras de rechef vng ſemblable cōpreſſât tout doulcemēt avecques le doy la racine du vaiſſeau, tellement que rien n'en yſſe, & avecques l'aultre main comme ſuspendue & legiere tu applicueras le medicament en la plage en ceſte forte & maniere tu cureras le vaiſſeau iuſques a tant qu'il ſoit muny & gar

La maniere  
de faire la  
ligature.

ny de chair voire en tenāt la partie tousiours  
regarde en hault & en gardant toutesfoys  
bon moyē en la figure de telle situation Car  
la figure de situation prouoque douleur . &  
ny a rien qui plus irrite & exite le flux que  
cela ne qui plus augmente inflammation.  
Parquoy tu manieras doulcemēt ceste partie  
blesſée, & deuant que le medicament qui  
premierement y auoit eſté applicqué tombe  
Il fault que chair y ſoit produicte. Principal-  
lement quaud il ya plage d'artere, Il fault  
doncques diligemment chercher & trouuer  
medicamentz tant emplaſtiques que obtu-  
ration comme eſt encens, que auſſi pour le  
giere deterſion. comme eſt alouē deſquelz  
eſt compoſé cediēt medicament dont Ga-  
lien vſe pour les veines ingulaires & pour les  
arteres des aultres parties, ilz ſont auſſi plu-  
ſieurs medicamentz emplaſtiques ſans fai-  
re douleur, Mais ilz ne rempliſſent pas ſi biē  
de chair

Qu'il fault ſouuent engen-  
drer eſcarre quant la  
neceſſité le requiert.

Vlcunefois le flux de sang est si grand qu'il fault vser de medicamētz escharotiques qui produisent crouste, Mais il ne les fault pas applicquer, Si premierement on n'a mis diligent soing à confiderer & pourueoir si quelque chose y pourroit plus doucement ayder. Car ceulx cy delaissent la partie desinée de chair, & par ainsi ya grand dangier que si la crouste tombe, n'en aduienne plus grand flux de sang. Toutesfois veu que la necessité nous sollicite si souuent ( comme nous auōs ia dict ) & qu'elle nous presse, certes il ne fault pas aucunesfois negliger ne delaisser a vser diceulx, mais quiconcques en cecy vouldra traicter & administrer toutes choses par methode, il considerera de loing tous les moyens par lesquels peult estre restrainct le sang, & puis il estira lors celluy qui aura moins de peril, Parquoy veu qu'il fault craindre que lesgare ne tombe trop tost de la plage, Il vaudra myeux applicquer les medicamētz qui auēcques ce quilz sont caustiques ayent aussi faculté astringēte comme est Misi calcitis, attramentum futorium ( qui est dict vitriorum ) erugo, & plusieurs aultres, mais ceulx qui sont faictz de chaulx viue sont

plus puiffantz mais ilz n'ont pas faculté af-  
trictiue, A ceste caufe fera tresbon a ce pro-  
pos ce medicament composé que Galien au  
cinqüiesme liure de la composition des me-  
dicamentz appellé Ischemus magna. Rec.  
myſſos vitrioli albi an. vnc ſ. Corticis, Pini  
Thuris, & Māna, eius ſcāme æris, an. 3. .i.  
æris vſti calſitidis an. 3. vi. calcis viue. 3. ii. ſ.  
Gipſi torefacti. 3. iii. ſ. Tritis vtitor, l'en eſ-  
criprois beaucoup d'aduantaige, mais il ſuf-  
fiſt d'auoir enſeigné le lieu dont on les  
peult prandre & eſlire. Toutesſois tu note-  
ras que ceſt beaucoup le meilleur ſi tu  
peulx premierement engendrer chair au  
profond iouſte l'ouuerture du vaiſſeau qui  
ſe fera comme couuercle à ſeruir au  
vaiſſeau. Fluant dont il ne fault pas que  
nouſmeſmes (qñand il ya peril emynent  
de flux de ſang, ) ſoyont trop haſtiz  
d'aracher & oſter leſcare, ſinon en diſ-  
poſitions, eſquelles pour & acauſe de  
la pourriture auons applicqué ſer chault  
au corps de l'homme, Les grecz ap-  
pellent telle diſpoſition nome, Qui eſt  
vne pourriture ainſi dictē du verbe ne-  
mem, qui ſignifie paiſtre & diſtribuer,  
Pource qu'en paiſant & degaiſtant la ſub-  
ſtance elle ſe diſtribue des parties ma-

lades aux parties saines d'aduantaige c'est vne speculatio<sup>n</sup> ou maxime de medecine que ceste disposition prouient de la pourriture que l'humeur corrosif engendre souuent. Parquoy veu que les membres honteux, & le siege sont de temperature humide & qu'ilz sont voyes des excrementz, certes il sont souuentes fois vexez de pourriture & pour ceste cause ont souuent besoing de remedes escharotiques. Mais ce suffist iusques icy auoir traicté des plages des vaisseaulx qui apparoissent en la superficie du corps. Maintenant disons par ordre de celles qui sont cachées au profond.

## Des plages de vaisseaulx du sang au profond du corps.



Nous ne retraignons pas le flux de sang du profond du corps par ligatures ou medicamentz escharotiques, Mais par reuulsion deriuation de faillance de cuer, & par viandes & bruuages qui ayent vertu emplastique & refrigerative,

& finablement aussi par medicamentz astringens : mais l'indication prise des parties est adioustée d'aduantaige, & toutes les predictes indications curatiues, cōme vne augmētatiō en chascune disposition : Car certes nous vsons aulcunesfoys des instrumentz selon la proprieté des parties des vngs : nous vsons à la matrice, & des aultres à la vecie, cōe est celui que les grecz appellēt cathetera, & les chirurgiēs frācoys l'appellēt gargarie, & les aultres vōs es intestins cōe est clistere. Les flux de sang pour vray ne se faissent pas si souuent en ces parties la, & cōbien qu'ilz ne soiēt pas fort dangereux quāt à ce qui flue, toutesfois pour la diuturnité du tēps, ilz ne sōt pas sans danger : Car on a veu femmes apres leur enfantement perir & mourir de trop grand flux de sang par la matrice, lequel est aulcunesfoys restrainēt en y iectant ius de plātain avec aultres medicamentz à ce propices : car en flux qui prouient de la matrice des intestins, ou de la vecie, il fault prédre garde à la quantité de la fluxion, affin quelle nous soit desia cōme premiere, ou comme seconde indication curatiue: Car si quelque grād vaisseau est rōpu, ou qu'estant ouuert il soit grandemēt patēt: Lors il est besoing de medicamētz astringens, cōesōt balauștiū hipocisti de sumach gmpħaciū acacie galle in maturée, & malicorū:

Flux de vaisseau rompu profond.

Mais si c'est vng petit vaisseau rompu, ou qu'il soit vng peu ouuert, tellement que le sang qui flue ne soit pas grand, mesme aloes mannapini cortex bolus, armena, acacia, crocus & lapis hematites, & aultres sēblables sont medicamentz bons & vtiles receuz en vin noir & austere. Mais quand on na pas prōptement de tel vin à son aise, il sera profitable de faire vne decoctiō ex summatibus, Rubi mirti lentisci & hedere: & finablement de tous ceulx qui ont vertu astrictiue, mais si le flux de sang vient par corrosion, il a de coustume d'estre petit. Parquoy fault vser des throchisques, de passion, de andron, ou de polida: lesquels Galien a escript au cinquiesme liure de la composition des medicamētz. Ceulx de polida sont en ceste maniere fors, seulement que la quantité des simples est diminuée. Rec. aluminis fissilis .3. i. thuris mirrhe an. 3. i. f. chalcant scrup. iiii. citiorum. 3. iiii. aloes. 3. ii. tellis taurini. 3. ii. f. assemble toute poëris en vin austere: mais certes à la partie fluente, il ne fault pas au commencement y applicquer exterieuremēt medicamētz froitz & astrictifz: car ilz repercutent au dedans, & si emplissēt les veines qui sont au profond, dont aucuns ayantz ainsi le tohrax ou la poëtrine refrigerée, ont esté blesez pour le sang qu'ilz ont reiecté des poulmons, ou

ayantz l'estomach refrigeré, dont ilz ont vomy le sang, Comme ceulx qui ont flux de sang par le nez, les aucuns se sont pirement trouuez. Pour la refrigeration du cerueau, il ne fault doncques pas tousiours vser des ces medicamentz, ne sans difference & consideration: mais quand tu auras ailleurs diuertý le flux, comme en flux de sang du nez, ou il ya deux manieres de diuertir, c'est assauoir aux parties basses, & aux parties postérieures, voire en appliquant vne ventouse au derriere de la teste: Mais nous auons iusques icy assez traicté du flux de sang: car il apparoißt que diapedesis qui est transcolation se doibt curer par refrigeratifz & astrictifz. Mais si elle aduient par la subtilité du sang, elle sera curée par plus grosse diette, ou raison de viure: de laquelle nous dirons puis apres. La plage doncques qui aduient en la veine quand elle est facile à manier, demande telle curation que celles qui aduiennent en la chair, car si elle est nouvelle, elle sera vníe par medicamentz repressifz de sang: mais si elle est faicte par erosion, il fault premieremét discerner par raison les choses que nous auons dictes de la curation des plages ou vlceres diuturnes: puis tost apres eslayer par ceuvre à les mettre à effect. Et aussi apres que tu auras lié le vaisseau à l'enuiron, ou que

tu auras vſé de medicamentz reſtriſſifz de ſang ou de fer chauld, & que de la curation tereſte le propos de remplir par chair ce qui eſt entour les lebures de la plage: lors vſe des meſmes medicamentz qui ſont commandez en la methode des plages ſineuſes ou cauées.

Il eſt approuué par experien-  
ce & raiſon que l'artere ſe  
reprend & reunift.



Alien apres auoir eſté admonéſté en dormant & ſongeant ouurit hardiment l'artere en tresgrieueſ douleurs, qui ſe faiſent d'humours flatueux & ſpiriteux, comme il auoit à quelque miniſtre de Dieu en pergame: car apres luy auoir inciſé l'artere en la petite main celuy fut deliuré d'une longue douleur & tourment de coſté, d'aduantage il cura à vng certain ieune homme l'artere, qui par vne playe luy auoit eſté inciſée à la cheuille du pied, ainſi qu'il racompte en ſon liure de curation par phlebotomie. Parquoy experience demonſtre clairement que l'artere ſi elle eſt petite & molle ſe reprend & vnift: Mais en vieulx & durs corps, & auſſi quand l'artere

est grande, Paulus Aegineta au sixiesme li-  
ure nye du tout que cela se puisse faire: Car  
consideré que les corps durs fuyent adhe-  
rence & reuniton, & les molz au contraire  
la recoibuent. Il est conclud qu'es enfans &  
femmes ilz peuvent estre facilement reuniz:  
Mais les medicamentz qui fassent cela dif-  
ferent en raison de plus ou moins, d'auec-  
ques ceulx qui remedient aux veines tren-  
chées: Et s'il est besoing d'engendrer chair  
à l'entour, les deux requierent mesmes me-  
dicamētz: mais les plages ou vlcères qui sont  
en la matrice, en la vëcië, ou es intestins, re-  
quierent plainemēt mesmes genres de medi-  
camētz: mais selon la situation & figure de la  
partie, il fault excogiter & inuēter diuers in-  
strumētz, selon l'espece & forme desquelz se-  
ra diuersifiée la grosseur des remedes: car par  
iceulx sont infuses, non certes les medecines  
dures & grosses: mais plustost les liquides, &  
pour ceste cause celles qui sont mediocremēt  
chaudes & seiches sont plus ydoines à ce pro-  
pos, que celles qu'on appelle liquables, & qui  
se peuvent fondre: pource que facilement  
elles peuvent estre meslées avec ius de plan-  
tain, & ou de quelque aultre semblable cōme  
sont pompolix crocus aloë & ceulx qui sont  
nōmez cephaliques, c'est à dire qui curēt les  
plages inueterées des os: mais quand le sang

est restrainct & qu'il fault engendrer char  
le remede salutaire est lamnia terra ou bo-  
lus armena. Mais nous disputerons plus am-  
plement de la reuniffion des arteres en la pe-  
rioche du treziesme & quatorziesme liure de  
la methode therapeutique la ou pareilemēt  
sera traicté & enseigné de aneurisma d'au-  
tant qu'il appertient à la cause & generation

## Des plages & vlceres des poulmons qui sont dif- ficillement curée.

**L**Es vaisseaulx des poulmons ont  
de coustume d'estre souuēt rom-  
puz, & les poulmōs mesmes d'es-  
tre vlceréz & plagez, par trop  
grande clameur exercice & cheutte, les-  
quelz pour certain si premierement ne sont  
curez qu'il y aduienne inflammation ilz ne  
peuent du tout estre curez, car il fault que  
ce qu'on reunist soit en repos & bien purgé  
Mais pour la necessité de vie ilz sont touf-  
icurs meuz quat le thorax se dilate. D'aduā-  
taige la sanie ne peult estre aultrement pur-  
gée d'iceulx que par toux qui est motion ve-

hement, dont la plage ou vlcere se dilacere,  
& de rechef renouuelle: & aussi ilz sont  
loing distantz: Parquoy la vertu des medi-  
camentz pert le plus souuēt sa force, ou quel-  
que partie d'icelle deuant qu'ilz soient parue-  
nuz iusques la, & d'aduantage veu qu'ilz sont  
de substance rare & spongieuse, ilz recoipuēt  
facilement toute defluxion qui resiste trop  
grandement à consolidation & glutination:  
Mais si des le cōmencement on treuve me-  
decin qui soit diligent & studieux, veritable-  
ment la plage pourra estre guarie, en impo-  
sant premieremēt grand & profond silence.  
Secondement en faisant soubdainement sei-  
gnée, si la vertu le permet de la veine inte-  
rieure du bras, & non seulement vne fois:  
mais aussi en retournant par plusieurs foys  
pour faire diuertissement du sang. Tierce-  
ment il fault lier & froter les bras & iambes  
& membres extremes: Et puis fault faire  
boire au patient oxicratum, affin que s'il ya  
quelque sang glacé, il soit resoult & craché  
hors. Apres cela fault administrer quelque  
medicament astrictif, & par amplasticque  
faculté obstructif, & le mester & bailler en  
oxicratum ou en decoction de coings ou de  
mirres, ou de quelque aultre semblable  
astrictif, & de rechef au vespre fault pareil-  
lement bailler ce medicament en diminuant

tout nourrissement, s'il est assez puissant ou  
 autrement luy fault bailler quelque potai-  
 ge ou coulis à humer, & ainsi pareillement  
 faudra traicter le patient au second iour  
 & semblablement aussi luy tirer de sang.  
 Et ce doibt estre faict iusques au quatriesme  
 iour en arroufant pendant & humectant  
 la poëtrine avecques huille de coings ou  
 huille rosat si c'est en esté temps, ou a-  
 vecques huille nardin, si c'est en hyuer. Mais  
 si le corps est mol comme en femmes & en-  
 fans, Le medicament que Galien appel-  
 le dia Chalciteos au premier liure de la com-  
 position des medicamentz y sera tresbon.  
 Or il y entre Adipis porci.vnc. s. ol.veteris  
 3.vi.argenti spumæ.vnc.s'.Chalcitidis.vn.i.  
 soient pillez & broyez en vng mortier avec-  
 ques ius de dactes ou palmes, Ilz sont beau-  
 coup d'autres d'aduantage esquelz on a de  
 coustume meller & adiouster medicamentz  
 restrictifz de sang, Desquelz Galien a faict  
 mention aux liures de leur composition. Et  
 ainsi pour vray Galiën en a curé & guari plu-  
 sieurs qui toutesfois se mettoient entre les  
 mains deuant qu'autre inflammation les sur-  
 print: mais aussi tu ne doibs pas auoir moins  
 de crainte, pourtant qu'en toussant il n'est  
 gueres iecté de sang hors, veu que sang la  
 congelé par grumes dedans les aspres ar-

teres des poulmōs peult bien clorre & bou-  
cher la voye, dōt se pourroit engendrer pour-  
riture & inflammation. Semblablement aussi  
les plages du dyaphragme, qui ne parui-  
ent point au dehors quand elles sont en  
parties charnues, on voit que souuent elles  
se reprēnent & reunient: neantmoins que s'il  
y aduient inflammation, à grande peine peu-  
uent estre guaries: mais celles qui sont en ces  
parties nerveuses, elles sont du tout incur-  
ables par telle raison, aussi toutes celles qui  
contenues au peritoneū, sont ainsi disposées  
à peine sont elles curées: pource que la sanie  
y defflue & tombe. Oultre plus il fault met-  
tre peine de les seicher en quelque maniere  
que ce soit, ou en applicquant remedes par  
dedans ou par dehors, ou par ceulx qu'on  
boit en eaue ou en vin subtil: & qui plus est  
entre tous medicamentz, est plus vtile à ce  
propos & plus commode le diaspermatum,  
auquel entre seminum, ainsi fēniculi ameos  
an. vnc. s. feminis apii alterci opii .an. 3. i. s.  
Lesquelz soient broyez en eaue & formez en  
trochisques: finablement il en ya d'autres  
liquides qu'on doit appliquer par dehors,  
lesquelz nostre perioche empesche de plus  
au long explicquer.

Qu'il fault obseruer & con-  
siderer la nature situation  
& figure de la partie.

I L ne me faudroit point dire &  
repetier de rechef qu'en diuerfes  
parties du corps: il fault muer  
l'espece de curation, veu qu'à la  
fin de la quatriesme perioche ce-

la à esté demonsté, tant par experience que  
par raison: Mais pource qu'en ce lieu Galien  
par prolixie narration tend à prouuer de re-  
chef qu'il ya vne aultre differente, raison de  
cürer en l'œil, au nez en la bouche, en l'e-  
stomach au polmon, en la cuysse, & es mem-  
bres honteux. Nous auõs estimé que ce sera  
bonne chose & cõmode, si de cedit lieu nous  
admenons icy vng seul exemple de la simple  
plage de l'aureille: laquelle auoit prins à cu-  
rer vng certain thessalicque, qui au commẽ-  
cemẽt y applicqua le medicamẽt de cadmia,  
dont pourriture & sanie s'y engendra abon-  
damment: & non certes pour aultre cause  
que pource qu'il ne la seichoit pas assez selon  
la temperature d'icelle partie. Mais seconde-  
ment quand il cuydoit que par le dedans se  
fust engendrée inflãmation, il print son refu-  
ge à tetafarmacum, auquel entrent colo-  
phonie picis, resinæ ceræ seui taurini, autãt

Terephar-  
macum qui  
recoipt suis  
de bœuf.

d'ung que d'aultres, desquelz tous il a puissance de maturer, & non pas de seicher: Et ainsi à la fin il eust réduit l'aureille toute putride, si par l'œuvre de Galien (ainsi qu'il raconte) elle n'eust esté restituée, mais non pas en curant & soudainement passant de ces medicamentz laxatifz à ceulx qui dessiechent: mais peu à peu est parvenu à puissantz dessicatifz, pource qu'il remedioit à vne partie crasseiche: mais si on desire medicamentz puissantz, cōe pour l'aureille, qui a ia esté par vng an ou deux vexée de plage ou vlcere seruira tresbien, scoria fetri brayée puluerisée & passée, puis cuyte en tresfort vinaigre, iusques à lespeleur de miel: mais ceulx qui remedient aux vlcères de la bouche qui sont fort humides, ont besoing de puissantz dessicatifz cōme sont Iris Anthera diaphruges, ou à part eulx, ou avecques vin miel, ou vin miellé dict en grec renouendi, & les vlcères de la bouche qui sōt plus simples peuent estre curées, voire par medicamentz moyēnemēt dessicatifz cōe sont ceulx qui pource qu'ō en vse souuēt en la bouche, sont appelez stomatiques, comme celui qu'on tient préparé aux bontiques nomé diamirum diamicum & plusieurs aultres semblables: mais par cy deuant vng peu ont esté dictz les genres de medicamētz ydoines à vne chascune partie, & desquelz on doibue

Stomatiques.

vser enyne chascune, voire en prenant le gē-  
 re de medicamēt à la mesme essence des par-  
 ties qu'on doibt curer: mais premieremēt, en  
 le conferant, & proportionāt aussi avecques  
 la disposition, & la maniere d'en vser prise de  
 la forme & situation de la partie: Car à ceste  
 cause ont esté excogitez & inuentez les cli-  
 steres des oreilles & de la matrice, & aussi  
 les gargaries du membre viril. A ceste cau-  
 se aussi on entend que les vlceres qui sont  
 en l'estomach, au poulmon, ou à la poiētrine  
 doibuent estre curées par choses beues & mé-  
 gées: Mais celles qui sont es superieures inte-  
 stins doibuent estre curées par medicamētz  
 qu'on boit & mange, & si elles sont es infe-  
 rieurs, elles doibuent estre curées par clisteres,  
 veu que la voye est longue de chascun costé,  
 dont les medicamētz, en passant par icelles,  
 perdroient (pour vray) beaucoup de leur ver-  
 tu: Et aussi l'estomach peult estre purgé en  
 deux manieres par vomissement, & par deic-  
 ction: Mais considéré que le vomissement est  
 fait avecques vehemente motion, il ya dan-  
 ger que ce qui est vlceré ne se dilacere & rom-  
 pe, & que quelque humeur inutile n'y soit at-  
 tirée des parties prochaines. A ceste cause (cō-  
 me a esté dict) les vlceres des poulmons sont  
 tresdifficiles à curer, lesquelles si elles ne sōt  
 cicatrizées deuant qu'inflammation les fai-

fisse, cõe a esté naguères dict, le salut & curation en est du tout desespéré, neantmoins que la vie peut estre pour quelque tēps prolongée.

De l'ulcere dela mēbra-  
ne itérieure, de trachea  
arteria, & du laiēt de ta-  
bie, qui profite aux phti-  
siques.

**C**Eulx qui ont aultresfois souffert medicamēt de fluxiō du cerueau dedēs lespoulmōs, ou qui par fiebre ardēte ont edurē fortz & aguz espritz, cognoissent que biē souuēt plage, ou vlcere, est faicte par corrosiō de quelque esprit & humeur agu, & fort en la tunicque itérieure de trachia arteria: Cõe ce ieune hōme (que refere Galiē) qui apres auoir eu & souste nu la peste à Rōe, par l'espace de .9. iours, fut de plusieurs vlceres saisi, & mal disposē par tout le corps, & ce mesme iour touffloit vng peu: mais le lēdemaī apres qu'il se fut baignē, toufflit icōtinēt pl9uehemēt emēt & en toufflat iectayne petite crouste dehors, laquelle par la situatiō & proprietē de la douleur, on pouoit

facilemēt entēdre auoir esté iectée de l'artere qui est au col pres la furcule: Galien l'admonesta de ne toussir poit, ce qu'il feist, & le feist certes plus facilemēt, à cause qu'il y auoit peu de chose qui l'incitast, & en toutes sortes il mist peine de cicatrizer l'ulcère, en appliquant par dehors médicament dessicatif, & vng aultre qui estant retenu en la bouche transcoule peu a peu en maniere de rosée dedens trachia arteria, & ainsi estoit facilement incité à toussir par ce médicament: mais il s'en engardoit le mieulx qu'il pouoit, & apres le neuuiesme iour il demoura encores de sa volunté trois iours à Rome, & puis au quatriesme fut porté à la montaigne Tabiane, qui n'est pas loig de naples, la ou il vfa de lait, moyēnat lequel fut à la fin totalemēt guarý: mais pource que la nature de ce lait est merueilleuse pour phthisie, Galien à tellement descript le lieu, qu'il n'a pas en racōptant omys la situation, les plantes & la constitution de l'air qui y est, ce qu'il à faict affin de sommairement conclurre que le lait qui la est tiré des vaches, chieures, ou iumentz, qui y paissent à vertu doucement abstersiue, astrictiue & dessicatiue. Toutes lesquelles choses sont fort vtils aux parties vlcérées, & principalement aux poulmons. Mais pour ce qu'en tous lieux on ne peut pas auoir la

commodité de ceste montaigne, il fault à tout le moins eslire vng lieu qui soit le plus semblable qu'il sera possible à la nature & situation d'icelle, auquel tu feras mener paistre les vaches, chieures, anesses, ou iumentz. Et la soient ces herbes, gramen lotus siluestris que les Latins appellent trifolium minus polygonon que les Barbares appellent centinodia, & finablement melissophilon, quel'on dict en Francoys melisse, & pour arbres & buyssonnetz qu'il y ait pommiers saul uaiges, que Pline appelle vnedones & rubus hedera & citifus que l'on dict en latin trifolium mayas, & aultres semblables, par lesquels le lait des bestes est rendu facile nourrissement & vtile medicament aux phrissiques: mais il fault signamment noter que ce lait doibt encores estre tiede, ou chaud quand on le boit de la mesme chaleur naturelle de l'anymant. Parquoy le lait de femme y fera beaucoup plus comode pour deux raisons tant pource que le patient ne refuse gueres à tirer le lait des mammelles qu'aussi pource qu'il retient la temperature humaine. Parquoy plus facilement il est conuertiy en la nature de l'homme, apres le lait de femme tient le second lieu en telles dispositions le lait d'anesse, à cause de sa subtilité: & apres luy le lait

de chieure : mais le laiët de vachë y tient le  
dernier lieu.

De reiectiō de sang des  
poulmons , pour le ca-  
terre qui flue dedens, &  
pour le refroidissement  
des instrumentz de re-  
spiration.



Nous auons desia traicté & par-  
acheué commēt on doit curer  
le vaisseau rōpu au poulmō par  
cheutte de hault, par clameur, &  
par pesant fardeau: Mais il fault maintenant  
parler de curer le flux de sang d'iceluy pro-  
ueni de caterre, & prendrons l'exemple d'u-  
ne femme Romaine, que Galien cura en ce-  
ste maniere. Premièrement luy dōna vng cli-  
stere fort & agu: car il ne luy failloit poīt tirer  
de s'ag, pource qu'a cause du caterre elle auoit  
enduré quatre iours s'asmēger: Puis avecques  
medicamētz rechauffāt, luy frota fort les bras

Hystoire.

& iâbes, & les lia, & tost apres luy rasa la teste, à laquelle applicqua: puis apres vng medicamēt de fiēte de coulōb sauluaige, & trois heures apres la mena au baig, & la lāua, & ce cōme ie pēse pour attirer l'humeur au cuyr par reuulsion: mais il ne luy oignit point la teste, & puis selon l'estat & temperature du temps, qui lors estoit luy couurit la teste d'une coiffeydoine à corroborez le cerueau, & la nourrist seulement, de sorbition ou chaulthumer, apres lequel luy dōna quelque fruiēt austere: Puis à la fin quād elle voulut dormir luy bail la theriaque de troys mois, car le theriaque de tel aage fait dormir & desseiche les fluxions, & les engrossist seulement vng peu à cause de opium qui y entre, lequel puis apres avecques succession de temps se rend comme imbecille & foible à ces choses predictes: & ainsi fut arresté le catterre, mais le poulmon à cause de ce qui y estoit tombé auoit encores besoing de purgation: mais il ne luy bail la pas au moins du second iour, mais en gardant ladicte femme en tout repos & silence, & apres luy auoir frotté les bras & iambes, commanda que pareillement on luy frottast toutes les parties excepté la teste: puis au soir quand elle vouloit dormir, luy donna du theriaque en pl<sup>9</sup> grāde quātité qu'au parauāt: mais le tiers iour au matin luy bailla force

miel cuyt & la garda en repos & la reste de  
 ce mesme iour luy frotta tout le corps, & cō-  
 manda qu'elle print pour viande orge mûdē  
 avec vng peu de pain, Puis le quatriesme iour  
 au matin luy donna Theriacque estant en la  
 vigueur de son aage avecques beaucoup de  
 miel, & apres luy auoir applicqué à la teste le  
 mesme medicamēt de coulōb qui fort dessei-  
 che & eschauffe, & apres auoir lauē ladicte fe-  
 me & vng peu repeue cōmāca lors le cinqui-  
 esme iour a puissamment purger le paulmon  
 Et de rechief quelque interualle, apres vñ  
 pour la teste d'ung ciroine qui recoit taplia  
 Puis dressa toute la cure du corps en gestatio  
 friction pourmenement abstinence de lauer  
 & viure modere & qui estoit de bon humeur  
 pour la reffaire & meētre sus, Et ainsi ceste  
 femme recouura santé sans requerir aide  
 de laiēt Mais au ieune adolescent que la  
 toux auoit surprins & saisy, non pas par ca-  
 terre, mais par le refroydissement des instru-  
 mentz spirituelz quant il gestoit le sang en-  
 uiron iusques a quatre onces, incōtinant luy  
 ouurit la veine & luy tira sang deux foys en  
 vng mesme iour & d'vne mesme veine. Et  
 puis de rechief le landemain encores deux  
 foys, mais le premier iour en vñant de frictiō  
 & ligature en bras & iambes sur le soir luy  
 bailla vng médicament appellē diaspermatū,

Car il faict dormir il appaise la douleur, & si desseiche, Auquel entrent seminum ainsi feniculi ameos an. vnc. i. apii alterci & opii an. 3. iiii. Desquelz broyez & puluerizez puis receuz en quelque liqueur conuenables sont formez trochicques. Le second iour apres auoir tiré sang pour la seconde foys Luy applica vng ciroyne detapsia à la poictrée, mais il l'osta la nuyct, pource qu'il eust esté trop chault. Le lendemain tiers iours apres qu'il l'eust remis enuiron l'espace de troys heures il laua ledict adolescent, Mais pour ces troys iours il le nourrist sēblablement cestafauoir au premier & second iour de petis portages & chalthumer, & le tiers iour premierement avecques orges mundé, & puis en adioustant quelque poysson facile à digerer & simplement appareillé, & d'aduātage quāt il dormoit le secōd & tiers iour luy bailla du diaspermatum. Puis apres que les parties seruantes à la respiration furent restituées en leur naturelle temperature & tout le corps euacua, & qu'il ny auoit plus de suspicion de inflammation enuiron le vaisseau rompu Lors il le commanca a purger, & puis quant il luy eut faict boire du Theriaque qui ia estoit daage meure lenuoya à la montaigne de tabie Ainsi ont esté guaris tous ceulx qui

des le premier iour se sont mis entre les mains de Galien pour estre curez: mais ceulx qui s'y sont mis apres n'ont pas tous esté guaris: car à aucuns d'iceulx l'ulcere est toujours demourée incurable. Mais ceulx qui sont bien & deuement passez par tous les remedes: affin que l'ulcere fust desseichée, ont tant gaigné pour le moins que ladicte vlcere ne procedast oultre & ne se feist plus grâde. Mais qu'elle endureye & desseichée permist l'homme viure plus longuement.

## De l'ulcere des poulmons par corrosion d'humeur vicieux.



Ntre aulcres qu'ont vlcere aux poulmons, ceulx semblent estre incurables qu'ont telle vlcere par corrosion d'humeur vicié. Mais quand aucuns à cause de cela toussiēt & touteffois ne iectoient point encores de sang, ilz ont du tout esté guaris par la pro-

vidence de Galien, Car au commencement il fault auoir ceste sollicitude sur toutes choses qu'ilz ne touffent point & qu'il ne tombe rien du cerueau dedans les poulmons. A laquelle chose on peult pourueoir par trois remedes: par purgation premierement: puis secondement par le medicament qu'on appelle Diaspermatum, & tiercement en pourueoyant à la teste. Ce qui purge doibt auoir diuerses facultez comme sont les pillules qui recoyuent Aloes vnc. .ʒ. Agarici. 3. iii. Scammonij colocintidos. an. 3. ʒ. bdellii Gummi arabici: an. ii. & auecques ius de tous humeurs. coïgs soiēt poictries en forme d'ung esteuf. Le diaspermatum sera resoult en vin austere ou auecques quelque aultre liqueur de semblable faculte. On pourueoira à la teste en vsant de Ciroyne faict de Tapsia ou de quelque aultre qui desseiche le cerueau & le corrobore. Et fault ainsi faire ces choses des le commencement. Mais puis apres fault faine ment refociller le patient par viādes de bon humeur avec friction, pourmenement & baing. Mais deuant toutes choses il fault noter que ce sont ceulx la qui principalement requierent le laict & en le negligēt, Ilz sont les plus incurables de tous. Mais s'ilz ont peu de sang apres que on les aura

Pillules 2

tous hu-  
meurs.A ceulx cy  
le laict est  
necessaire

reduictz à quelque meilleur humeur leur fault tirer du sang & puis de rechef les refociller & recréer en apres les purger de nouueau, & puis encores les refociller, & finalement fault ainsi faire par beaucoup de foys répétées iusques a tant que le patient soit restitué en sa premiere force & vertu. Mais ceulx qui sont puissantz & ont beaucoup de sang il leur en fault incontinant tirer des le commencement. Parquoy est du tout impossible que ceulx qui abhorrent & fuyent à faire la phlebotomie guarissent ces dispositiōs. Comme Erasistratus qui a conseillé & inuēté que le sang fust gardé iusques au temps des inflammations aux viscères affin que par le deffault de luy nous ne soyons contraintz de nourrir le patient ce que de rechef irriteroit & greueroit les viscères & entrailles. Parquoy ceulx errent aussi grandement qui en ces dispositions ou le peril est grand & eminent disent qu'il fault commander aux plus ligiers & faciles remedes & que si ceulx là ne profitent il fault apres venir aux plus fortz & plus grands, Car ceste oppinyon est vraye aux maladies esquelles ne pend point la mort. Mais quand il fault du tout que le patient meure si vne fois il est prins de phtisie c'est chose tresaliene de raison de commander aux moindres, car par le tesmoignage

Pourquoy  
Erasistratus  
ne tire point  
de sang

d'Hippocrates aux maladies extremes les remedes exactement extremes sont tresbons. Finablement puis que par cy deuant auons desia assez abondamment môstré qu'il ya pres que vne mesme methode à curer toutes parties vlcerées : & que touteffois il ya diuerse indicatiō à cause de la temperature, situation figure & composition de la partie. Il reste que nous recueillons en briefues parolles le sommaire de ceste cinquiesme Perioche. Premièrement les causes de Flux de sang qui prouiēt des plages des veines & arteres ont esté dictes, puis nous monstrions que le sang est reprimé en le diuertissant & conuertissant ailleurs. Or il est diuertty par reuulsion quand il flue aux parties contraires & par deriuation quād il a desia fait sa fluxion aux parties prochaines. Puis apres nous auons pareillement conseillé selon Galien que les grandes veines ainsi que les arteres doibuent estre souuent liées & que aucunesfois il les fault bouscher avecques medicament emplastique ou finablement les clorre avecques escharre quand la necessité le requiert. Mais pource que ces choses ne peuuent estre applicquées aux interieures vlceres des vaisseaulx, Nous auons môstré qu'il fault supprimer le sang comme aux aultres dessusdictz par reuulsion, deriuation, deffaillance

Enumera  
tion.

ce de cueur & par boire & manger qui ayent vertu enplastique & refrigeratiue, Et aussi par medicamentz astrictifz, Toutesfois la veine & artere, qui aulcunesfois se reprend & reuynst en corps qui n'est pas dur ne sont pas curées par medicamentz qui soient du tout semblables en vertus, Car considéré que l'artere est de plus seiche temperature que la veine, certes elle desirera ce qui plus puiffammēt desseiche. Oultreplus aussi nous auons en apres monsté que la principale cause, pourquoy les plages ou vlcères des poulmons sont difficiles à curer est la necessité d'expurger la sanye. Mais elle n'est point expurgée sinon par toux. Laquelle veu que c'est vng mouuement violent irrite la plage & la refraichist de nouveau. Aussi Galien quand il faisoit mention des especes de lait, qui est vtile aux phthisiques a demonsté que l'interieure tunique de trachia arteria est bien souuēt vlcérée sans toucher le poulmon, lequel toutesfois en peult puis apres estre facilement blessé. Et ce a esté veu par l'exemple d'vng ieune homme qui fut ainsi malade apres la pestilence, lequel à la parfin porté en la montaigne de Tabia fut du tout guarý. Et finablement Galien a amplement la traicté la curation du sang iecté des poulmons, tant par la defluxion de ceter

re que par refroidissement des instrumentz  
spirituelz & par la corrosion d'humeur vi-  
cieux.

**Fin de la cinquiesme Perioche.**

**Perioche du Sixiesme liure  
de la methode Therapeuti-  
que de Galien.**

**Que la curation des corps  
ou parties dures, est traictée  
en ce liure, & qu'ilz sont di-  
uerfes differences des plages  
des nerfz.**

**A** Vx liures & traictéz prece-  
dēt a esté ia manifestemēt  
demōstré, qu'une chacune  
partie qui souffre solutiō de  
sa continuyté, ha sa propre

raison d'estre curée, dont est fait que main-  
 tenant le propos & oraison se tourne oppor-  
 tunement à la curation des nerfz des liga-  
 mentz & finablement de tous les oz. Car la  
 matiere a procedé de telle methode, que pre-  
 mierement on a disputé de la plage du cuyr.  
 Secondement de la chair. Tiercement des  
 veines, des arteres & des poulmons. Et quar-  
 tement en menant tousiours le fil en trait  
 de propos aux parties plus profondes &  
 moins exposées à l'oeil, a esté disputé des pla-  
 ges de nerfz, puis des tendons & ligamentz  
 & finablement des oz, qui sont comme le  
 fondemēt & soustenement de tout le corps,  
 Parquoy fault commencer en ce liure à la so-  
 lution de continuyté des nerfz: laquelle se  
 fait par poincture, par diuision de long ou  
 de trauers, & par cōtusion. La poincture est  
 faite ou de beste cōme est l'escorpiō ou de  
 quelque stile & chose ague. Mais pource  
 qu'o n'equiert point icy les causes, il fault ve-  
 nir à curer par methode la poicture du nerf.  
 Et premierement soit que quelqu'vngaye  
 seulemēt poicture d'vne aiguille au cuyr. Car  
 s'il est tel que les plages ou vlceres se reu-  
 nient en luy & reprennent, facilement il se-  
 ra curé sans aide d'aucun medicament,  
 Mais s'il est difficile à curer, premierement  
 il sentira douleur, puis sera tormenté de

Les differen-  
 ces des pla-  
 ges des  
 nerfz.

Poincture  
 de nerfz.

Accidentz  
 de poinctu-  
 re de nerf.

pulsation, & inflammation: dont il nous fault cognoistre la nature du patient qui pourra estre cogneue par les signes de bon ou mauuais humeur d'auantaige il nous fault cognoistre de ceulx qui ont sentiment agu & hebeté de ceulx qui sont repleiz & de ceulx qui sont moyens en abondance & faulte d'humeurs & ne debuons ignorer que celuy qui est plethoricque & replet ou qui est chargé d'humeurs vicieulx & qui est de sentiment prompt & agu ou pressé de quelqu'vng d'iceulx ou de tous ensemble sera assailly d'inflammation. Et qui sera disposé au cōtraire ne sentira point de mal, Et nous preuoyans telles choses n'applicquerons pas medicamentz restrictifz de sang. Mais quelqu'vng doux & mol & qui puisse appaiser la douleur. Car quand la diuision est grande, il fault reunyr les leures avecques remedes desiccatifz. Mais quand la solution de continuyté est faicte par aiguille ou style & corps agu, il fault seulement auoir soing qu'il n'aduienne inflammation à la partie. Parquoy ce n'est pas grande chose de seulement scauoir ce qu'il fault faire: Ce que pensoit Thessalus, Mais c'est artifice de scauoir par quelz moyens & raisons est faicte quelque chose, car comme a esté dict vne fois, il ne suffist pas d'entendre que plage demon-

estre qu'il luy fault reunitiõ : mais il fault pareillement cognoistre par quelz remedes, & comment on doibt vser : car quand long temps à , quelqu'vng eust esté poingt en la main de stille, ou poinson agu, telement que oultre le cuyr qui estoit diuisé, fut poingt: aussi quelque partie des nerfz qui estoient desloubz, Thessalus au commencement luy applicqua vng emplastre, duquel il souloit vser en grandes plages ou vlceres, dont apres que inflammation y feust venue, il print son reffuge au cataplasme composé de farine de froment, qui est relaxatif & maturatif, Et par ainsi en diminuant & consumant ce patient le tua dedans sept iours. Il fault doncques eslire & suyure vne aultre & meilleure methode pour guarir les nerfz en prenant indication à leur nature & temperature.

### De la curation du nerf poingt.

**L**ource que le nerf estant garny de sentiment agu, facilement quād on le picque recoipt douleur vehemente, apres laquelle souuent s'ensuyt inflammation; il fault vser de mediment qui appaise la douleur & qui empesche inflammation d'y venir: parquoy, la plage du cuyr doibt estre gardée ouuerte & non englutinée, affin que la sanie qui en prouient aye yssue patente & facile: & fault euacuer tout le corps des humeurs superfluz; & fault auoir so'g que quelque douleur n'opresse la partie blessée. Or il ya beaucoup de medicamētz qui peuuent empescher la douleur, & tenir les leures du cuyr separées. Mais ce sera le plus seur inciser plus amplement le cuyr, & avecques detraction de sang (si la vertu est puissante) euacuer le corps: Et s'il ya cacochimie ou abondance de mauuaises humeurs, la purger, & considéré que la substance du nerf est faiçte de matiere humide refrigerée & conterée, elle se resoult & pourrist, par choses qui eschauffent & humectent ensemble, doncques l'eaue chaulde sera du tout contraire aux nerfz, & tous medicamētz maturatifz; mais huile chaulde vieille & subtile leur sera tresbōne en fomētatiō. le medicamēt dōcques pour telle poinçture soit subtil, vng peu eschauffant, & fort deslicatif.

& toutesfoys il fault que ce soit sans douleur, car luy seul peult attirer la sanie du profond. Premieremēt la therebintine sera vtile, voire aussi à part soy en corps molz & euphorbe, en corps durs, & aussi Sagapenum, propolix opoponax, assa, sulphuruium avecques huile, & d'aduātage chault souuētesfoys l'auée en la mer en temps d'esté, & plusieurs aultres qu'il fault chercher es liures des simples sont estimez ayder & proffiter beaucoup à telles poinctures de nerfz: car aussi la lessiue faicte par distillation y sert & proffite, Ce que Galien a approuué en vng ieune homme qu'vng des sectateurs de Thesialus auoit quasi rendu putride par cataplasmes maturatifz: car apres qu'il eut prins la lessiue (pource qu'il n'auoit aultre chose presté) il feist cuyre ensemble farine d'orge & de erui, & ainsi en formant la plage, deliura le patient de telle pourriture, entre les medicamentz que Galien a inuentez, est celuy qui compose au tiers liure de la composition des medicamentz, & s'appelle diaeuphorbiū: duquel certainemēt si quelqu'vng vse opportunement en ces dispositions, il apperceuera merueilleuse vtilité. Ce que ie dis pour cause, car selon la diuerse temperature des corps, il fault diminuer ou accroistre la quantité de l'euphorbe à l'exemple de ce medecin que dict Galien, qui auoit

Les simples  
qui seruent  
à telles dis-  
positions.

Lessiue en  
poincture  
de nerf.

bien profitablement vſé de ce médicament en plusieurs : mais en vng adolescent qui auoit le corps plus dur, il n'y profſita riē, pour ce qu'il auoit diminué la quantité de l'euphorbe: ce qui fut approuué par la cure dudit adolescent, car apres qu'il en eut adiousté vng peu, il fut guarý. Ce médicament audict tiers liure est cōposé d'une partie de euphorbe, trois parties de propolis, quatre de vieille huile: mais au sixiesme liure de la Methode, il est composé d'une partie de cire, & de therebintine & poix, & d'ung chascun demye partie: mais on y mesle tant de euphorbe, cōme la temperature du corps y donne indication: toutesfoys Galien y en mesle en ce lieu, icy la douxiesme partie selon le poidz de la cire: mais ces choses icy appartiennent à aultre liure, & nostre propos est icy de traicter la methode, comment nous peussions bien & commodement vſer de ces medicamentz,

Le médicament ne peult pas faire grāde chose si l'on n'en vſe biē.

Du nerf trenché de long &  
de la maniere de le  
curer.

Vand le nerf est trenché ou pla-  
ge par le long, & qu'il est desnué

**Q**uand par trop grande ouuerture du  
cuyr, il faultdra appliquer aulcū  
des medicamentz predictz, qui sont de eu-  
phorbe, ou d'autres qui soient semblable-  
ment aguz: car celuy qui est denué ne portera  
pas leur vertu, comme a fait celuy qui estoit  
seulement poingt, & auoit le cuyr entre  
d'eulx: car quand le nerf est ainsi desnué, il  
fault dresser l'intention de toute la curation,  
à ce que tu le puisse desseicher avecques  
petite corrosion: mais il ya bien peu de me-  
dicamentz qui puissent faire cela. Soit donc-  
ques en ce cas icy la chaulx souuent lauée en  
temps d'esté avecques eaue salubre & dissoul-  
te en grande quantité d'huile. Soit aussi  
d'aduantage lauée pompholix, comme il est  
au medicament que Galien appelle diapom-  
pholigos, auquel entrent plusieurs especes  
lauées: Car tous ceulx qui sont faitz de  
methaulx doibuent estre lauez, pourueu qu'o-  
en vueille desseicher sans aucune corrosion,  
& fault aussi que la cire & therèbintine  
soient lauées: car tous ceulx qu'on laue  
delaisent le plus souuent leur nature  
ague & mordicante en l'eaue ou ilz sont  
lauez. Mais si celuy qui a receu plage, est  
puissant & robuste, & son corps soit vuidé

dh'umeur superflus, il fault & est permis en cestuy la d'vser aussi d'aulcuns puissantz remedes, comme Galien vfa en vng ieune homme studieux de philosophie qui estoit de bone habitude de corps & brusté du soleil d'esté: mais il auoit receu vne plage au meilleur du bras, & en la ioincture de la main, auquel il applicqua les trochisques de polyda, resoultz en vin nouveau cuyt, lesquels toutesfoys estoient pris tiedes en limentz, ou linges: Car sur toutes choses il fault garder que quelque chose froyde d'iceulx ne touche les nerfz, pource que telle partie est fort sensible continue au cerueau, & froyde en temperature, dont elle est blessée de froid, & communique sa disposition au cerueau. Apres doncques qu'il eut appliqué ce medicament à l'ulcere il humectoit continuellemēt avecques huylles chaudes, les parties d'etour les aisselles d'euiro le col & la teste du patiēt: toutesfois des le premier iour, incōtinēt luy tira du sang, & dedēs le septiesme iour il fut guarý: mais telle plage ne doibt point estre humectée d'huylle, principalement quand on fait la curatiō avecques les trochisques, ausquelz elle est totalemēt cōtraire, laquelle aussi rend la plage fordide, ou orde: car il n'ya pas peu de difference si tu doibs appliquer l'huille au nerf nud, ou par

Froid est ennemy aux nerfz.

Il fault la-  
uer la sanie  
du nerf.

e cuir entre deux, il fault d'aduantage lauer  
& nettoier la sanie avec laine taincte en vin  
chauld, ou tiede: Et si toutes choses aduiēēt  
droictement & bien, tu pourras lors fomen-  
ter, ou amoistir la plage avecques vin doux,  
& nō mordicāt, & quād elle sera presque me-  
née à cicatrice, encores y sera profitable le vi  
blanc de petite force, & celuy que les Grecz  
appellent oligophoron, c'est à dire qui porte  
peu d'eau: mais tu cuireras to ufiours eue,  
comme aussi feras cataplasmer elaxatif: mais  
pource qu'aucunes fois nous n'auōs pas pro-  
ptement les trochisques de polyda, il nous  
fauldra vser du medicament que Galien au  
premier liure de la composition des medica-  
mentz, appelle Diachalchiteos escript en ce-  
ste maniere: Rec. adipis veteris .vnc.ii.ſ.  
argenti-spumæ, olei veteris.an.vnc.iii.calchi-  
tidis vnc.iiii.ſoiēt meslez comme il fault, les  
trochisques de polyda sont au.ſ. liure de la-  
dicte cōposition des medicamentz cōposez  
ainsi: Rec. alumypis fissis.drag.i.thuris mir-  
rhæ.an.scr.4.chalchāti.scr.ii.citoniorum a-  
loes.an.drag.ii.ſ.fellis taurini.vn.ſ.ſoiēt fer-  
mes trochisques, lesquelz (quand il en sera be-  
soin) soient resoultz en vin austere: mais si  
tu n'as lesdictz trochisques, il faudra pren-  
dre ceulx d'Andron de passion, ou de Galiē,  
mesmes desquelz tu as pareillement la com-

Diachalchi-  
teos.

Le liure a  
en vñ doux  
au texte de  
la methode

position audict cinquieme liure. Or vraye methode a inuenté & trouué toutes ces choses, Lesquelles puis apres ont esté cōfermées par longue experience.

## Du nerf trenché de trauers,

**L**E nerf tréché de trauers apporte plus grand peril de cōuulsion, c'est assauoir quand inflammation est distribuée des fillamentz coupez à ceulx qui ne sont pas coupez, & que conuulsion vient des nō coupez: Mais il ne fault pas aultrement curer ceste plage que l'autre: mais il fault tirer du sang d'aduantaige, & donner moins de nourrissement. Et fault aussi contenir le patient en repos, & en liēt mol, & puis vser abōdāment d'huylle es aisselles, au col, aux tē dons, ligamentz, & en la teste: mais si le nerf de la iambe est blessé, il fault ainsi comme on fomentoit les aisselles quand le nerf estoit blessé en la main, fomentier pareillement en ceulx cy, & amoistir les haignes avecques grā de quantité d'huylle: puis fault monter par toute l'espine iusques au col, & à la teste.

## De la contusion des nerfz.

**Q**ue la contusion des nerfz aye commune origine avecques ecchimosiſ, ou contuſion de chair, la curation de l'une & de l'autre le declare facilement: car en ecchimosiſ nous vſions de medicamentz digeſtifiſ & aſtriſtifiſ, & icy nous fault pareillement deſſeicher & reſtraindre principalement quand le cuyr eſt contux & vlcere enſemble avecques le nerf: mais ſi le nerf eſt contux ſans que le cuyr le ſoit, il le fault bien ſouuent ſomenter avecques huylle digeſtine, & auoir ſemblable cure de tout le corps: mais cecy n'aduient paſ ſouuent & voyons que bien ſouuent les nerfz avecques le cuyr enſemble recoipuent eōtuſion, dont les athletes, ou gens d'exercice & combat qui ont cogneu cecy par vſaige, ont cataplaſme, ou emplaſtre fait d'oxymel & de farine de febues, qui eſt medicament plaine-ment ſalutaire: mais ſi douleur vient & ve-  
 xe avecques la contuſion, il fault auſſi meſſer poix liquide & la bien cuire, puis appliquer le medicament bien chaud: Et ſi tu le veulx faire plus deſſicatif, tu y adiouſteras farine de erui, dict en latin orobus, & ſi tu le veulx

faire encores plus delicatifz, tu y mesleras  
aussi iris: d'aduantaige la cure de tout le corps  
est commune aussi a toutes choses. Mais si le  
nerf est du tout entierement trenché, il n'ya  
plus de craincte d'aduantaige: Toutesfoys  
la partie demoura imbecille, mais la cure  
est commune avecques celle qui est des  
autres vlceres, laquelle seule ont cogneu  
les ymitateurs de Theffalus. Ces choses  
doncques soyent suffisamment dictes  
des nerfz: Mais icy apres sera  
traicté des inflammations  
qui leur sur-  
uiennent.

De la plage, ou vl-  
cere des liga-  
mentz & ten-  
dons.

Es ligamētz fōt pour ceste raiſō,  
 eſtimez porter & ſouſtenir la for  
 ce des remedes treſpuiffātz, pour  
 ce qu'ilz n'ont poit de ſentemēt  
 & pource qu'ilz ne peruiennent  
 ne attouchēt au cerueau: car tous les aultres  
 nerfz ont leur naiſſance, leſvngz du cerueau  
 meſme, les aultres moyēnāt la moille de l'e-  
 pine: mais les tēdons ſont ſubſtantialemēt cō-  
 poſez du nerf, & de ligamēt: Parquoy il peu-  
 uēt moins ſouffrir conuulſion que les nerfz,  
 & les ligamētz ont leur naiſſance de l'oz, deſ  
 quelz les aucuns ſont rōdz, & les aultres lar-  
 ges, cōme ainſi eſt des tendons: car les rōdz  
 ſont ſēblables aux nerfz, & d'aduantaige ilz  
 ne peuēt aucunemēt eſtre diſtinguez en blā-  
 cheur, n'en priuation de concavité & de ſag,  
 ne finablemēt en diuiſion de ſillamētz: mais  
 ilz differēt ſeulement en dureté & ſituatiō. Si  
 dōcques le ligamēt qui paſſe d'ung os à l'aul-  
 tre eſt vulneré & bleſſé: Lors il n'eſt en aucun  
 danger, & ſi peult porter medicamētz tant  
 deſſicatifz que tu voudras: mais ſi c'eſt celuy  
 qui ſe iſtere dedēs le muſcle, lors d'autant  
 qu'il eſt moins ſubiect à peril que le nerf &  
 tendon, d'autant pour vray, ſ'il n'eſt bien &  
 deuement curé, doit il plus dōner de crain-  
 te que les aultres ligamentz. Ceulx donc-  
 ques qui ignorent & ne ſcauent la nature de

la partie, & nyent que d'elle on doibuent prendre indication curatiue ne peuuent aulcunement curer par methode, & cecy est raisonnable, non seulement en toutes les susdictes parties: mais aussi en l'Abdomen, & en ses parties, desquelles nous conuient à present traicter:

## De la plage d'Abdomen, & de sa curation.

**A**Bdomen que les Grecz appellent epigastriion est composé de double cuyr de gresse, & de double nerueuse tenneté qui gist deuant les muscles, laquelle ignorent & ne cognoissent noz inciseurs, pource qu'ilz fuyent le labeur à la chercher & trouuer, apres cela succedent deux muscles droictz & longz, & du tout charneux: Puis soudainement on voit les quatre obliques, apres lequelz s'ensuyuent finalement les deux trauerseaulx qui finissent à vne membrane finitiue au peritoneon, dict des Ara-

La co-  
stion  
dome

bes syphac: mais le peritoneon ne cōpose pas l'Abdomen, comme aussi ne faict epiploon qu'on appelle zyrbus: car cestuy la est vng corps simple qui gist à l'entour des intestins: Parquoy quand il ya plage au milieu d'Abdomen, elle est beaucoup plus perilleuse que si elle declinoit à costé, ou il ya plus de substance charneuse, à cause des muscles charneux qui naissent de la: car pour deux causes la plage du milieu d'Abdomen est difficile, la premiere est pource qu'il est le membraneux & subtil, dont à grand peine y peult on faire suture, l'autre est pource qu'en ce dict lieu tumbent principalement les intestins & à grande difficulté y peuuent estre retenuz, pource que les muscles droictz y sont trenchedz, & que ceulx des costez estraignent, doncques si la plage est grande, plusieurs choses tumbent dehors, qui pour ceste cause peuuent à grand peine estre remises: mais si elle est petite & estoict elle est encores perilleuse, pource que si tu ne remetz soudainement en son lieu l'intestin qui est yslu dehors, il s'enfle: Parquoy il ne peult plus estre mys au dedens par ce pertuys estoict, pour curer doncques ceste plage sont proposées par ordre quatre choses. Premièrement fault remettre les intestins en leur lieu. Secon-

Quatre choses  
nécessaires  
à curer  
la plage de  
Abdomen.

dement fault couldre la plage. Tiercement fault appliquer médicament. Et quatement il fault pourueoir que la partie noble ne soit blessée ensemble, il en fault doncques premierement traicter & donner exemple en petite plage: Car si l'intestin est enflé, lors ou il fault oster l'enfleure (ce qui est le meilleur) ou accroistre la plage, l'enfleure s'ostera en enaporant & euacuant le vent, ou esperit contenu, qui a esté cause par la froydeur de l'air, dont il y fault remedier par médicamentz chauldz: Parquoy vne molle esponge moillée & baignée en eau chaude, puis esprinte & souvent appliquée a l'intestin, ou quelque chose de semblable vertu, comme vin rude, ou austere & diuers cataplasmes, facilement pourront faire cela: mais si ceste enfleure ne s'en va, il faudra vng peu croistre la plage, & finalement encliner le corps vers la partie contraire à la plage. La seconde chose proposée estoit suture, laquelle ne doit estre faicte de trop dur fil, ou ficelle, affin qu'il ne blesse: ne de trop mol aussi, affin qu'il ne se rompe: Et fault commencer au cuyr d'Abdomen, & conduire l'esguille iusques au perito-  
néon, duquel ne faudra prendre la partie subiecte: mais retournera à la partie d'Abdomen opposite, & que ce soit tellement, que

La seconde

pareillement tu ne delaisſes pas l'aultre leba-  
 ire du peritoneon tranché, & fault ainſi fai-  
 re iuſques à ce que toute la plage ſoit couſue:  
 mais ceſte maniere de coudre eſt de Galiē,  
 au.6.liure de la methode: mais pour ce que ſou-  
 uent les chirurgiens de noſtre temps le cou-  
 ſent à leur maniere & couſtume, ie conſeille-  
 roys que par experiēce & actiō on approuuaſt  
 ce qui eſt icy enſeigné par ſeule contempla-  
 tion: car nous entendrons & pourſuiuerons  
 beaucoup plus facilement toute la choſe, la  
 tierce choſe propoſée eſtoit le medicament  
 qu'on doit appliquer aux plages d'Abdo-  
 men, lequel ſera de meſme matiere que ceulx  
 que l'ō appelle Enema, c'eſt à dire eſtraignāt  
 le ſang: mais la quarte partie de la curation  
 n'eſt pas peu differente des aultres: car ce  
 qui eſt entre les haignes & les aiſſelles, il le  
 fault tout enuirōner de laine molle baignée  
 en huylle mediocrement chaulde. Et pareil-  
 lement auſſi ſera meilleur ſi par cliſtere on en  
 ieſte vng ſemblable dedēs les inteſtins: mais  
 ſ'il ya quelque inteſtin, ou pluſieurs bleſſez,  
 les choſes qu'on doit faire par dehors doit-  
 uent eſtre toutes ſemblablement conduictes  
 & faićtes: mais il y faudra ieſter au dedēs vin  
 noir, auſtere & tiedement chauld, principale-  
 ment ſ'ilz ſont du tout percez: car les gros in-  
 teſtins ſont facilement: mais les greſſes, cōme

est ieiunum le sont difficilement, & aussi les parties inferieures de l'estomach qui s'ont charnues se peuuent plus facilement consolider pour l'application du medicament que le sophagus, ou l'orifice superieur du ventricule, qui est proprement dict stomachus : mais de la curation du vetricule vulneré (lequel auos tousiours en Francoys interpreté estomach) & des aultres dangereuses plages, Hippocrates en a assez traicté, ce que plustost on doit requérir de luy, & par ainsi nostre propos se conuertira aux plages des oz, apres que nous auons premierement noté que Epiploon (qui s'uyt & yst apres la plage de peritoneon) quand il est ia noircy le fault lier, & puis finablement trencher & oster ce qui aura ia esté alteré & gasté, ce qu'aussi feist Galien en vng certain gladiateur, comme il refere au .4. liure de vsu partiū. Mais nous mettrons peine que le bout du lien pende dehors: afin que nous le puissions prendre quand il sortira de la plage suppurante.

De la difference des fractures des oz, & de la curation d'icelle en general.

Pres auoir enseigné la maniere de

**A** curer les vices & passions de la  
chair, des veines, des arteres, du

poulmon, des ioinctures des nerfz, Et finalement de abdomen, Il reste encores à traiter cōsequēmēt et parler par ordre de la solution de cōtinuyté des oz, Laquelle se faict ou par violence exterieure, ou par corrosion interieure. Parquoy nous en pouuons cōstituer cinq differences, Desquelles la premiere est faicte du trauers ce que les Grecz diēt raphanidon, pource que l'oz est rōpu de trauers comme vng ressort ou raue. La seconde est du lōg quād toutes fois les parties de l'oz ainsi blestē, sont du tout separées. La tierce est vne longue fissure ou fente de l'os faicte en maniere de ioincture de aiz assemblez, ce que les Grecz appellent schidacidon. La quarte est vne contusion faicte de corps dur & obtus, non trāchant, La quinte finalement est corrosion ou pourriture qui se faict du vice de l'humeur qui peu à peu consume & rauist l'humydité qui conglutine les parties solides, Et de ces differences icy l'on peut prendre quelque indicatiō pour la curation d'une chascune desdictes parties ainsi qu'il sera demonsté apart si prealablement tu entends que pour vray, Pource qu'en l'os froissē ya solution de la cōtinuyté des parties, la premie-

Cinq différences des os rompuz.

re fin & indication pour la curer est reu-  
 tion. Mais pource que à cause de la seicheres-  
 se, iamaïs cela ne peult estre faict par soy es  
 animaulx qui sont desia creuz & de grande  
 aage & qui sont secz. Mais qu'es petis enfans  
 & corps molz, il se peult àulcunes fois faire,  
 Il reste que la conglutination soit faicte par  
 interposition ou naissance de quelque substā-  
 ce. Laquelle si l'on cōgnoist ne pouoir estre  
 produicte, diras lors que le vice est incurable:  
 mais telle substance se produict entre deux,  
 pource que toute partie attire pour soy nour-  
 rissement familier. Mais l'os attire & succe  
 plus gros & plus terrestre nourrissemēt que  
 quelque aultre qui y soit. Parquoy ce qui re-  
 ste & redōde d'iceluy & se fige entre les bors  
 ou leures de la fracture par sō interposition  
 conglutine les costez de l'os, Et ce qui la est  
 né & produict, est le porus sarcoides qui  
 doit garder mediocrité en grosseur & subti-  
 lité, & aussi en durté & molitude. A quoy fai-  
 ret'est est lors proposée bone raison de vie.  
 Et fault de rechef auoir esgard au temps au-  
 quel on doit engendrer & produire cedit  
 porus sarcoides. Or veoyōs dōcques ce qu'il  
 fault faire en vne chascune difference de fra-  
 cture pour à la fin peruenir à la curatiō d'icel-  
 le. Et premierement disons de celle qu'on  
 appelle raphanidon.

De la curation de l'oz rom-  
pu de trauers.

**P**ource qu'en ceste difference de oz frois-  
sé, les parties sont telement séparées &  
distantes qu'elles ne sont point au droict l'u-  
ne de l'autre. Il est tout clair & manifeste  
que premierement il fault tant faire qu'elles  
soient reduictes & esgallées au droict. Mais  
nous appellons au droict quand elles sont  
ramenées en leur premiere & naturelle figu-  
re. Car ceste est la plus seure & de moindre  
peril à se mouuoir & oster apres la reduction  
& est fort aliené de toute douleur comme a  
esté demonsté aux liures du mouuement  
des muscles. Soit doncques la figure du bras  
anguleuse comme celle de la iambe doit  
estre vng peu moins qu'estandue. Mais l'ha-  
bit & figure naturelle d'vn chascun instru-  
ment ou membre organique luy est vile:  
non seulement pour euitier douleur, Mais  
aussi la coustume sert & profite quelque  
chose. Et ceste pour certain est la raison &  
maniere de trouuer la figure en laquelle il  
conuient garder le membre & en la redu-  
ction des parties à soy qu'on appelle antista-  
sis, quand d'auantaige aussi les parties de l'oz  
froissé sont applicquées en leur situation na-

La droicte  
figure des  
membres

nuelle lesquelles quand on reduict & ramene en contraire mouuement, il ya danger que quelques emynences d'icelles ne soient froissées & rompues, Car le bout d'une chacune des parties n'est pas vne & esgalle cōme en choses qui sont syées. Car si lesdictes emynences sont rompues, les boutz de l'oz froissé, ne pourront bien exactement estre vniz & rassemblez entre eulx, tant pource que par aduenture seroient tombez quelques esquilles ou fragmētz entre les parties qu'o doibt vnir tant aussi pource que par aduenture quelqu'vng des oz seroit tombé dehors dont les espaces demeureroient vuides, dedans lesquelles la sanye assemblée & quelque temps apres pourrie, corromperoit pareillement tout le membre. Et pour ces causes certes les oz separez & distantz doibuent estre reioinctz & appliquez au droict, Ce qui ne peult estre commodement faict si premierement on ne les retire en arriere. Or cela se faict auecques les mains quand le membre est petit, Mais s'il est grand, lors il fault vser de lacs ou liens mis enuiron luy ou auecques eulx aussi d'autres instrumentz, mais puis apres quād il ny aura desia plus de crainte qu'en les ramenant ilz ne s'entretouchēt, lors il les fault mettre au droict l'vng de l'autre & relascher les liens & permettre

que les muscles desdictz oz separez & des parties distantes se remettēt en leur premier estat. Mais il fault necessairement aussi que ce pendant toy mesmes aides vng peu de tes main: & si aucunesfois quelque chose sailloit ou s'esleuoit vng peu le corriger & reformer. Ces choses deuement administrées & parfaites, il fault songneusemēt & diligemment mettre toute peine, que l'os demeure sans estre meu, & ainsi fauldra vser de seure ligature, non pas lasche de peur qu'elle n'estraignist pas assez les parties de loz froissē ne aussi trop vehemēte ou serrée, afin qu'elle ne excitast douleur, mais soit telle qu'elle euite ces deux excès. . . Doncques bande treslarge sera plus cōmode aux membres de pareille ou esgalle grosseur, Mais veu que le plus souuent cela n'y est pas, nous recōpenterons par nōbre de reuolutions ce qui nous deffault de la largeur des bādes, Et fault mener telle ligature depuis la fracture de l'oz iusques vers la partie saine. Considere que si tu tais aultremēt, tu feras venir les humeurs des aultres parties sur le lieu blessē: & par ainsi sera à la fin engēdrée inflammation: laquelle on debuoit sur tout ēgarder de venir. Neātmoins que c'est chose bien difficile tāt pour la traction des parties quād on esgalloit les oz au droict que principalement pource que les causes qui font la fracture le plus souuēt

blesſent. Premièrement par oppreſſion & cō-  
tuſion, la chair qui eſt enuiron les os, dōt ſ'en-  
ſuyuent grandes inflammations. La maniere  
de la ligature eſt priſe de la meſme nature de  
la choſe: car veu qu'ilz ſont deux parties qui  
peuuent recepuoir quelque choſe de la partie  
bleſſée, & luy en enuoyer celles qui ſont au  
deſſus, à cauſe de leur multitude & grandeur  
ſont plus habiles & conuenables à toutes les  
deux choſes: mais les extremes pour cauſes &  
conditions contraires peuuent ou recepuoir  
quelque petite choſe, ou enuoyer aux autres:  
Parquoy Hypocrates a conuenablement ad-  
iouſté deux ligatures, la première, certes afin  
que quand elle ſeroit menée en montant, el-  
le pouſſaſt la enſemble ce qui ſeroit contenu  
en la partie, & engendraſt ou empeschast ce  
qui y debueroit tomber: mais il a voulu que  
l'autre ſoit adminiſtrée & menée en deſcen-  
dāt, pareillemēt pour ces deux diſtes vtilitez:  
mais pource qu'elles ne rendent pas aſſez fer-  
me & ſtable la fracture de l'os, il a commēdē  
qu'on y adiouſte bandes pour la ſeureté: &  
afin qu'il ny aduienne inflammation, il con-  
ſeille qu'on vſe des medicamentz qui empes-  
chent l'inflammation d'y venir, comme pour  
certain eſt ceratū humidū, & pour la première  
œuvre qu'il fault faire es fractures des os,  
n'auons icy delaiſſé aucun precepte.

En quel temps il fault deslier  
la ligature des os.

**P**Ource que par cy deuant auons  
desia traicté & enseigné plusieurs  
choses, qui ont & seruent à cu-  
rer la solution de continuité des  
os: maintenant il fault veoir du temps de  
deslier la ligature, & du regime qu'on y doit  
tenir: Car l'opinion & sentence de Hypo-  
crates conseille que le troysiesme iour elle  
soit desliée, affin qu'il n'y aduienne douleur  
ou prurit, & que la perspiration de ce qui est  
ia infigé en la fracture ne soit prohibée, à  
l'occasion dequoy aduient à aulcunes, non  
seulement prurit nuyfible: mais aussi par la  
force & ardeur de la sanie, le cuyr corrosé se  
exulcere: mais il la faudra lauer & nettoier  
auecques eue temperement chaulde, puis tu  
feras pareillemēt cela, au septiesme iour d'a-  
pres le premier, auquel temps toutes choses  
pour vray (si rien n'empesche) apparoiſtront  
gracilles & deliures d'inflammatio. Parquoy  
lors sera permis de mettre astelles ou esclif-  
ces à l'enuiron, & les deslier en plus lōg tēps:  
car le porus sarcoïdes se pourra mieulx ainsi  
produire, pour la generation duquel, fault

que quelque partie du propre nourrissement des os se coagule & fige entre deux, ce que pour certain ne fault lauer ne racler d'avecques les bortz de la fracture, ne faire venir dehors ce qui toutesfoys se feroit si on le deslioit trop souuent: mais aussi il ne fault intermettre si long tēps, que tu ne scaches biē comment la fracture procede: Car quand les oz sont renduz trop secz, le porus ne peult estre engendré, ausquelz fault que nous versions eue moyennement chaulde, & que nous les estuions de troys ou quatre iours, en ayans esgard pour la fin de tel estuement, quand la chair s'estlieue en rong tumeur, & fault cesser cela deuant qu'elle commence à desenfier & diminuer, ce qui est contraire à ce qu'on faict quand nous voulons dissiper & digerer quelque chose. Mais si trop abondante, humidité empeschoit la generation du porus, lors nous mettrons peine de la desseicher avecques ligature convenable & perfusion d'eue qui soit, ou du tout fort petite, ou grande: car la fort petite cesse deuant que quelque chose descende ou conflue, & digere les humeurs qui sont en la superficie, & ceulx qui sont au profond, elles les rend moyennement liquides. Or il fault qu'ainsi soient resoultes & liquefiées, les choses qu'à la fin on doit mettre par liga-

ture hors: mais la fort grande perfusion digere plus qu'elle n'attire, & par ainsi elle est comode & sert à l'humidité superflue: car en la ligature qui exprime les chiefz des bandes, ne doibuent pas estre fort estrainctz: mais en celle qu'on faict pour refociller & renourrir, il ne les fault pas moins estraindre: mais toutes les reuolutions d'entour doibuent estre plus lasches, lesquelles choses ainsi deuenent faictes & administrées, Il reste de traiter du regime vniuersel, & raison de viure d'iceulx: enquoy il fault cognoistre & entendre en ceste curation des os qu'il fault diligemment obseruer & garder deux tēps, l'ung quand on crainct inflammation, l'autre quād il ne reste desia plus de lieu à icelle inflammation, auquel temps principalement fault engendrer le porus: Car au premier tēps il fault instituer presque semblable, & mesme raison de viure, comme celle qui est ordōnée aux inflammations des autres parties: c'est asauoir petite, & est aucunesfoys besoing d'euacuation & purgation: mais de ces choses nous en dirons ailleurs, mais au tēps que le porus s'engendre, il est besoing de nourrissementz qui soient de bon sang & humeur, & qui nourrissent beaucoup, desquelz il a de coustume estre produict, non seulement bō: mais aussi glutineux & tenace, duquel tel il

vault mieulx pour certain que le porus soit engendré: car de subtil & acqueulx il ne peult estre aucunement produict, mais de gras & fragile, & qui ne soit point gras peult voirement estre engendré diligemment: mais en se desseichant apres auecques temps, il se rend plus friable, & par ainsi subiect à fraction. La quantité du porus se fit mediocre en grandeur: car celuy qui est plus petit que de raison, ne rendra pas les osseurs & sans peril, & celuy qui est trop grand fera douleur aux muscles: mais ces deux vices sont corrigez par la quantité & qualité de la perfusion & estubement, & par la faculté & vertu des viandes, & aussi des medicamentz qu'on applique par dehors: car la perfusion & regime de viure que nous exposions nagueres, augmente ou diminue le pore: mais le medicament emplasticque qu'on a de coustume preparer es plages fresches & sanguinolentes, le conseruent en mediocrité, car il desseiche moyennement & faict mediocrement cailler & figer le porus, & ces choses qu'auons icy traictez des os froissez de trauers suffisent iusques à present: car quant aux longues fractures, toutes choses sont en mesme maniere: mais elles doibuent estre plus compressées au lieu mesme de la fracture, & ce qui sort & s'esloigne doibt estre repoulse

au dedans : parquoy fault venir à la tierce  
espece des os froisiez.

## De la contusion des os.



Es os qui sont froisiez en plusieurs manieres, principalement avec vlcere, comme le plus souvent aduient, Hypocrates commande qu'ilz soient enuironnez de bande couruée en maniere devaisseau ou decoloire, laquelle soit taicte & mouillée en vin noir & austere, & principalement en esté temps: car ce vice d'autant qu'il est plus grand, demande estre plus desseiché que les aultres vices des os. Parquoy fault vsfer de medicamentz dessicatifz, non pas extremement: mais telz que ceulx qui repriment le sang, appelez enema: lesquelz certes quand aucun en veult vsfer au commencement, pour le plus expedient doibuent estre en forme liquide, affin que facilement ilz puissent humecter, & fault aussi suyure les aultres doctrines dudit Hypocrates. Oultre plus il fault aucunesfoys oster par art les esquilles ou fragmētz, ou que nature mesme les mette hors. Mais traictons maintenant des ligatures: car selō la diuersité

des parties, elles sont faictes diuifement, ainfi que les instrumentz, defquelz Hypocrates a vſe en fon temps: car pour confermer l'os de la iambe apres la ligature, il a eſtimé que les instrumentz appelez ſolenas, qui ſont faictz de boys, comme repositoires ou eſtuiz de quelque reſidu, defquelz quelque os lié à l'enuiron, eſt compris & rendu ſeul au mouement. Il ya vng aultre instrument appelle glosſocomion, duquel fault principalement vſer quand on engendre le porus. Or il eſt large par le bout, & ſe finiſt en ſoy eſtroiſſiſſant à la ſimilitude de langue, dont il a prins le nom. C'eſt choſe facile de nombrer tous les instrumentz dont vſoit Hypocrates: mais il eſt quaſi impoſſible de les appliquer & amener en vſage des communs praticiens, car vng chaſcun pays ou nation à ſa maniere d'instrumentz, comme nous enſeignerons tantost cy apres, quand on traittera des fractures de la teſte: toutesſoys il fault qu'vng chaſcun obſerue & aye eſgard à eſlire pour ceſte affaire instrument qui puiſſe tenir les os fermes, & qui ne leur puiſſe faire douleur.

Glosſocomion:

L

# Des differences des plages en la teste, & de leur curation.



A couuerture du cerueau, laquelle est appellée des grez cranion, & des latins 'caluaria, est pour ceste cause composée de plusieurs os, afin que si quelque foys il est rompu, les fractures ne paruiennent par tout luy : mais que plus tost cessent & soient retenues aux parties, ausquelles cesse pareillement l'os frappé: parquoy ilz sont diuerfes especes de fractures de la teste, lesquelles Paulus agneta au sixiesme liure a redigées au nombre de six ainsi qu'il s'ensuyt, Rhogme c'est à dire fissure etcoppe ou excision, Ecpesima, c'est effraction: Engisoma qui est appropinquation des parties par quelque vehement coup: camarosis c'est testudinatio. Sextement Thlasis aux petis enfans n'est pas proprement fracture, mais impulsion de l'os du crane au dedans, dont demeure vne cauité, ainsi qu'on void estre faicte en plomb ou estaing: & ainsi ces especes sont six en tout, vne chacune desquelles a sa propre maniere & raison d'estre curée, neantmoins qu'en toutes il ya vne cōmune methode, ce qu'on entendra par

Au .9. liure  
de vsu pa-  
tium,

la curation de la plage, qui est dicte rhogme: car elle peult seulement penetrer la premiere table de l'os; ou aussi la seconde, iusques à la dure mere: mais en l'une & l'autre on fera la cure en ceste maniere. Apres auoir rasé la teste sur la plage, tu inciseras deux lignes s'entretrenchantes en angles droictz, & representates la figure de X. lettre grecque (Il fault que l'une d'icelle soit celle qui ayë desia precedé) puis en escorchant les quatre angles, au sommet de la teste, affin que l'os blessé apparoiſſe nud: mais si le sang efflue on le reprimera auec lige taët en oxycratum, ou quelque autre chose de semblable efficace, le lendemain si quelque accident ne t'empesche tu t'empescheras de percer l'os vicié auecques vne petite tariere (que les Francoys appellent trepenne) ou premierement auecques cousteau incisoir fort large (si la plage penetre seulement à la seconde table). Secondement auecques plus estroict, sera leué ce qui aura esté trenché: Puis apres, & au commencement & à la fin fauldra vſer de medicamentz dessicatifz, lesquelz pource qu'ilz suruiennent à telles dispositions, sont appelez cephaliques, c'est à dire capitaulx, ilz sont composez ex tri erui farina, manna thuris, aristobolia, panaces radicis, corticæ: & s'ont erement

Paulus Aeg.  
ginata ad  
6. liure:

Les medica-  
mentz ce-  
phaliques

de toutes choses qui desseichent sans corrosion, la matiere desquelz est abondamment trouuée aux liures de simplicibus medicamentis, & la composition aux liures de medicamentorum compositione: principalement au second liure, la ou communement sont escriptz les remedes des os de la teste.

## De la curation des fractures & contusions du crane, & de quelz instrumentz on y doibt vser.



Nous auons iusques icy traicté des choses qui sont communes à produire chair en toutes fractures: mais maintenant fault dire des simples fractures qui penetrent iusques au tays du cerueau, ausquelles fault appliquer cousteau ou instrumēt incisoir estroict: mais si elles sont avecques quelque cōuulsio; Lors ce qui est contus doibt estre trenché avecques les tarières, que par cy deuant auons appellées trepenes: mais on ne les applique qu'avecques danger: car souuentefois elles violent & corrompent la dure

raye, qui est suspendue à l'os & esbranlent la teste, qui demande totalement repos quand on la cure. La description & forme de ces rebelles est vulgairement cogneue aux chirurgiens: mais ceulx de nostre temps ne cognoissent pas les cyclicques de Hypocrates: car vng chascun vse à son plaisir de diuers instrumentz à curer. La contusion des os, tant du crane que d'autres parties, desquelz tu pourras trouuer la meilleure part paincte au vif dedans le liure de Guido chirurgien. Parquoy il te fault la adreſſer: car il est expedient de traicter icy la curation, & nō pas les instrumentz: car ce qui est grandemēt froissé, il le fault tout oster, mais si de luy se produisent loing quelques fragmentz ou esquilles, il ne les fault pas poursuyure iusques à la fin: car de ce ne s'ensuyura aucun vice ou detrimēt, si toutes aultres choses sont deuement administrées: mais nous auons desia mōstré qu'es aultres fractures des parties, il fault vſer de ligatures pour empescher les inflammations & la fluxion d'humour: mais tu ne les scauroys du tout bien & deuement faire n'adapter à la teste, parquoy ce qui y afflue ne peult estre reprimé, ne ce qui est desia la assemblé ne peult estre exprimé, sans lesquelz aides aussi nul des aultres os ne peult estre conserué ne garenty.

Entendz'doncques en peu de parolles, comment il fault empescher que ces choses ne aduennent en la teste, veu qu'on n'y peult faire ligatures, & la sanie descend en bas, tellement qu'elle s'assemble toute sur la dure membrane. Tu metteras premierement à nud quelque partie de la fracture, afin que tu puisses essuyer & nettoyer la sanie d'auecques la membrane : Mais quand il n'y aura plus de crainte d'inflammation, & que toutes choses seront bien deuement seichées, il faudra lors produire chair, & faire cicatrizer le lieu : Mais en ceste cure (ainsi comme aux aultres) l'essence de la partie, la situation, & la proximité du crane conferent beaucoup, ainsi que tu peulx tresbien & facilement entendre par ce seul exemple de Galien : Car par ceste raison qui s'ensuyt, il cure l'oz bregmatis froissé, il a trenché, & osté l'oz au dessus de la teste, combien que au parauant il eust pensé d'oster celuy qui est au costé, afin que la sanie s'escoulast plus promptement : Mais apres qu'il luy fut venu en memoire que pource que cest oz est espes, & si dur que de la on l'appelle petreux, il ne pourroit estre trenché sans fort concuter & esbranler le cerueau,

& que apres ledict oz trenché, le cerueau qui l'a fort, luy adhere fortiroit hors & apparoistroit, & pource aussi que la prennent leur origine certains nerfz, qui à la verité ne sont pas de petite consequence, ou estime. Mais qu'aux superieures parties de la teste n'en naist ne prouient pas vng seul tant soit petit, il a lors estimé qu'il seroit meilleur que la sanie (qui par aultre moyen pourroit bien estre dessiechée) tumbast sur la membrane, qu'ainsi concuter, & si fort esbranler le cerueau. Mais apres que l'oz est percé, metz toute cure & diligence d'appliquer à la partie medicamentz fort dessicatifz, desquelz tu as grande multitude aux liures de leur composition, & en Scribonius Largus, dont nous en auons escript vng en la troysiesme Perioche, duquel vsoit heureusement Meges fidonyus Chirurgien: Car on les applique, & met on à la membrane nue, & sur elle par dehors oximel: Car considéré que ceste partie est seiche de son essence, certes ce n'est pas merueille si deuant que elle soit enflammée, elle s'eslouyst, & requerre fort de medicamentz dessicatifz.

L iiii

Mais il faut icy finir la disputation & trai-  
 cté de curer les communes maladies : car  
 en la sequente Perioche, nous en-  
 seignerons à curer, selon  
 Galien, les simples di-  
 spositions seule-  
 ment par l'ex-  
 emple  
 de  
 l'estomach.

**Fin de la sixiesme  
 Perioche.**

Perioche du septiesme Li-  
ure de la Methode  
Therapeuticque  
de Galien.

La maniere de curer gene-  
ralement , & particuliere-  
ment toute intemperature.



E qu'auons cy dessus traicté par  
exercice, comment on doit cu-  
rer maladie commune, ou solu-  
tion de cōtinuité soit assez pour  
le present. Parquoy il reste consequemment  
de traicter aussi semblablement la maniere &  
raison de curer toute intemperature qui occu-  
pe, ou tout le corps ensemble, ou quelque par-  
tie seulement, ce qui est icy proposé. & assç que  
toutes ces choses soient clairement cogneues,  
nous comencerons à l'estomach sec, puis à la  
fin viendrons aux aultres intemperatures,  
tāt pures & simples que faictes par vice d'hu

Intempera-  
ture est ma-  
ladie des  
parties sim-  
ples

meur, lesquelles de rechef diuifées en leurs differences, ont chascune leur maniere d'estre curées, & ceste maladie (comme par cy deuant a esté dict) est des parties similaires: car considéré que leur essence consiste en commodation de chauld, froid, sec & humide. C'est chose necessaire que leur maladie est immoderation, ou indeue temperature. Parquoy nous fault icy de nouveau requérir la cognoissance des elementz, ou autrement on ne pourroit en maniere quelconque acquerir la raison de curer: car qui est celuy (ie te prie) qui guarira l'ibecillité de l'estomach, & des aultres parties, & ne cognoistra que la cause est grande intemperature: car certes quād aucuns rationnelz alleguent bien l'imbecillité des parties quant à faire leurs actions naturelles: mais ilz n'en dient point la cause, ilz ne me semble, à la verité, riens sentir ne scauoir d'aduantaige que quelque vulgaire, veu qu'ilz ne declairent incontinent la cause de cela. Parquoy si quelqu'vng veult curer par droicte voye, il doit chercher, & trouuer les causes des actions, tant naturelles que contre nature: Car quand la partie est disposée selon la moderation de nature elle n'est pas imbecille à sa propre action: Mais c'est quand il luy est suruenü quelque cause

qui soit du tout contre nature, & qui l'a corrompue, abbatue, & rendue comme morte: laquelle certes celuy ne cognoist pas qui n'a entiere cognoissance des humeurs & communs ele nentz, desquelz toute la sequente disputation traictera & finira. Or il engendrent à vne chascune partie similaire certaine vertu & puissance, dont à toutes sont produictes leurs propres actions: lesquelles sont d'autant différentes entre soy comme vne partie est différente des autres en ce qu'elle est ou plus chaulde ou plus froide ou plus humyde ou plus seiche, ou finalement pource qu'elle est plus disposée de deux d'icelles temperatures composées ensemble. Car qui veult deffendre & garder l'action, il fault qu'il conserue la temperature des parties, il la garde & conserue si en reduysant ce qui a excédé en chaleur, froidur, humydité ou seicheresse, il tempere par contraires iusques à ce qu'il aye rendu la partie en sa commodation ou disposition naturelle. Et ainsi il me semble que la methode de curer en general toutes les maladies qui consistent en parties con-similaires est desia dicté. Mais le remede particulier est faict & constitué en ces deux choses, C'est assauoir coppie & presence

D'ou sont  
les facultez  
naturelles.

La maniere  
de garder  
l'action.

de' matiere & conuenable vſaige d'icelle. Mais tu pourras congnoiſtre la coppie des medicamentz, tant en liſant les liures des ſimples que ceulx de leur compoſition. Et icy tu apprendras la maniere conuenable d'en vſer. Et auſſi les choſes qui appartiennent au regime du viure. D'aduantage comment tu doibz cōgnoiſtre l'intemperature d'une chascune maladie, tu le verras & entendras premierement, aux liures des temperatures. Secondement aux liures de la congnoiſſance des lieux mal diſpoſez, Et puis au liure qui eſt intitulé l'art de medecine ſignammēt au ſecond, Leſquelles choſes peuuent comme par la main mener vng chascū, encores qu'il ſoit hebeté à la curation de tous genres de maladies, & principalement celuy qui eſt en raiſon exercité. Mais pource que les choſes qu'on eſcript, ainſi que dict Plato, viennent aulcunes fois entre les mains de ceulx qui fuyans labour deſirent exemples, il m'a ſemblé eſtre bon d'en adiouſter quelques particuliers, par leſquelz on puiſſe incōtinent clairement entendre ce que n'agueres eſt dict. Et cōmencerons, comme auons parcy deuāt propoſé, à l'eſtomach imbecille & debile. Au quel l'empirique & celuy qui veult curer ſas aulcune raiſon & ſans diſtinction des diſpoſitions prepare par dehors & par dedans me-

De quelz  
lieux on  
peult co-  
gnoiſtre la  
quantité de  
l'intempera-  
ture,

dicamentz amers & adstrictifz, car il baille à boire & deuorer vin austere, absinthe, ius de coings & aultres semblables choses. Et par dehors il oingt l'estomach d'huile d'absinthe, de mastich, de coings, tant à part eulx seulz que meslez auecques cire. Apres lesquels aulcunes fois succedēt epithimes composez de plusieurs drogues aromatiques comme sont Spica Nardi, Calamus Aromaticus, Iris, Ladanum, Malabatri Folium, Stirax, Bdellium, Opobalsamum, Xilobalsamum, & aultres aromatiques. Mais si l'empiricque veoit que rien de cela proffite, à la fin il applique le commun remede de tous à ceulx qui ont imbecillité. C'est auoir rubrificatiō qui est faicte ou par l'herbe dicte Thapsia, ou par Sinapi, ou quelque aultre telle chose. Puis il a de coustume les enuoyer à vser de baing d'eau chaude, Car les empiriques ne scauent rien oultre cela. Mais les dogmatiques entendent par raison qu'il ya huit curatiōs de l'estomach imbecille & debile. Car nous veoyons souuentefois aucuns qui auoient l'estomach trop chault en beuuant eau froide auoir esté allegiz & aidez en vng iour ou plustost en vne heure. Aufquelz nous donnerons opportunement eau refrigerée en neige & aultres viandes semblablement refrigerées comme est creme dicte des

La maniere de curer toute imbecillité du ventre curé selon les empiriques.

Greçz aphrogala (les Romains l'appellent fleur ou escume de laict) & aussi fructz de temperature froide, en nous proposant vng scope ou intention qui est refrigeration.

Mais s'il fault eschauffer, nous ordonneros vin vieulx & toutes viandes de nature chauldes, & finablement frictions. Ainsi pareillement nous corrigerons la temperature humide par viandes dessiccatives, par peu boire & par vsage de tous astringentz. Mais nous curerons la seiche par raison du tout contraire à celle que nous auons dicté vng peu cy deuant quand nous parlions de la maniere de curer qu'ont les empiricques, Côme auoit fait

Galien en celuy qu'ilz auoient pris

à curer. Laquelle chose

nous adiouterons

à part, affin

que tou-

tes

choses soient à vng cha-

scun cogneues.

De la seiche intemperature de l'estomach faicte par cōsumption de la substance roside.

**I**L est expedient de maintenant escrire les meditations de trouuer matiere particuliere par les huit indications curatiues en commenceant à l'estomach sec comme parcy deuant auons proposé. Car on cure treffacilement les alterations tant froides que chaudes, pource que principalemēt elles sont corrigées par qualitez actiues, mais les seiches & humides sont plus difficiles à corriger, pource que leur curation est parfaite par imbecilles & (affin que ie die ainsi) par plus materielles qualitez, & principalement quand il fault humecter, car chaleur & froideur sont reparez quasi en temps pareil, toutesfois la seureté est impareille. Car à la verité froideur ne fait pas peu de dommage aux parties qui en sont saisies si elles ne sont pleinement fortes. Mais il est requis beaucoup plus de temps en seiche temperature que aux aultres. Car ce qui est en vieillesse à ceulx qui sōt sains, cela est seiche intēperature aux malades. Parquoy elle est pareillemēt incurable, si totalement elle est consumée comme quand la substance solide des parties similaires est rendue plus seiche. Mais il se fait vne aultre seicheresse, quand la substance, qui est

faicte de concretion se liquifie & fond comme est la chair & la gresse. Mais la tierce seicheresse se faict quand l'humidité influente ainsi appellée, est consumée laquelle est contenue comme en lieu de rosée aux petites espaces vuides, pour la nourriture des parties solides: finalement la quarte seicheresse se faict par deffault du sang contenu es petites veines des parties, laquelle est facilement curée par boire & manger. Mais celle par qui le nourrissement des parties solides est consumé, est la plus difficile de toutes à curer comme celle qui est faicte par cōsūption de l'humidité cōglutināte & liaute les parties similaires (ainsi qu'auons desia dict) ne peult par aucune raison ou moyen estre restaurée. Mais elle peult bien estre prolongée parvng docte & industrieux medecin. A toutes les seicheresses est treffort contraire vser de choses austeres soient bruaiges, viandes ou medicamentz. Pource qu'elles peuuent destruyre & consumer ce que reste de l'humeur naturel, partie en le seichant & tirant à soy, partie en le exprimant & partie en le poulant aux parties prochaines. Parquoy tu dilateras les conduictz estrainctz si tu veulx bien & heureusement curer & reuocqueras par reuulsion ce qui est ia poulcé aux parties voyfines. D'auātaige moyénāt l'aide du nourrisse

ment humectant tu rempliras de propre humidité vne chascune des parties similaires, cōme feist Galien en vng certain ieune homme duquel l'estomach & puis tout le corps estoit desia presque consumé de seicheresse, neantmoins qu'il n'auoit intemperature apparemment surmontante, quant à l'opposition qui consiste en chaleur & froideur. Parquoy en ceste curation failloit dresser toute son intention à humecter, veu que l'humidité roside estoit consumée. Par laquelle nous auons n'agueres dict que les parties solides sont nourries, laquelle de rechef comme elle est plus difficile à curer que toutes les autres seichereses, ainsi Galien pour la

curer, a aussi mis tresgran

de diligence, Ce

que pareil-

ment a-

uons

icy transcript du septiesme liure

de la methode.

Histoire de la curation de  
l'estomach quasi ia consu-  
mé de seicheresse.

M



E ieune homme icy estant rendu  
 maigre pour l'imbecilie conco-  
 ction de l'estomach, fut bien &  
 deuement curé, non pas par se-  
 cours de medicamentz (car sa maladie estoit  
 de consumption de l'humeur nourrissant les  
 parties, Parquoy luy failloit plustost ordon-  
 ner & bailler exquisite raison de viure). Mais  
 par aide des choses naturelles declinantes à  
 humectacion & principalement par medio-  
 cre boire & manger, & aussi par exercice cō-  
 me est baing ou par moyēne friction d'aduā-  
 taige aussi par dormir, & par repos tant d'e-  
 sperit que de corps, & par preparation d'air  
 temperé. Toutes lesquelles choses nous met-  
 trons à part soy icy par ordre, & toutesfois  
 les amenerons de Galien en commenceant  
 premieremēt au baing, il luy prepara donc-  
 ques vne maison fort pres du baing, de la-  
 quelle au matin il le portoit sur linges dedās  
 le baing d'eau douce, & du tout tiede &  
 luy permist d'estre fort longuemēt dedans  
 affin que par ce moyē les mēbres qui estoient  
 ridez de seicheresse se relaschassent peu à peu  
 ce qui se faiēt par la qualité d'eau temperée.  
 Mais elle qui est trop chaulde ou trop froide  
 bousche & cōstippe les pores de la peau & la  
 faiēt ridée cōme cuir conroyé. Mais on doit  
 aussi noter qu'il fault mener telz malades

paratiō  
 aing.

ainsi disposez deux ou trois fois le iour de<sup>2</sup>  
 dans le baing en delaisant entre deux remis-  
 sion d'environ quatre heures equinoctiales  
 ou les y mener plus souuent si le baing les  
 delecte. Apres ce baing incontinent luy bail-  
 la du laiët d'anesse, pource qu'entre tous Icy on luy  
 genres de laiët, à cause de sa substance subtil baille du  
 le, il nourrist plus soubdainement & ne de- laiët.  
 meure gueres au ventre ne hipocondres.  
 Mais il le fault bailler au patient (comme il  
 fault tout aultre) nouuellement tiré de l'ani-  
 mant. Et Galien conseille (s'il est possible  
 que le patient le succe & tire ou de L'anesse  
 mesme ou du pompellon de la femme. Car  
 il accoustume de soy muer & alterer fort tost  
 quand il yst hors de ses vaisseaulx comme  
 faiët pareillement la semence genitale. Et  
 fault aussi donner ordre qu'il soit tresbon  
 en substance & qualité, en substance qu'il ne  
 soit pas trop aqueux ne trop gras aussi ou ti-  
 rât à beurre. Mais que ses parties soient sem-  
 blables tant qu'il est possible, mais en quali-  
 té qu'il soit fort doux & blanc comme il  
 fault que laiët soit & que finablement il ne  
 represente aucune estrange. qualité soit en  
 goust ou odeur. Toutes lesquelles choses  
 pour certain se feroient ainsi si l'animât est  
 nourry de bons & ydoines nourrissementz.

lesquelz il puyſſe parfaictement digerer: & auſſi ſ'il eſt d'aage florissant & qu'il ſoit mediocrement exercité, & qu'on luy oſte ſon petit poulain ſ'il en alaiſte quelqu'vng. Mais ie ne racompteray pas maintenant entiere- ment ces choſes, tant pource que de noſtre temps on ne met pas telle diligence à nourrir les anymaulx que auſſi pource qu'on le peult veoir plus amplemēt audict lieu qu'en traiſte Galien, Car il ſuffiſt d'auoir entendu que le laiſt tresbon tel que maintenant l'a- uons deſcript proffite à telles maladies & diſpoſitions tāt à part ſoy qu'en y meſlant quel que bien peu de miel tiede: lequel pareille- ment ſoit tresbon en ſubſtance & qualité & qu'il ſoit en toute partie coherent & ſembla- ble à ſoymeſme: & que quand on le lieue a- uecques le doigt qu'il demeure ferme perti- nēment cōme faiſt glux ou colle, & qu'il ne decoule point en terre, & finalement qu'il ne ſoit trop gros ou eſpes: car ainſi il ſe- roit trop occupé de cire. Et auſſi qu'il ne ſoit trop clair ou liquide: car il ſeroit trop abon- dant en excrementz, mais il fault qu'il ſoit moyen entre les deux excès, & d'auantaige qu'il ſoit iaulne ē couleur & doux ē odeur, ſans ſentir l'odeur de thyn ne de quelque aultre choſe eſtrange. Et finalement qu'il aye gouſt ioyeux, agreable & acut. Et luy

La nature  
du miel.

en ceste maniere meslé avecques le laiët en-  
gardera certes que le laiët ne se caille en l'e-  
stomach, & qui plustost haïtera la distribu-  
tion du nourrissement par tout le corps vers  
toutes les parties. Mais iusques icy a esté la-  
ué ce patient & nourry de laiët & de miel.  
Parquoy il reste qu'il se repose iusques à la se-  
côde lauauion. Lequel Galien frota moyëne  
mët & avecques huylle. Toutesfois ce fut  
apres que le laiët qu'il auoit pris & mengé  
fut tresbien digeré & qu'on peult facilement  
cognoistre par roët & enfleure ou grandeur  
de l'estomach. Il est doncques bon & raison-  
nable de ainsi oyndre l'homme telement  
disposé apres vne chascune lauauion deuant  
qu'il se veïste, car cela luy proffite beaucoup  
pour le restaurer & remettre sus comme  
aussy faiët le frottement. Car soit que tu luy  
verfes eue temperée sur chascune partie  
du corps, ou que tu le frottes ou laues ou  
que aultrement tu l'eschauffes en quelque  
maniere. Premièrement le corps s'en en-  
fle & eslieue comme aussy diët Hippocrates  
puis tost apres se rend gracile. Quand donc-  
ques nous voulons remplir de chair quel-  
que corps, il nous le fault par tant de temps  
eschauffer qu'il se commence à esleuer &  
enfler. Mais quand nous le voulons di-

Le patient  
est frotté a-  
uecques  
huille.

minuer & auacuer : Il fault tant continuer à l'eschauffer, que ce qui estoit enflé. ce baïsse & diminue, Il fault doncques diligemment obseruer & prendre garde que l'articule du temps qu'il propose ne se patie sans ton sceu, c'est à dire que ce qui s'estoit legerement esleué & enflé ne se desenslé soudainement apres, & qu'il ne s'euacue. Si doncques tu frottes parfaictement l'homme extrememēt gracile, te suffise luy auoir excité rougeur, ou si tu le laues, te suffise moyenne chaleur : car si tu passes oultre cela, tu resouldras & plus tost diminuras l'homme que tu ne le nourriras. Oultre plus c'est chose certaine que pour deux raisons il fault oindre le corps incontinent apres le baing: c'est assauoir la premiere, affin qu'il ne se diminue ou euacue plus que de raison: mais que les petis pores du cuyr soient bouchez. La seconde affin que l'huile par sa lenteur ou tardité soit comme muniment & deffense à l'encontre de l'incommo dité, & dommaige qui aduiét de l'air ambiāt, & ainsi finablement fault traicter le patient; iusques à la seconde lanation, apres laquelle, luy fault de rechef bailler du lait, sinon qu'il luy feust contre cuer : ou aultrement luy donnerons orge mondé fort bien cuyt, ou chauldeau à humer faict de fourment, & preparé en maniere d'orge

mondé: & puis apres qu'il aura reposé, le  
fauldra remener à la tierce lauacion ou  
soubdainement droict au soupper, duquel  
reste descripte par ordre les viandes &  
le boire, & aussi l'ordre & quantité d'i-  
ceulx.

## De la viande & du boire de ce patient,

Luy a préparé pain pur, comme  
celuy qui est fait de fine fleur  
de fourment, & est dict en latin  
filigineus, & en grec semidalites:  
mais il estoit cuyt en four priué,  
& non pas en four publique, ou four à ban:  
car celuy qui est cuyt en four à ban est plus  
cuyt & desseiché par dedans, & l'autre l'est  
moins: mais en ce pain la y auoit du sel  
& du leuain suffisamment, puis luy or-  
donna viande facile à digerer, nourris-  
sante, & qui n'engendre point gros ou glu-  
tineux excremēt, come sont les genitoires &  
aëles des coqz, petis passereaulx des buissons

ou montaignes, perdrix, cailles, tourdz, & finalement tous aultres petis oyseaulx qui sont de chair molle, & plus tost conuerfians es montaignes que es marrestz & estangs: car ilz sont faciles à digerer & nourrissent: mais non pas si amplement que la chair de porc, car les choses qui nourrissent fort & amplement sont de grosse substance, & ainsi sont de plus difficile digestion, & requierent plus grande chaleur naturelle, qui est le principal autheur de toutes les facultez: Parquoy veu qu'en ceste maladie telle chaleur est fort petite, & quasi l'anguissante, on donnera viandes qui nourrissent peu & facilement: mais non pas puissamment & amplement, neantmoins que cela seroit tresbón, comme est le vin blanc petit & acqueux qui porte peu d'eau: mais qu'il soit vng petit stiptique ou astritif, lequel est fort commode & bon à ceste seicheresse: car il n'est pas imbecille ne foible comme l'eau, & si n'a pas en soy le vice de vin fort & vineux qui blesse les vertus foibles. D'aduantaige il ne doit pas estre nouueau d'age: car ainsi il seroit plus acqueux, & de plus d'excrementz que qu'il peust seruir à ce propos: & celuy qui est fort vieulx est plus vineux, & plus chaud qu'il ne doit icy estre: Parquoy il doit estre moyen d'age, mais si tu n'en as point

de tel, en ayant esgard à ces fins, tu le tem-  
pereras avecques caue, laquelle toutesfoys  
soit sans aucun vice qui depend de sa frigi-  
dité, au moyen de laquelle elle demeure fort  
long temps es flantz, & engendre ventz &  
fluctuatiōs, elle dissout la force del'estomach  
& ne profite pas beaucoup à distribuer le  
nourrissement par le corps, ausquelz vices  
sont pour vray du tout contraires les vins,  
dont cy deuant auons faict mention, ilz  
desenflēt les flantz pleins & enflēz, Ilz aidēt  
à la concoctiō par leur chaleur mediocre: ilz  
hastent la distribution du nourrissement par  
le corps, & d'aduantage ilz engendrent bōs  
humeurs, & qui facilement peuuent estre meslez  
avecques ceulx qui sont contenuz es veines,  
& en l'estomach, & augmentent aussi la vertu  
des membres organicques, & promouent les  
sueurs vrines, & finablement tous excremētz:  
mais la mesure de boire soit telle qu'elle ne  
flote dedans l'estomach, & qu'elle ne donne  
sentiment d'aucune fluctuation, & celle  
des viandes soit telle qu'elle ne griefue  
l'estomach, ce que pour vray est difficile à  
cause de sa debilité: & puis il fault aussi di-  
ligemment euitier inflation & tension des  
flantz: car si des le premier iour il aduiēt au-  
cune chose telle, le lendemain selon la gran-  
deur ou quantité de tel accident, diminuer

Le vice des  
caue 4.

de la viande à l'esgalle portion: mais si toutes choses viennent à bien, il en fault vng peu bailler & adioust. r, comme il fault aussi en oster ou en adiouster au tiers iour, en ayant esgard au precedent: & fault ainsi tousiours administrer toutes choses selon la raison de refociller, renourrir & mettre sus le patient, tant en frictions que gestations & pourmenement, selon que procede l'accroissement du corps, & puis adiouster toutes les autres choses selon que requiert la maniere appellée reſectrice: laquelle certes ne differe point en genre d'aucques l'autre raison de viure proposée: mais en ce que foubz ceste là tout le corps est semblablement disposé, comme est foubz ceste cy l'estomach: mais il aduient que le corps est ainsi disposé, principalement en diurnes dispositions, comme quand l'humidité conioincte d'une chascune partie, dont elle est premierement nourrie, & quasi ia toute desſeichée & auacuée: laquelle encores qu'elle feust du tout consumée, peult bien estre regenerée par la raison de viure, que maintenant auos dict: mais la siccité des parties solides ne peult estre corrigée nō plus que vieillesse: mais il est bon d'escripre maintenant de quelle maniere & raison de nourrir il aye vſé en ce patient, retournant à conualeſcence;

Car premierement il l'a sollicité d'vser de fri-  
ctions, & gestations plus souuent que par-  
auant, & luy a pareillement augmenté la  
qualité & quantité des viandes. Et ainsi peu  
à peu la ramenée à sa maniere de viure ac-  
coustumée: Toutesfois il le nourrissoit deux  
fois le iour, ou plus: mais premierement il  
auoit esgard à l'espace de temps, si que quand  
il le nourrissoit pour la seconde fois ce qui a-  
uoit esté pris à la premiere estoit ia fort biē, &  
exactement digeré, ce qui ne peult adue-  
nir à nourrissement fort & puissant. Par-  
quoy il fault que non seulement ceulx qui  
sont ainsi disposez: Mais aussi les sains pre-  
nent en premier lieu, & pour la premie-  
re fois viandes legieres, C'est assauoir,  
affin qu'elle soit fort legerement, & tost  
digerée, & que son excrement se euacue &  
que son estomach soit vuide & pur quand  
il prendra le second nourrissement. Et pour  
cette cause soit le soupper plus liberal, &  
plus puissant que le disner. Pource que  
tant le dormir que le repos (qui reuoc-  
quent la chaleur aux flantz & au ventre)  
que le tēps assez lōg suyuet la naturelle admi-  
nistration de ce soupper. Mais on ne obserue  
pas cela en nostre tēps maïtenāt: pource que  
nous sōes trop intēperēz & pouōs beaucoup

Le regime  
du viure de  
ce patient, re-  
tournant à  
santé

on li nōt  
d'vser de fri-  
ctions & ges-  
tations plus  
souuent que par-  
auant

La viande  
legere doit  
estre prise  
deuant les  
autres

àcceuillir d'humeurs crudz , qui demandent  
 estre cuytz , & digerez la nuit en soy repo-  
 sant, dont il aduient que souuentesfoys les  
 medecins ordonnent à plusieurs de soupper  
 plus sobrement, & petitement , affin qu'ilz  
 ne tumbent, ou en plenitude qui est trop grã  
 de quantité d'humeurs, ou en cacochmie qui  
 est mauuaise qualité d'humeurs: D'aduantage  
 il fault noter que telz retournantz à con-  
 ualescence, ne doibuent pas boyre inconti-  
 nent apres soupper , sinon qu'ilz eussent si  
 grand soif que le peril d'aridité nous sollici-  
 tast autrement à leur bailler quelque bien  
 petit de vin qui leur appaisast tel desir de boi-  
 re: Mais apres qu'ilz auront bien digéré  
 leur nourrissement , il les fault laisser boi-  
 re abondamment & à suffisance . Puis au  
 matin si le patient a eu quelque benefice de  
 ventre , & qu'il aye vng peu cheminé , il le  
 fault aussi frotter vng peu iusques à tant  
 que le corps luy eschauffe , puis incontinent  
 fault vsfer de gestations, & puis de rechef le  
 lauer, & aussi frotter iusques à ce que ce pen-  
 dant vienne le vespre quand le fault pa-  
 reillement nourrir : Mais pource que tous  
 ne sont pas accoustumez à vne mesme e-  
 spece de viure , d'autant que les vngz ont  
 accoustumé de menger deux fois le iour,  
 les autres plus souuent , ou moins , & les

Qu'il ne  
 boire incō-  
 tinēt apres  
 soupper

vngz de boire chauld , & les aultres de boire froid : il fault ramener le patient aux choses qu'il à accoustumées, selon que raison demonstra: mais apart sera traicté de coustume, laquelle aussi n'est pas peu profitable, tant pour la raison de viure , que pour celle des medicamentz : finalement il fault veoir & considerer les proprietiez des natures desquelles on ne se doit eslongner : car ilz sont aucuns que si pour quelque cause ont vng peu trop long temps veillé, ilz ne peuvent du tout dormir apres . Parquoy on les doit garder de boire, comme par chascun iour on en veoit qui fuyent ce boire & menger: parquoy on ne les y doit inuiter. d'aduantage ilz sont aucuns qui digerent bien & facilement la chair de bœuf, qui toutesfoys seroit aux aultres difficile à digerer . Mais la coppie & faculté de la matiere qui appartient au viure est prise, non seulement de ces choses prediçtes : mais aussi de la region & du temps , & ainsi finalement est traicté par methode la curation de l'estomach sec, laquelle doit estre generalement semblable quand le cueur, ou le foye, ou aussi tout le corps sera ainsi disposé; desquelles parties prouient à la fin marasmus (qui est corruption par seiche-

Reduictz  
le patient  
aux choses  
accoustu-  
mées.

reſſe du corps viſ) & d'autant prouient il plus promptement que la partie ainſi mal diſpoſee eſt de plus grande dignité.

De mediocre froideur, ioin  
cte avecques grande  
ſeichereſſe.

**O**R maintenant eſt propoſee vne  
intemperature compoſee moyen-  
nement chaulde, & grandement  
ſeiche, dont il ya double inten-  
tion de la curation: car il la fault humecter,  
& mediocrement eſchauffer. Parquoy fault  
diligemment conſiderer & obſeruer qu'au  
medicament humide ne ſoit grande chaleur  
conioincte, qui puiſſe conſumer l'humeur:  
mais la quantité du vice en vne chaſcune in-  
temperature peult monſtrer la voye pour l'in-  
tention de la matiere: car la curation de ſei-  
chereſſe nagueres par cy deuant a ſignam-  
ment demonſtre cela, mais les moyennes  
n'ont pas beſoing de ſi ſcrupuleuſe raiſon

de viure, pource que les vertus ne leur sont pas totalement delectées, ou debilitées: Car pour ceste cause est difficile la curation de forte seicheresse, pource que le corps qu'on doit refaire & mettre sus est trop foible & debile, lequel certes quand est moyennement desseiché, & les vertus ne sont descheuttes, il demande estre plus amplement nourry: doncques en ceste constitution nous humecterons ainsi que par cy deuant a esté dict: mais aux choses susdictes, il faudra tant mesler de matiere eschauffante, comme la partie est declinée à froydeur. Soit doncques miel en plus d'abondance, & le vin plus chauld, & plus vieil. Et fault aussi que toutes choses tenant plus à chaleur tant potentielle qu'actuelle. Puis pour le dehors fault preparer, ou vnguentz, ou cyroines faictz d'huylle de coïgz, ou de mastich, ou de huylle nardin, affin que le ventre ne demeure sec, auquel profitera fort bien fil, ou laine de pourpre applicqué dessus, pource que elle eschauffe moyennement & restrainct: Car les medicamentz qui sont trop chaultz relaschent trop les pores, & trop euaporent les humeurs: mais ceulx qui sont & puissamment restrainct, desseichent oultre mesure, & sont froidz, c'est assauoir les acerbès. Parquoy ce qui est composé des deux ensemble,

certes il eschauffe moins que l'autre seul  
 mais il ne desseiche pas moins que tous les  
 deux, car quand quelque partie est fort oc-  
 cupée & faibie de froideur & seicheresse en-  
 semble, lors est fort difficile la maniere  
 de curer, veu que telle disposition n'est  
 quasi aultre chose qu'une certaine vieilles-  
 se corrumpee & languissante: Mais il fault  
 commencer par les medicamentz cy deuât  
 dictz, C'est assauoir en prenant huille nar-  
 din, ou de mastich, & la recepuant en  
 pourpre l'appliquer à l'estomach: Et fault  
 amplement donner avecques laiët miel, dont  
 on aura osté l'escume, ce qui est pour cer-  
 tain nourrissement fort conuenable à ceste  
 disposition, comme aussi est il aux vieil-  
 les gens: Et fault eslire pareillement vin  
 vieulx, voire d'autant qu'il yaura plus gran-  
 de frigidité, d'autant doit il estre plus  
 vieulx. Certainement à tous telz seroyt  
 bon le medicament duquel vsent pour re-  
 nutrition ceulx qui oignent de poix, dict  
 en latin picatores: mais il fault atant e-  
 schaulfer que la chaleur de l'estomach se  
 augmentent, nonpas en qualité: mais en  
 substance, ce que faict ceste raison de vi-  
 ure, & principalement le vin, finablement  
 quant aux choses qu'on applique par de-  
 hors il seroit tresbon de coucher avec

ques le patient vng petit enfant , ou quel-  
 que petit chien , ou quelque aultre chose  
 de bonne temperature qui demourast io-  
 inct fort pres de son estomach , afin que  
 par la proximité de telle chaleur, se au-  
 gmentast la faculté concocrice dudiect e-  
 stomach . Toutesfoys tu eueras fomen-  
 tations chauldes qui sont seiches ,  
 & aussi celles qui sont chaul-  
 des & humydes gran-  
 dement , &  
 iusques  
 icy  
 soit assez dict  
 de ceste compo-  
 sition de intemperature.

De intemperature chaul-  
 de & seiche

N

P

Vis soit à la susdicte seiche-  
 resse adiousté chaleur nō fort  
 grande qui affligeast l'esto-  
 mach de ceste intempera-  
 ture ainsi composée, certes  
 la curation, quant à la seiche-  
 resse sera celle qui nagueres cy deuant a e-  
 sté escripte : Toutesfoys on ne donnera  
 point vin vineux, mais fort acqueux, & qui  
 soit actuellement froid, tellement qu'en  
 esté temps, il fault que toutes les viandes  
 approchent fort à la froydeur quel'eau de  
 fontaine a en prin temps, & en aultre fai-  
 son il fault donner viandes soubz telle cha-  
 leur tepide qu'a le laiët: nous luy oingdrons  
 l'estomach, ou avecques huylle de coingz,  
 ou avecques huylle creud: Et puis finable-  
 ment luy preparerons choses froydes & hu-  
 mides en nous persuadant que telle dispo-  
 sition est froide par proportion: mais d'ad-  
 vantaige plusieurs sont trompez en cela mes-  
 mes cuydant que telz patientz ayent la  
 siebure, pource qu'ilz ont plusieurs acci-  
 dentz de siebure ensemble, comme soit ve-  
 hement & appetit perdu, & plusieurs aul-  
 tres: dont mesmement ont esté quelque fois  
 deceuz les precepteurs de Galien, ainsi qu'il  
 refere, de laquelle disposition s'ensuyt icy  
 vng seul exemple pris de Galien quelqu'vng

Exēple par  
 hystoire.

âgé de .40. ans, moyen en grosseur & gracieux estoit grieuement vexé de soif, demandant eaue froyde tant qu'il pouoit, fuyant & reiectant la chaulde: ce que l'estomach auoit pris il le reiectoit troisiou quatre heures apres avecques l'eaue chaulde qu'il auoit beue, & ainsi rendu gracieux tumboit desia en peril iufques à ce qu'apres le mengier qu'il eut beu eaue froide à son plaisir, cessait du tout d'auoir soif: mais peu apres il en vomit grande partie, depuis il trembla par tout le corps, & le reste du iour avecques la nuict entiere il se tint en repos soy eschauffant des couuertes qui par deuant il iectoit par ardeur, & enuiron mynuict il iecta hors vne fois excrementz moyennement digerez, & par ainsi il n'eut plus ceste soif puis apres: Mais le lendemain il fut beaucoup plus coloré & plus ferme, & apres qu'il eut esté baigné sans offense, & qu'il eut vng peu repeu: lors son estomach digera mieulx que par cy deuant: Mais il se plaignoit de ce qu'a grande peine il aualloit ses viandes: Ce qui sembla estre à Galien, pource que le Sophagus auoit esté refrigeré par trop grand vsaige d'eaue froyde qu'il auoit beue, lequel accident nul ne sceut guarir. Parquoy quelque temps apres ce premier vice se mua en autre, dont il mourut: Mais apres que

au peril de ce miserable patient, Galien eust  
 esté plus scauant, il en guarist vng aultre ma-  
 lade de telle maladie. Premièrement en ap-  
 plicquant aux flantz & ventre medicamentz  
 refrigerantz, dont incontinent se relascha &  
 diminua l'ardeur de l'estomach : mais le pa-  
 tient respiroit comme vng astmaticque, ou  
 sousspeconnant. Parquoy quand il eut cogneu  
 que le diaphragme luy estoit refrigeré & a-  
 pres qu'il luy eut iecté hors les medicamentz  
 refrigeratifz, il oingnit le lieu avecques hu-  
 ylle chaulde iusques à tant qu'il recoutrast  
 son mouuement naturel, & depuis en refrige-  
 rant peu à peu, & applicquant ses medica-  
 mentz froidz depuis le diaphragme vers le  
 nombril il guarit l'homme. Toutesfoys  
 il luy bailla son boyre & men-  
 ger soubz froydeur d'eau  
 de fontaine.

De intemperature gran-  
 dement chaulde, avec-  
 ques humidité medio-  
 cre, ou avecques medio-  
 cre seicheresse.

Intemperature fort chaulde & moyennement humide, sera  
**L** à moins de craincte & peril curée par portion d'eauë froide: car d'elle ne seront point blefées les parties voyfines, veu qu'elles font en moyenne disposition: Car en dispositions seiches, les parties prochaines, & generallyment tout le corps deuiant & se rend plus gracille. Et aulcunesfoys ardeur si vehemente occupe l'estomach, qu'elle preuent iusques au cuer, dont l'homme en febricite, & ce vrayement à plus grand danger, pource qu'à l'humide & seiche intemperature de l'estomach est suruenue siebure: Mais la grande humidité qui afflige, ou avecques chaleur, ou avecques froydeur, ou toute seule est de toutes la plus facile à curer, C'est assauoir par la mesme raison que par cy deuant a esté dicté que les empiricques guarissent non seulement ceste cy: mais aussi les autres intemperatures, & les viâdes qui sans forte chaleur, ou froydeur, desseichent & l'espargne de boire accoustumé de chassēt seule mēt humidité, laquelle si elle est cōprinçte à chaleur, sera curée par vser de viandes & breuaiges astrictifz: mais qu'ilz soyent austeres sans vertu d'eschauffer: Mais les remedes de

Humidité trop grâde avecques autre disposition.

ce'le qui est cōioincte avecques froideur doi-  
 buent tous estre fortz & acres, auquelz soiēt  
 adioutez acerbz qui toutesfois ne soient  
 fort froictz. On donnera aussi à boire vng  
 peu de vin fort chauld & vieil. Et tous les  
 aultres remedes qu'on a de coustume applic-  
 quer par dehors doiuent pour certain estre  
 ordonnez selon la proportion du boire &  
 manger. Mais pource que de toutes choses a  
 ia este suffisamment traicté, il fault rememo-  
 rer ce qui a esté dict iulques icy. Doncques  
 l'interperature chaulde doit estre refrigerée  
 la froide eschauffée, l'humide doit estre des-  
 seichée, & la seiche humectée. Et si l'inter-  
 perature est composée de deux qualitez en-  
 semb e il y fault mesler le remede des deux.  
 D'auantage il fault scauoir que la pire de  
 toutes entre les simples est la seiche, & entre  
 les composées celle qui est seiche & froide.  
 Et icy finissent les interperatures de l'esto-  
 mach qui ne sont & ne prouiennent d'aul-  
 cun exterieur humeur superflu estre nour-  
 ris.

De l'interperature de  
 l'estomach par vice  
 d'humeur.

**R**Aison & experience demōstrent  
 & conferment que l'estomach  
 est la sentine & recevable de plu-  
 sieurs humeurs qui la y sont en-  
 gédrez, ou qui y influent d'ailleurs, dōt il ad-  
 uient souuent qu'il est vexé par diuerses in-  
 temperatures. Car tel humeur par quantité  
 ou qualité vicieux est cōtenu ou dedans l'e-  
 space dudict estomach ou il adhère à ses thu-  
 niques. Celuy qui est cōtenu en l'espace est  
 purgé par vomissemēt ou par deiection. Mais  
 l'autre doibt estre premieremēt attenué s'il  
 est gros, Et s'il est visqueux, doibt estre osté  
 & esuiyé d'avecques les thuniques & ainsi  
 coulant & receu dedans ledict espace vuide  
 sera euacué en la maniere predictē: lequel  
 certainement (comme a esté dict, selon la di-  
 sposition) apporte diuerses intemperatures,  
 C'est assauoir tantost chaulde ou froide tan-  
 tost humide ou seiche, ou quelque compo-  
 sition d'elles. Mais si l'humeur y conflue d'ail-  
 leurs on le doibt diligemment discerner,  
 Car apres que la cause est cogneue la curatiō  
 s'offre facilement. Souuentefois a esté mon-  
 stré que l'humeur redōdāt defflue d'une par-  
 tie en l'autre cōe du chef & du foye ou des  
 autres parties, il flue dedās l'estomach tel-  
 le dispositiō, il fault pourvray curer la partie  
 qui enuoye. Mais de l'estomach il en fault

à tant estre soigneux qu'il ne recoipue proprement les choses qui y confluent. Ce qui se fera tant par medicamentz astringentz comme l'on fait oustument au commencement de toutes defluxions que par ceulx qui peuvent restituer & conseruer la mediocrité de température. Premierement doncques il fault veoir en toute distillation si le corps est cacochymie ou plethorique, S'il est cacochyme il le fault curer, premierement avecques medicamentz purgatif. S'il est plethorique, il le fault euacuer ou avecques phlebotomie ou par aultre chose qui luy responde en efficace et vertu. Puis apres fault appliquer remedes à la partie, mais il aduient quel que fois que nulle de ces choses la, n'est la cause ou nourrissement de defluxion, parquoy fault auoir recours ailleurs & fault considerer quelque accoustumée excretion & naturelle expurgation comme sont hemorrhoides flux menstrual, & plusieurs aultres est point supprimée & cessée. Ou si quelque maladie qui par certains temps & periodes l'affligeoit, la print à ceste heure, la trouble & surprent, ou finalement si quelque membre a poit esté tréché qui des lors n'est poit nourry dont maintenant l'humeur ressiue en l'estomach: Lesquelles choses ainsi considerées, Si la defluxion prouient des parties

Se qu'il  
fault pre-  
mierement  
curer en tou-  
te distilla-  
tion.

Quelles  
choses peu-  
uent irriter  
fluxion.

de moindre dignité, tu la repousseras vers icelles. Mais si elle prouient de celles qui sont de plus grande dignité, lors tu pouruoyras aux deux ensemble en diminuant & ostant tousiours la disposition qui est cause de fluxion, ce qui se fera si nous reduisons toutes les parties du corps à bonne température & habitude, & si nous tendons tousiours fluxiles les expulsions naturelles. Oultre plus quand desia par plusieurs iours telles superfluités sot portées en l'estomach, Il acquiert souuēt quelque vice de leur malice. Parquoy tu bailleras tempestiuemēt à boire vng breuuaige d'absinthe ou le cirop qui en est fait & qu'on treuve assez maintenant, & aussi par legitime raison de viure, par friction & vntion reduiras l'estomach en sa premiere nature. Mais l'intemperature qui est engendrée par la mauuaise qualité de la fluxion si elle a duré peu de iours, facilement sera curée par medicamētz contraires. Mais si elle a beaucoup duré de temps, sera difficile à curer.

D'humeur vicieulx adherant aux tuniques de l'estomach, auquel profite la hierre.

**Q** Vand les tunicques de l'estomach  
 sont attainctes d'humeur vicieux, il  
 fault faire la curation par medica-  
 mētz qui ne penetrent pas trop pro-  
 fondement au corps de peur qu'ilz ne le ra-  
 uissent & portēt par tout le corps (de laquel  
 le chose Galien a traicté amplement au qua-  
 triefme liure de sanitate tuenda) comme est  
 hiera picra, car elle corrobore l'estomach &  
 les intestins, elle expelle l'humeur par astri-  
 ction, elle atténue & red fluydes (à cause des  
 drogues aromaticques qui entrent) les hu-  
 meurs qui sont contenues au chēf & aux pre-  
 mieres veines & finalement elle aide si no-  
 blemēt à toutes dispositions procedées d'hu-  
 meur phlegmatique, que la premiere potion  
 en à incōtinēnt guarý plusieurs, de laquelle  
 f'ésuyt la cōpositiō que tu peulx trouuer sou-  
 uent. Rec. cinamomi optimi, pilo aloes, asari.  
 spice, nardi, croci, mastiches, gūmose. an. 3. vi.  
 aloes lote dragma centū. si tu veulx moins  
 purger & plus corroborer soient reduictz  
 en pouldre ou si tu veulx soient formez pilu-  
 les avecques sirop d'absinthe ou soit ladicte  
 pouldre receue en miel d'espume, ou soit gar-  
 dée ē vne fiole, En toutes ces manieres susdi-  
 ctēs tu la cognoistras estre preparées tāt pour  
 les dispositions de l'estomach que de la teste  
 & des intestis. Mais à ceulx qui ont phlegme

La commo-  
 dité de la  
 hierre,

lent & adherent à l'estomach, fault premièrement bailler médicamentz incisifz, & puis apres purgatifz, ou il le fault prouocquer à vomir (s'ilz sont enclins à cela) par resort avec eximel scyllitique qu'on trouue maintenant: mais si l'humeur n'est point lent ne gros, il suffit de vomir seulement par decoction d'orge, puis par hydromel ou melicraton, & sera bon & ydoine si l'on boit le melicraton, auquel aura cuyt absinthe: car il pousse commodement en bas les humeurs contenuz en l'orifice de l'estomach, & les gros, il les affiche audict estomach: car il n'a pas vertu de racler & inciser qui soit de grãde estime.

Au 6. de la  
conseruatiõ  
de santé.

Qu'ilz sont troys manieres de dispositions en l'estomach, qui aulcunes fois l'affligent, & ensemble, & à part, & que la methode de les curer est commune aux aultres compositiõs de maladies.



**N**l ne doubte que l'estomach  
 peult souffrir, troys dispositions  
 ensemble, & vne chascune à part,  
 tellement que les parties solides  
 soient mal disposées, & que mauuais hu-  
 meurs soient si fort affligez audict estomach,  
 qu'ilz n'en puissent estre facilement arra-  
 chez ou osterz, & que d'autres soient aussi  
 contenuz en sa capacité interieure: car au-  
 cunesfoys la premiere disposition peult estre  
 conioincte avecques la seconde, & la secon-  
 de avecques la tierce, & la tierce avecques la  
 premiere, & bien souuent comme a esté dict,  
 peuuent estre ensemble. Pour lesquelles fault  
 reduire en memoire toutes les choses qui par  
 cy deuant ont esté traictées de la composi-  
 tion des dispositions en vlceres: mais puis  
 que l'occasion s'offre si bien à point: nous  
 traicterons icy de rechef avecques Galien la  
 methode en brieſ pour toute compositiō de  
 dispositions, à laquelle fault que tu penſes &  
 entendes, car nous ne la rememorons plus  
 cy apres. Premièrement doncques en ceste  
 composition de dispositions, non ſeulement  
 de l'estomach: mais aussi des autres parties  
 ſont à conſiderer troys choses propoſées, en  
 premier lieu eſt la diſpoſition, de laquelle  
 le plus de danger depend au patient. Secon-  
 dement quelle choſe entre icelles diſpo-

Methode  
 pour toute  
 cōpoſition  
 de diſpoſi-  
 tions.

sitions composées aye raison de cause, & qu'elle aye raison d'effaict. Tiercemét quelles sont qui puissent estre guaries deuant les aultres, & quelles non: car quant au patient, il pend danger & peril de quelque disposition, il fault en premier lieu tendre & dresser la curacion à ce qui est plus vrgent: mais par deuant il fault oster ce qui a raison de cause, puis secondement sera curée la maladie, d'aduançaige il fault observer & garder quād l'une ne peut estre curée sans l'autre: mais quand on cure ce qui est plus vrgent, il fault considerer la grandeur de la disposition: laquelle est cogneue par la dignité de l'action & de la partie souffrante par la propre essence des dispositions, & finalement par la vertu qui dispense & gouverne tout nostre corps: mais quand on oste la cause, il fault considerer laquelle des choses conioinctes peut augmenter ou engendrer les aultres, & aussi celles qui en oultre y sont engendrées, ou qui sy augmentent: mais en ordre il fault observer & garder de quoy peut estre quelque chose, quelle auecques quelle, & quelle apres quelle peut estre curée. Toutes lesquelles choses on peut facilement veoir comme à l'œil par l'exemple de l'estomach, icy presentement mis, auquel sans nous eslongner, cōmencerons de rechef

Dont est cogneue la grandeur des dispositions

faignons doncques que du cerueau deflue en  
 l'estomach quelque humeur superflue &  
 froid, duquel soit desia en luy engendrée in-  
 temperature froide, & d'aduantage que  
 quelque mauuais humeur aye desia occupé  
 & failly les petites espaces vuides qui sont es  
 parties de l'estomach. En ceste exemple font  
 troys dispositions de fluxion, retétion & ad-  
 herence de mauuais humeurs es parties soli-  
 des & intemperature de l'estomach, laquelle  
 surmonte en dignité les deux aultres disposi-  
 tions, pource que d'elle toute l'action depêd:  
 & des choses contraires ya vne mesme & sem-  
 blable doctrine: mais si tu veulx, fains que  
 la plus grande de ces dispositions la soit  
 d'humeur adherent, & qu'il infere senti-  
 ment de corrosion, dont il aduienne def-  
 faillance de cueur & grande sueur, telement  
 que d'autant qu'elle passe & surmonte les ver-  
 tus, elle soit plus grande que les aultres. Il  
 est doncques apparent que premierement il  
 fault auoir soing & cure de secourir à ce qui  
 resoult les vertus, c'est assauoir à la deffaillace  
 de cueur: mais apres que cela se fera medio-  
 cremēt porté, & que les vertus ne descherrôt  
 plus, & qu'il ny aura pas beaucoup d'humeur  
 vicieux en l'estomach: lors pour certain tu  
 viendras à la cause, laquelle tandis qu'elle y  
 demourra, la disposition qui en est faicte, ne

pourra parfaictemēt estre curée: mais l'ordre de la curatiō quelque fois demōstre remedes entre soy contraires, comme en vlcere cōposé avecques inflammation, quelque fois aussi il ne meist riē à l'aulture disposition, cōme en ce cas maītenāt proposé: car apres que l'humeur qui redōdoit en la capacité de l'estomach est purgé, il oste plainement le nourrissement de celuy qui adhere aux tunicques dudit estomach. Semblablement aussi celuy qui tellement corrobore le cerueau qu'il ne puisse créer aucune superfluité sensible, tel pour vray destruiēt cōme vne fontaine de fluxion dedās l'estomach: & ainsi l'ordre de curation concorde avecques l'ordre des causes, cōbien qu'en aulture il discorde souuēt: mais ce qu'on faict considere, & qu'on veoid par la grādeur de la disposition, il le fault ainsi distinguer comme a esté dict: & premieremēt tu accōmoderas la matiere des medicamentz à ce qui est plus grand: puis t u poursuuyras la cure selon tout l'ordre des causes, d'aduantaige s'il n'ya notable & grande multitude d'excremetz n'en la capacité, n'es tunicques dudit estomach, n'aussi aucune corrosiō qui nuysse aux vertus, lors il fault curer le cerueau deuant tous aultres: puis fault purger & effuyer ladicte capacité de l'estomach, & consequemment les tunicques, & finablement fault

remedier à l'intemperature par medicamētz  
contraires, & par ainsi tu guariras parfaicte-  
ment à la fin, non seulement les intempera-  
tures de l'estomach: mais aussi ceres des  
autres parties, soit qu'elles soient pures &  
seules, ou qu'il y ayt quelque humeur super-  
flu qui les nourrisse: ce qui toutesfoys se fera  
en diuersifiant & muant la maniere & raison  
de remedier selon la diuersité de la nature  
des parties, & de leur office, figure, situation,  
& aussi selon la promptitude ou difficulté du  
sentiment, desquelles choses il reste encores  
quelque peu à dire & adiouster de Galien se-  
lon la methode vniuerselle de curer.

## Des indications, & premie- rement de celle qui est prise de la temperature de la partie.

I Indication curatiue doit estre  
comprise de la nature ou tem-  
perature de la partie en ceste  
maniere, que la partie qui est de  
nature chaulde, si elle travaille de froid qui

tant faisie lors elle demande estre plus ample-  
ment & plus long temps eschauffée Car il est  
necessaire qu'une chascune chose retourne  
tant auant en sa premiere nature comme elle  
s'en est esloignée, & qu'elle soit remenée en  
arriere comme par certaine voye qui face au  
contraire de la mutation qui a esté faicte en  
icelle : mais au contraire si vne partie de  
nature chaulde est vexée de maladie chaulde  
elle a besoing de petite refrigeration, ou qui  
soit de brief temps, cōme si elle estoit de na-  
ture froide & vexée de froid, elle auroit be-  
soing de petit eschauffemēt, dont ceulx sont  
en moindre peril, desquelz la maladie est de  
temperature prochaine ou semblable à leur  
nature. Et ainsi que i'ay proposé des chaul-  
des & froides temperatures, le veulx que pa-  
reillement on entende des aultres tant sim-  
ples que composées.

De indication prise de l'of-  
fice de la partye.





Noultre on ne prend point de indication curatiue à la partye, de laquelle l'office est au commun & vtile à toutes les partyes ou à peu d'icelles, ou bien à foy seulement, quand elle est vexée de intemperature simple, c'est à dire sans vice d'humeur, car elle demande estre curée par medicamentz cōtraires, comme les aultres partyes. Mais en intemperatures qui prouiennēt & sont nourries d'humeur superflu, si la partye sert seulement à foy, tu peulx hardiment purger & euacuer selon que la disposition demonstre. mais toutesfoys il fault estre intētif à garder la vertu, mais si son office est necessaire à toutes les partyes de l'animant, comme est l'office de l'estomach & du foye, il ne fault pas estre lors peu soigneux de la force des vertuz, de peur que apres auoir vne fois vsé de grāde euacuatiō, tu ne la corrōpes. Parquoy le conseil est bon au liure de arte parua, cha. 96. ou est dict que aux medicamentz laxatifz & purgatifz, fault tousiours adiouster quelqu'ung de ceulx qui cōseruent la force de la partye qui a office publicque ou commun à tout le corps, car l'office du cueur est commun, & aussi est celuy des arteres, des veines de la poictrine, des deux vecies & des vaisseaulx qui procedent d'icelles deux, mais

pour les actiōs volontaires du cerueau quād nous sommes sains, nous est besoīn de muscles, par lesquelz nous faisons telles actions & non pas quand nous sommes malades, si nō de ceulx ausquelz est commis l'office de respiration. Des aultres organes certes il n'y a point d'action, mais leur seruice est necessaire pour la vye, comme celuy du poulmon de l'aspre artere & de la capacité diēte fauces. Parquoy fault soudainement euacuer ainsi que tu voudras la superfluytē qui est en telles partyes, mais si tu euacues de l'estomach ou du foye, lors il fault pourueoir & garder que tu ne nuyses à la vertu, & qui plus est pource que la dignité des actions n'est pas semblable en toutes partyes, il fault pourueoir à la force d'une chascune partye, selon la proportion de la dignité des actions. Car la dignité de l'office du cueur est tresgrande & tresnecessaire à toutes maladies. L'utilité du cerueau est semblable quant à la vye, toutesfoys il n'est pas requis si grande force de luy aux malades, veu qu'il souffist assez si tant de sa vertu est gardée que l'office de respiration puisse estre faicte & administrée. Mais l'œuure du foye & de l'estomach est fort necessaire à toutes partyes. Toutesfoys non pas tant, au moins il n'a pas perpetuelle necessité de l'œuure du cueur. Parquoy celuy qui est

les actions & vtilitez de toutes les parties il trouuera facilement, combien il fault garder la force & vertu d'une chascune. Et en ceste mesme maniere, fault garder la force des parties qui sont auteurs & causes aux autres parties de leur facultez & vertus, selon la proportion de l'utilité de leursdictes facultez, qui est affin qu'elles seruent à ycelles parties de l'anymant, car le cerueau suppedite & donne vertu aux nerfz & aux muscles, le cueur aux arteres & le foye aux veines.

Indication prise de la figure  
& situation de la partie, &  
aussi de la disposition du sentiment.



Ar cy deuât en la disputation qui a esté faicte quâd on traictoit des dispositions du poulmon, a esté enseigné & monsté que la figure & la situation de la partye, aydant fort à cognoistre en quel moyen & comment on doit euacuer les excrementz, car l'estomach comme nagueres a esté dict, est purgé & euacué, ou par vomissement ou par deiection, &

les intestins par deiection seulement, comme aussi est la caue partye du foye. Mais sa partye connexée & les reins & la vecie quād ilz sont empeschez de beaucoup d'humeur & visqueux, sont purgez par le vètre, & quād il y a peu d'humeur, sont purgez par les conduictz de l'uryne. Le cerueau, les narilles & oreilles, sont purgez par le palais. La poitrine & le poulmon, par l'aspre artere. D'aduantage l'indication prise de la situation de la partye, ne sera pas de legiere efficace, tant pour l'intemperature des parties solides, que pour le vice des humeurs, car l'intemperature du cuyr exterieur est plus facilement corrigée & curée, que celles des parties interieures. Car s'il fault que la vertu des medicamentz soit portée iusques la, certainement il la fault augmenter, afin qu'elle ne se dimynue en la voye. Finablement vng chascun cognoist appartement, quelle indication peult estre prise du sentiment agu & facile, car la partye comme est l'œil, le nerf ou le prepuce resoult ou dimynue facilement sa vertu par la douleur qui luy est inferée de la violence du medicament. Parquoy tu n'entreprédras pas de euacuer tout à vnc fois les parties qui ont tel grand & si agu sentiment, mais plus tost le feras seurement & opportunement. Et quand le sentiment est tardif &

hebeté: lors on peut tost & legerement faire  
ce qui est bon & iuste en vñant vne fois de  
remede ydoine & propice: mais nous n'a-  
uons pas entrepris de transferer icy toutes  
choses, mais plus tost auons mis peine de  
rediger en petit abregé pour les studieulx &  
amateurs de l'art de medecine les liures  
qu'auons peu rediger de la methode Thera-  
peuticque. Quant est des aultres, il ne nous  
a esté possible: pource qu'en iceulx Galien a  
vsé de telle voye & methode d'escripre qu'on  
n'en scauroit rien oster ne diminuer, sans  
amoindrir ou destruyre la sentence.

**Fin de la septiesme perioche.**

# Briefue Table

DES CHOSES CONTE-  
nues en ce liure.

En la premiere perioche:

**P**ourquoy Galie a voulu escripre  
& faire inuectiue contre Thessa-  
lus. folio. 1

La methode des choses qui sont  
tractees en ces liures. 4

Contre Thesalus & Olimpicus qui ont mal  
diffiny sante & maladie. 5

Que quatre choses doibuent estre constituées  
par ordre en ceste methode. 6

Que Olimpicus a mal distinct pathos, cest à  
dire passion, d'avecques accident. 7

En la seconde perioche.

Que c'est que passion ou maladie, à laquelle  
seule on prepare remedes. 10

Quo'n ne peult trouuer le nombre des ma-  
ladies sans cognoistre les causes des actions.

folio.

II

# T A B L E.

Que les parties simples font souuent viciées  
par intemperature contre Erasistratus.

folio 13

Que c'est que indication, & cōbien elle peult  
en la methode de curer.

Que toute maladie est vng en espee, mais  
differente en multitude.

Que maladie de rechef est vng en genre,  
& que c'est quelque chose que maladie.

folio. eodem

## En la tierce perioche.

De quelle chose se prend principalement  
indication à guarir les maladies.

De simple plage & caue, pour laquelle curer  
l'empiricque prend & applique tout medi-  
cament sarcoticque.

Qu'il ya double cause d'engendrer chair,  
à laquelle sert le medicament sarcoticque,  
mundifiant & desseichāt enuiron le premier  
degré.

Qu'il fault conseruer la temperature de la  
partie, & toutesfoys que la plage doibt tous-  
iours estre seichée, & qu'en curation on  
ne peult entendre n'ordonner quantité.

folio. 23

De curer simple plage. 24

# TABLE.

De induire cicatrice.	26
De trop grande croissāce de chair.	27
Des dispositions meslées avecques solution de continuité.	28
Qu'en la curation de plage & d'aultres dispositions ya souuent contraires indications, & qu'il fault commencer à la chose, sans laquelle l'aultre ne peult estre curée.	29
Des propres differences des plages simples & compositions d'ice les, lesquelles ont leur indication à estre curées.	31

## En la quarte perioche.

Qu'il fault premierement corriger les vices qui empeschent la curation de plage.	34
Que la cause externe ou primitive ne profite rien à la curation, mais à la cognoissāce de la disposition.	36
De plage ou vlcere maligne dictē des grecz cacoethes que Thessalus n'a pas bien commodement curée.	37
De plage cicatrifée & retournāte de nouveau.	38
Hipocrates a tousiours pris indication à l'essence de la chose mesme, & non pas à la diurnité du temps, & enseigne qu'il fault tousiours seicher la plage, sinon qu'il feust	

besoing de soubdainement engendrer sup-  
puration. 41

Que l'indication est prise de la quantité de  
la disposition, laquelle est rendue vehemente  
par la noblesse & dignité de la partie par la  
grandeur des accidentz, & par la malignité  
d'icelle disposition. 42

Que l'indication doibt estre prise de la fa-  
cilité & difficulté du sentiment de la partie,  
& aussi à la figure & position d'icelle. 44

Curation des effusions dictes ecchimosis. In-  
dication estant prise de la situation de la  
partie. 46

### En la quinte perioche.

Des causes de flux de sang procedant des pla-  
ges des veines. 47

De restraindre le sang procedant de la di-  
uision de ses vaisseaulx en la superficie du  
corps. 48

De la ligature des veines & arteres, & du  
medicament emplasticque. 50

Qu'il fault souuent engendrer eschare quand  
la necessité le requiert. 52

Des plages des vaisseaulx, du sang au pro-  
fond du corps. 53

Il est approuué par experience & raiſon que  
l'artere se reprend & reunist. 55

Des plages, ou vlcres des poulmōs qui sont  
difficilement curées. 26

Qu'il faut obseruer & considerer la nature,  
situation & figure de la partie 58

De l'ulcere en la mēbrane interieure, de tra-  
chea arteria, & du lait de tabie qui profi-  
te aux phisiques. 60

De reiection de sang des poulmons pour la  
defluxion du caterre dedēs iceulx; & pour le  
refroidissement des instrumentz de respira-  
tion. 61

De l'ulcere des poulmons par erosion d'hū-  
meur vicieux.

En la sixiesme perioche.

Que la curation des corps & parties dures  
est traitée en ce Liure, & qu'ilz n'ont  
diuerfes differences des plages des nerf.  
fo. 66

De la curation du nerf poingt 67

Du nef qui est trenché de long, & de la ma-  
niere de le curer. 69

Du nerf trenché de trauers. 71

De la contusion des nerfz. ibidem.

De la plage, ou vlcere des ligamentz & ten-  
dons. 72

# T A B L E

De la plage d'Abdomen. & de sa curatiõ.	73
De la difference des fractures des oz, & de la curation d'icelles en general.	75
De la curation de l'oz rompu de trauers.	76
En quel tẽps on doit deſter la ligature des oz fo.	78
De la contuſion des oz.	80
Des differences des piages. en la teſte, & de leur curation.	81
De la curation des fractures, & cõtufions du crane, & de quelz instrumentz on y doit yſer.	82

## En la ſeptieſme perioche.

La maniere & raiſon de curer generalmente & particulierement toute intemperature.	85
De la ſeiche intemperature de l'eſtomach faiete par conſumption de la ſubſtance roride. fo.	88
Hystoire de la curation de l'eſtomach, quaſi ia conſumẽ de ſeichereſſe.	89
De la viande, & du boyre de ce patient.	92
De mediocre froideur ioinct avecques grande ſeichereſſe.	95
De intemperature chaulde & ſeiche	97
De intemperature gradẽment chaulde avecques humiditẽ mediocre, ou avecques me-	

# T A B L E

diocre seichereffe,	98
De l'interperature de l'estomach par vice d'humeur.	99
De humeur vicieux adherent aux tunicques de l'estomach, auquel profite la hiere.	101
Que ilz sont troys manieres de dispositions en l'estomach qu'aucunes fois l'affligēt ensemble, & à part & que la methode pour les curer est commune aux aultres compositiōs de maladies.	102
Des indications, & premierement de celle qui est prise de la tēperature de la partie.	104
Indication prise de la figure & situation de la partie, & aussi de la disposition du sentiment.	105

Fin de la Table.

## Errata.

Au fo. 9. pa. 2. ligne 6. au lieu de cephalagia, lisez cephalalgia. En ladicte page, lig. 7. ya adontagia, lisez odontalgia. Puis en la. 10. ligne ensuiuante, pour lencophlecmaria, lisez lencophlegmacia.

Au fo. 12. page. 1. lig. 14. ya peres, lisez pores. en la 17. ligne ensuiuante, au lieu de vitieur, vicient.

Au fo. 14. pag. 2. lig. 21. & 22, au lieu de caterre, arteres.

Au fo. 19. page. 1. lig. 9. pour conseruons, consermons.

Au fo. 21. page. 1. lig. 13, au lieu de filphui, filphoni. En la page. 2. ensuiuante, lig. 9. pour n'endendent, n'entent.

Au fo. 22. pa. 2. lig. 26 ya cademia. pour cadmia  
 Au fo. 23. pa. 2. li. 7. & 8, ya couienne pour conuiennent, & approcent, pour apprechent.

Au fo. 24. pa. 1. lig. 8 & 9, ya faue pour sanie.  
 En la pag 2. subsequete, lig. 16. de, est superflu.  
 Au fo. 25. pa. 1. lig. 5. deffault y, & pource lisez se y sont. En la pa. 13. lig. ensuiuate, pour renira, reunira.

Au fo. 26. pa. 1. lig. 11, ya vng. pour en. En la pa. 2. ensuiuate lig. 23. au lieu de qu'il n'y, qui luy. En la derniere ligne esuiuate, pour stes, aes. Au fo. 27. pa. li. 1. pour à l'umê, alumen.  
 En la lig. 10. ensuiuante, ya cadunc, pour cad-

mi. Au fo.28.pag.1.lig.26.pour nard, viride.  
En la pa.2 ensuiuante, li.3.pour de prince, du  
prince. En la lig.4.suiuante ya c'est, pour  
ceste. Au fo.29.pa.2.li.15.pour dispositrōs, dis-  
positiōs. Au fo.31.pa.1.li.2 pour naissāt, vais-  
seau En la pa.2.ēfuiuāte, lig.13.pour qui a nō,  
qua non. Au fo.32.lig.penultime, pour quel  
que quelle. En la pa.2.suiuante, lig.26.pour  
brisipelas, herisipelas.

Au fo.33.pa.1.lig.19.pour diposition, dispo-  
sition. En la lig.23.suiuante, pour cacochu-  
ue, cacochime. Au fo.34.pa.1.lig.9.pour  
empesche, empeschent. En la lig.9.suiuāte,  
pour s'acquiert, acquiert.

Au fo.39.pa.2.lig.4.pour pourrit, prurit.  
En la lig.20.sequente, pour entēdre, attēdre.  
En la lig.27.suiuante, pour esmerueiller, s'es-  
merueiller.

Au fo.41.pa.1.lig.25.pour espre, espée.  
En la pa.2.ensuiuante, lig.6.pour desseichée,  
desseichées. En la lig.14.ensuiuāte, pour fa-  
taplasmes, cataplasmes.

Au fo.46.pa.1.lig.2.pour Ecchumoses, Ecchi-  
mosis. Au fo.50.pa.1.lig.5.pour cautisques,  
caustiques. En la page.2.ensuiuāte, lig.2.ya  
artreres, pour arteres.

En la lig.9.ensuiuante, ya prin palemēt, pour  
principalement.

Au fo.52.page.1.ligne.2.ya regarde pour re-  
gardent.



PATERE  
AVT AB  
STINE.



Nul ne  
s'y frot  
te.